

# Mashike Skutshabsgunni Chaglas.

## Mashike skutshabsgunni chaglassi speche skor.

Tsoo Yeshu mashike skutshabsgunni chaglassi skorla i spechabo luke dia dzadte innog, khoṇ ni luke gamoe nastshul dia dzadkhanni tenna mibo innog. Khoṇji i spechabo Yesu Mashika ṭonste sontea zharṣte stiñe lo 34 nyekhorla dia dzads. Luke i spechabo Theuphelusla dia dzadste innog, kaboa khoṇji s̄junla mashike mitshe skorla gamoe nastshulli spechaboaj dia dzadte inpin.

I spechabo khagcanzhig innog, ciazerna ibo gamoe nastshulli specha zhiko nyampo ḫelte yodte innog, kagunni mashike chaglas taṇ labzhagunni skorla shaddad. Yesu namkhaa lenna dzadte stiñe chosthogsgun kazuggi Idan, teboe skor shadcespoe i spechabo gamoe nastshulgung nyampo ḫelte innog. I speche mashike nanja tadpacangun kazuggi yahude yulne jigsten ganpoe mirigssi nanja phelkhanbo stanna dzaddanog. Gome lo 34 nanja chosthogsgun kazuggi Idante phelkhanboe skorla i nanja Griiste yodte innog.

I speche Yeshui skutshabsgunni Konchoggi gyalṣiddi gamoe nastshulli skorla labzhaa salcespoe, Yesu mashike chaglasgun taruṇjan coa dzadkhanbo stannanog. Yaṇ Konchoggi khongunni ṭoa dzadpa dzadkhangan gyudte khongunni shadkhangan ṭanpo inkhanbo stannanog, tegun matshad kazuggi chosthogsgunula nags stankhanni Paului nanja gyurja ṣonste Yesu mashike skorla labces taṇ chosshadcessi phia nagsbardo namskhanboaj stannanog.

I speche ḷadaṇja Paului kazug nasluggi nanja chostshogs sosoa chagdiṣgun dia dzadkhanbo hagocesla rogs coanog, te nasluggun Paulua nags thoṇkhan tshaṇma yaṇ chosthogsgunni nagsbardo deṇjen cokhangun in..

## Dampe thugnyiddi zhalchad.

### 1:1 ne 5

**1** <sup>1-2</sup> Cespe Theuphelus ne Griiskhanni specha tanpoe nanja, Tsoo Yeshu Konchoggi namkhaa lenlen tshogpa khoṇji labzha salkhan taṇ chaglas dzadkhan tshaṇme skorla Griiste yod. Namkhaa lenna dzaddi saṇ s̄junla, Yeshui khonraṇji Idamma dzadkhanni skutshabsgunla dampe thugnyid gyudte labzha salte inpin. <sup>3</sup> Rdugnjal namste stiñe Yeshui khoṇ sontea zhaṇskhanni stags manjo khongunla stanna dzadte, zhag 40 khongunla khonraṇ s̄jon cugga dzads yaṇ Konchoggi gyalṣiddi skorla shadda dzads.

<sup>4</sup> Lancig lobtugsgun nyampo dontaj donni tus Yeshui mols, "De khyozhagunla zerkhan naržhin, ne yabbi zhalchad dzadkhanbo thobthob tshagpa khyozhāa Yerushalemne philogga macha. <sup>5</sup> Yohananni migunla chuitius tanste inpin, innar zhag khaciggi nanja khyozhagunla dampe thugnyiddi thusthobin."

## Konchoggi Yesu namkhaa lenna dzads.

### 1:6 ne 11

<sup>6</sup> Skutshabsgun Yesu nyampo dzomste yod zane khonjgunni zers, "Tsoole, nyeranji Israelpagunla Rommi wañne rañwanj salte ḥadanji gyalśidpo logste khyonja dzadcessi tuspo inna?"

<sup>7</sup> Yeshui khonjgunla mols, "Te tusskabs tarj naslug gun Idamma dzadcessi wañbo yab cigpoa yodte innog, yañ khyozhaa tegun shesgos medpa innog.

<sup>8</sup> Dampe thugnyid khyozheka babssi tus, khyozhagunla stobs thobte khyozhagunni Yerushalem, Yahuda yul ganpo, Samariya yañ jigsten ganpoe nañja ñe spanpo tarjin."

<sup>9</sup> Te tsharjma molte stiñne khonjgunni miggi dunla Tsoo Yesu namkhaa khyerra dzadte ñinni kabba dzads yañ khonjgunni khor jal mathub. <sup>10</sup> Khonjgunni Yesu namkhaa lenna dzadkhanboa Iten dugste yod zane, hunmedia mi Kos karpo gonkhan nyis khonjgunni dunla jalte <sup>11</sup> mols, "Galillipagun, ciphia namkhaa ltaste duggad? Kazug khyozhe Yesu namkhaa lenna dzadkhanbo thon, tenna tsogsla khor yañskyar logste skyodin."

## Yude tshabsla skutshabs skoa dzads.

### 1:12 ne 26

<sup>12</sup> Te stiñne khonjun oliwwi ri<sup>a</sup> kane babste Yerushalemma logste skyods, kabu gyalssane kilomitar cig thagrinqa yodpin. <sup>13</sup> Teru lebbacig, skutshabsgun sñunla dugste yodkhanni khanpe stanjhoggga soñ.

Khongun Pitar, Yohanan, Yakob, endiu, Philib, Thomas, Bartholoma, Madtha, Alphaiussi butshaa Yakob, Shimon yuldadcan tarj Yakobbi butshaa Yuda gun inpin.

<sup>14</sup> Te skutshabs tsharjma sems cig sorjte tusgyun moslam zhuala dzommadpin, zhan bumo khacig, Yeshui ama Miryam tarj, Yeshui nogunnarj, khonjun nyampo dzommadpin.

<sup>15</sup> Lan cig nam tadpacanni mi 120 dzomste yoddi tus, Pitar lanste mols,

<sup>16</sup> "Spungun kazug dampe suñrabssi nañja ñia dzadkhan nañzhin, dampe thugnyiddi gyalpo Dabid gyudte yude skorla luñstan shadkhangun ñubgoste innog, kabu Yuda ni Yesu zumkhangunni lamstanpa gyur. <sup>17</sup> Kho ñazhe ñopa yañ khoe ñazhaa nyampo zhabstog zhuste inpin."

<sup>18</sup> (Innañ khoe lañjanboe rinboa zhiñzhig nyos, shite seka bud, khoe ñodpa chadte nañcha tsharjma biñ. <sup>19</sup> Yañ tezug cuñkhanbo Yerushalempa tsharjme tshor, te zhiñboe miñja ibripe skaddi nañja Akeldama tags, kaboe tonbo thaggi zhiñ innog).

---

<sup>a</sup>1:12 i riboika oliwwi Icañma marpo skyeste yodpa iboa oliwwi ri zerradpin.

<sup>20</sup> Pitari mols, "Surjurri speche nañja 'Khoe khanpe nañja suaq madugga nañstoñ chashig<sup>b</sup>.' Surjurri zhanyaq nassazhiggika, 'Khoe warşulcessi Kosa zhanzhiggi khyerin<sup>c</sup> dia dzadte innog."

<sup>21–22</sup> "Teboephia Tsoo Yesu ɣadañun nyampo yod zane (Yohananni Yeshua thussalli tusne khor namkhaa lenlen tshagpa) tusgyun ɣadañ nyampo yodkhangunni ɣone ɣadañji, yude tshabsshig Idamgos. Suzhig Idamnaq kho ɣadañ nyampo Yesu sontea zhañskhanni spañpo gyurgos"

<sup>23</sup> Tene khonjgunni mi nyissi miñ Idammala khyoñs, miñ cígo Yoseb ya Barsabas (Khoa Yustussaq zerradpin) yañ miñ cígo Madthiyas inpin. <sup>24–25</sup> Tene khongunni moslam zhus, "Kye Tsoo, nyerañji mitshajme snyij khyennanog. Skutshabssi las pharste ospa inkhanni nyalwe nañja soñkhanni yude tshabsla, Yeshui skutshabs tarj zhabstog zhuccesi phia i nyiskoe nañne nyerañji Idamma dzadkhanbo ɣazhaa stanna dzad." <sup>26</sup> Cholo rilte gyan gyabspa Madthiyassi miñ biñ, yañ kho skutshabs rcugshiggi ɣoa şes.

### Tadpacangunni dampe thugnyid babs.

#### 2:1 ne 13

**2** <sup>1</sup> Pentikossi tuschenni zhagga<sup>d</sup> khor tshanma khanpazhiggi nañja dzomste yod zane <sup>2</sup> hunmedla namkhane luñrag tagpoe skad tsogsshig yonste khor tshanma dzomste yodkhanni khanpabo garj. <sup>3</sup> Tene khongunla me meldab tsogs manpo thor kagun soso beste khor rereka babs. <sup>4</sup> Khor tshanma dampe thugnyiddi gañs yañ thugnyiddi khongunla khyud salcespoe, khongunni skad sosoë nañja spera tarçes gozug.

<sup>5</sup> Tetusla Konchogga tadpa cokhanni Yahudapagun jigstenni chogs tshanmane yonste, Yerushalemma dzomte yodpin. <sup>6</sup> Te skadgun tshorracig mi manpo dzom, yañ tshanma halaste handañ sor ciæerna khor tshanme khorangunni skaddi nañja lobtugsgunni spera tarjin tshor.

<sup>7</sup> Khongun mañante halaste cig tarj cigga zers, "Nyonshig, i spera tarñkhan tshanma Galillipa manogga? <sup>8</sup> Tene kazuggi khongunni ɣadañ rere skaddi nañja spera tarjin tshorranog. <sup>9</sup> Dadangunni ɣoa parthapa, medyeapa, elampa, Mesopotomiapa, Yahudapa, kapadokiyapa, Pontuspa, Asiapa, <sup>10</sup> Phrigeyapa, Pamphilyapa, Ijibpa, Kirinni nyemo yodkhanni libyapa, Rommi gyalse bespa, <sup>11</sup> (Yahudapa tarj Yahudape chosla tadpa khyonkhan Yahudapa mankhangun) yañ riñapa tarj Arabiapa gun yodte manogga? Innañ ɣadañgunla i migunni ɣadañranji skaddi nañja Konchoggi halasshessi chaglasgun shadin tshorin innog." <sup>12</sup> Khor tshanma halaste thetshoms sonje cig tarj cigga, "I nasluggi tonbo ci innog?" Zerin ɬis.

<sup>13</sup> Zhan khaciggi thelgod tarjin zers, "Igun chañ manpo thuñste raroste innog."

<sup>b</sup>1:20 sunjurri speche 69:25

<sup>c</sup>1:20 sunjurri speche 109:8

<sup>d</sup>2:1 pentikos ni pesaggi stiñne zhag 50 zhagpaa zerranog.

## Skutshabs Pitarri mitshogsia hagocugga dzads.

### 2:14 ne 41

<sup>14</sup> Tene Piṭar skutshabs rcuggicpo nyampo mitshogssi dunla skyodte skad chenmoe nanja mols, "Yahudapa taŋ Yerushalemma dugkhan gun ḡe zercescanboa gyalla coste nyonshig. I cuŋkhanguŋ ḡe khyozhaa hagocugin, <sup>15</sup> khyozhe i migun raroste innog samkhanbo taŋpo manog, Itosshiggār ḡe natoggi chutshod rgupa mane cha midug. <sup>16</sup> Innaŋ tus maŋpoe sŋunla iboe skorla luŋstonpa Yoelli mols,

<sup>17</sup> "Tsoo Konchoggi mols, 'Thame tusla

De ḡaraŋji semsnyid mitshanmekə lugin,

Yaŋ khyozhe butsha taŋ bumo gunni luŋstan tanjin.

Khyozhe zhonnugunni zhalzigs thorjin,

Yaŋ khyozhe rgadpogunla nyilam thorjin.

<sup>18</sup> Yaŋ ḡe tenna tusla ḡe yogpo

Taŋ yogmo gunnikan ḡaraŋji semsnyid lugin,

Yaŋ khonjgunni luŋstan tanjin.

<sup>19</sup> De namkhe nanja halasshessi las taŋ

Jigstennika stags gun stanic,

Tegun thag, me taŋ tudpa nagpo gun in.

<sup>20</sup> Tsooe tagcan taŋ spalcan zhagpo curŋi san

Sŋunla nyima mundig chen

Yaŋ Izawa thag tsogs marpo gyurin.

<sup>21</sup> Innaŋ Tsooe tshan khurkhan tshaŋmaa

Tharpa thobin<sup>e</sup>.

<sup>22</sup> "Ta khyozhaa Israelpagun ḡe spera nyonshig. Khyozhagunla gyusinnog Konchoggi Yesu gyudte halasshessi dzadpa, Itas taŋ stags gun dzadte khonjji Natsaredpa Yesu kalla dzadte inkhanbo stanna dzads. <sup>23</sup> Konchoggi cuŋcescangun khyente khonranji thabs nanzhin Yesu khyozhagunni lagga stadcugs yaŋ Konchoggi thims khaa manyankhangunni rogs nyampo khyozhagunni khon škyanšinjička škyančugste sads. <sup>24</sup> Innaŋ Konchoggi khon shite rdugnalli nanja lus mashugga sontea laŋja dzads, ciazhuna shicessi waŋji khoŋ zumste mane bor minyan. <sup>25</sup> Sunrabssi nanja gyalpo Dabiddi mashike skorla moldug,

"Daa thorj, Tsoo ḡe dunla tusgyun zhugste dug.

Khoŋ ḡaa rogs dzadda ḡa nyampo zhugs pasan

Da can jigsgos med.

<sup>26</sup> Tennaboephia ḡe sems thadpo in,

Yaŋ ḡe lce nyeraŋja stodpa phullad.

Matshad zhide nyampo ḡe zugspoŋ rewa yod,

<sup>27</sup> Ciažerna nyeraŋji ḡe semsnyidpo

Shikhangunni tøa phanste borra midzad,

<sup>e</sup>2:21 Yoelli speche 2:28 ne 32

Ya nyeranji dampe zhabstogpabo rul cugga midzad.

<sup>28</sup> Nyeranji ɳaa sonte lancessi lambo stanna dzad,

Nyeranji nyambo zhugshespe, ɳaa gamoe ganf.<sup>f</sup>

<sup>29</sup> "Yahudape spungun, ɳadanji phamespo gyalpo Dabid shi, spurbo spurkhanjna subs yaŋ khorjji spurkhanbo dagsaŋ ɳadanji Ɋoa yodkhanbo Ɇe tantan zer thubcesrag. <sup>30</sup> Innaŋ khorj luŋstonpa inpin, yaŋ Konchoggi khorj nyambo zhachad dzadkhan naŋzhin khorjji purgyudne cig khorjji zhugsthissika stagga dzadcespoan gyus yodpin. <sup>31</sup> Gyalpo Dabiddi yoncescanni tussi naŋja cuncessun thoŋte Mashika shikhangunni Ɋone sontea lanja dzadcespo luŋstan salte mols, 'Khorj shikhangunni Ɋoa phanste borra madzads ya khorjji skusha rul cugga midzad.'

<sup>32</sup> "Tenna Yesu, Konchoggi sontea lanja dzads, ɳazhagunni tebo spanpo tanjnad. <sup>33</sup> Khorjja Konchoggi chag yaspaa dugcessi spal thob, yaŋ yab Konchoggi zhachad dzadkhanni dampe thugnyid salla dzadkhanbo Yeshui ɳazhaa tshanmalaŋ salla dzadin innog, yaŋ tebo khyozhe dagsa thoŋin yaŋ tshorin innog."

<sup>34-35</sup> "Gyalpo Dabid namkhaa makhyernan khoe mols,

"Tsoo Konchoggi Ɇe Tsooa mols,

De khyoranji Ɇao tshanjma,

Khyoranji kanpe phosstag coco tshagpa,

Khyoranji lagpa yaspe thissika dug<sup>g</sup>.<sup>1</sup>

<sup>36</sup> Tennabophia Israelpa tshanmala tantan hagogos: tenna Yesu kabu khyozhagunni skyarshirja skyarjs, Tsoo Konchoggi khorj khorjji Idamma dzadkhanni Mashika tan Tsoo nyisko dzads.

<sup>37</sup> Pitarri speragun tshorracig khongun snyijŋa daa zugkhan tsogs skyomo sonje, khongunni Pitar tan zhan skutshabsgunla zhus, "Spungun, ɳazhe ci cogos?"

<sup>38</sup> Pitarri lansals, "Khyozhe sdigpagunla shagspa thobcessi phia ranraŋji sdigpeka gyodpa coste Yesu mashike tshanni naŋja thuslen. Tene khyozhagunla dampe thugnyiddi cinlabs thobin. <sup>39</sup> I zhachadpo khyozhaha, khyozhe purgyud tan Yahudape mankhan gunni phia innog, kagunla ɳadanji Tsoo Konchoggi khorjraŋji migun gyurcesla boddha dzads. <sup>40</sup> Tene Pitarri labzha manpo salin spanjpudte snyirne zhuwa phulin mols, "I Mirabs ɳanpaa phogcessi chadpane khyozharanjuŋ skyobshig."

<sup>41</sup> Khoe chosshadkhanboa tadpa cokhangunni thuslens, yaŋ te zhagga mashikeka tadpa cokhan storjsum zodcig chosthogssi Ɋoa thea dzads.

### Tadpacangunni del coces.

2:42 ne 47

<sup>42</sup> Khorjgun skutshabsgunne labzha lences, spospa tances, kharji goste zaces (Kaboe naŋja Tsoo Yesu idtu coin dontaj donces) tan moslam zhuces gun ma khagcan samste tusgyun dzommadpin.

<sup>f</sup>2:28 sunjurri speche 16:8 ne 11

<sup>g</sup>2:35 sunjurri speche 110:1

<sup>43</sup> Skutshabsgunni halasshessi dzadpa tan Itas manpo stanna dzadcespoe mitshajme, jigssi naanja Konchogga stsiwa dzads. <sup>44</sup> Tadpacan tshajma lan manpo dzomste, citshajma cig tan cig nyampo goadpin. <sup>45</sup> Yodkhanni norgun tsonjste ghosdom yodkhanguula goste tanjadpin. <sup>46</sup> Khongun zhagtañ chodkhanjji gyanjskorri naanja dzommadpin. Kharpagunni naanja Tsoo idtu coin donkyir cagste gamo tan thadpo nyampo snyij pheste tshajma nyampo goste zen, <sup>47</sup> Konchogga stodpa phulin, mitshajme chogsskyor thobcesla khongunni thadpo cos. Tharpa thobkhangunni lañska zhagpasanzhag Tsoo Yeshui phel cugga dzads.

### **Dul manyankhan Itsanjkhanzhig phancugga dzads.**

#### **3:1 ne 11**

**3** <sup>1</sup> Zhagshig nyime chutshod sumpa moslam zhucassi tuspeka Pitar tan Yohanann kenla chodkhanjja skyods. <sup>2</sup> Skyespane pharla zhao mizhig chodkhanjji Idemo zerkhanni gyasghoeka zhagtañ chodkhanjja chakhangunni kane Itsanjcesla khyonjste borradpin. <sup>3</sup> Khoe Pitar tan Yohanann chodkhanjja chaa thornte khonja pene ton zerin Itsangs.

<sup>4</sup> Pitar tan Yohananni kho chogsla mig gyanste Itas yan Pitarri mols, "Dazhaa Itos." <sup>5</sup> Khoe pene tanjanog samste khongunla Itaste dugs. <sup>6</sup> Tene Pitarri mols, "Mul ya ser ni ñaa med, ñaa yodkhanbo khyoranja tanjin, Natsaredpa Yesu mashike tshanni naanja lañste dul."

<sup>7</sup> Pitarri khoe lagpa yaspa zumste kho lañjala rogs cos, tennamalla khoe kanja tan kantshigs tshajma phante shedcan gyur. <sup>8</sup> Kho chomste koag lañs yan dulces gozug. Tene kho chomsin, ñulin, Konchogga stodpa phulin, khongun nyampo chodkhanjja soñ.

<sup>9</sup> Mitshajme kho ñulin, Konchogga stodpa phulin thornte <sup>10</sup> chodkhanjji Idemo zerkhanni gyasghoe dunla dugkhanni Itsanjhan inkhanbo ñoshes. Yan khoe te zug coin thorpa khongun halaste handaq soñ. <sup>11</sup> Te miboe Pitar tan Yohananni lagpa thamste yod zane, mitshajma halaste khongun yodse, chodkhanjji naanja Solomonni yabs zerse nassekä gyugste soñ.

### **Pitarri chodkhanjji naanja chos sals.**

#### **3:12 ne 26**

<sup>12</sup> Pitarri mimarjsgun dzomma thornte mols, "Israelpagun, khyozhagun cia halaste in? Dazharanji stobs ya ñazhaa dampa yodcespoe, i mibo ñulcug nyante innog samste ñazhaa cia Itaste duggad. <sup>13</sup> Abraham, Isak, Yakobbi Konchog, ñadanji phamespogunni Konchoggi khonji zhabstogpa Yeshua spal sala dzads. Innaj khyozhagunni khor zumste ñaoe lagga sadda tanjs, yan Pilatui khor phudcessi thagcadnaj, khyozhagunni Pilatui dunla khor ñazhe gyalpo man zers. <sup>14</sup> Khyozhagunni dampa tan tanpo inkhanbo phanjste Pilatua khyozhe phia misadzhig phudcesla zhuwa phuls. <sup>15</sup> Dazhe spanpo tanjad, khyozhe sog salkhanbo sads, innaj Konchoggi khor shikhangunni tone sontea lañja dzadte innog."

<sup>16</sup> "Yeshui tshanni nañja tadpa cocespoe khyozhe thorjste ñosheskhanne i mibo shedcan coa dzads. Yeshui nañja tadpa cocespoe i miboe zugspo gyalte shedcan gyurkhanbo khyozhaa tshanjme thon thubte innog.

<sup>17</sup> "Ta ne spungun ja gyusyod, khyozhaa tañ khyozhe uskyor gunni Yesu nyampo cokhangun khoj su inkhanbo mashessa coste inpin. <sup>18</sup> Innañ Konchoggi sñunme luñstonpa tshanjma gyudte Konchoggi Idamma dzadkhanni Mashikaa rdugnal nyongosin molkhanbo ñub cugga dzads. <sup>19</sup> Sdigpa sella dzadcessi phia khyozhaa rañji sdigpeka gyodpa coste Konchog chogsla logte yoñshig. <sup>20</sup> Tene khyozhaa tañ Tsooe nañja ñel yodcespoe, khyozhe semsla spospa thobste Konchoggi Idamma dzadkhanni Mashika, Yesu yañskyar khyozheka kalla dzadin. <sup>21</sup> Tus mañpoe sñunla dampe luñstonpagun gyudte molla dzadkhan nañzhin Yesu tetetshogpa namkhaa zhugsgosin namtshogpa Konchoggi dzadkhan tshanjma yañskyar soma midzad. <sup>22</sup> Luñstonpa Mozessi mols, 'Tsoo khyozhe Konchoggi khyozhagunni phia ja tsogsla khyozharanji spungunni ñone luñstonpazhig kalla dzadin. Yañ khyozhagunni khorñji molkhan tshanjmaa khanyangos. <sup>23</sup> Te luñstonpe kha minyankhanbo Konchoggi migunni ñone pheste medkhan coa dzadin<sup>h</sup>."

<sup>24</sup> Pitarri taruñjañ mols, "Shamuelne gozugste luñstonpa tshanjme, i zhaggunni skorla luñstan shadda dzads. <sup>25</sup> Khyozha luñstonpagunni zhalchadgun norskal thobcescan yañ Konchoggi khyozhe phamespogun nyampo chaddon dzadkhanboe nañja khyozha theste innog, kazug Konchoggi Abrahama molla dzads, 'De khyoranji purgyudgun gyudte jigstenpagunla cinlabs tanjini.' <sup>26</sup> Konchoggi khorñranji zhabstogpa, Yesu sontea lañja dzadte khyozharanji ñanpe lamgun phaj thubcessi cinlabs salcesla khorñ gomaran khyozhagunni kalla dzads."

### Pitar tañ Yohanann tshogsdui dunla khyers.

#### 4:1 ne 22

**4** <sup>1</sup> Pitar tañ Yohananni mimañsla labzha salin yod zane lamagun, chodkhanj sunkhanni magspon tañ saddukipagun teru yoñs. <sup>2</sup> Te uskyongunla şo yoñste yodpin ciazerna skutshabsgunni mitshogsla Yesu gyudte shikhangan sontea lañja dzadcessi labzha salladpin. <sup>3</sup> Khorñgunni Pitar tañ Yohanan zumste stijnmazhag tshagpa tsonkhanjña kaçcugs, ciazerna mundig son tsharte yodpin. <sup>4</sup> Innañ khorñji chos tshorkhan mañpoe Tsoo Yeshuika tadpa khyoñs, tadpacangunni tañska storñja zamshig yodpin, kaboe nañja bumo tañ tugugun mathea innog.

<sup>5</sup> Tene stijnmazhagga yulli sponbogun, uskyongun tañ chosthimsla khaspagun Yerushalemma dzom. <sup>6</sup> Lama chenmo Annas, Kayaphas, lama chenmoe nyen: Yohanann, alegzander tañ zhangun teþoa yodpin. <sup>7</sup> Khorñgunni Pitar tañ Yohanan tshogsdui dunla bodte tis, "Khyoranjgunni sui wanji nañja ya sui miñ khurte te lasgun coste in?"

<sup>h</sup>**3:23** thimssi specha nyispa 18:15, 18, 19

<sup>i</sup>**3:25** gozuggi speche 22:18; 26:4

<sup>8</sup> Tene dampe thugnyiddi gańste Pitarri lantańs, "Migunni sponbo tań uskyoń gun, <sup>9</sup> ɣazhe khoñskhanni mi phancugste las zańpo cocespoe, diriŋ ɣazhaa tiwa t̄ada? Kho kazuggi gyal, gyuschaan nyinragga? <sup>10</sup> Ibo khyozhaa tań Israelpa tshajme shesgos, Natsaredpa Yesu Mashika khyozhe skyanshijjika skyanjs innar Konchoggi khol shikhanguńi ḥone sontea lanja dzadskhanni tshanni nańja i mibo phante khyozhe dunla lanste innog. <sup>11</sup> Khoñji skorla sunrabssi nańja molte innog,

Ka rdoabo khanja stsigkhanguńi phanmithogs thes,

Tenna rdoabo khanje turdoabo gyur

Kabo tshajmesań khagcan rdoabo innogi.'

<sup>12</sup> Yesu Mashika mastogs zhan suzhig gyudte ḥadanja tharpa mithob, jigsten garjoe nańja zhan suzhigga Konchoggi te mirbo sulla madzads, kabu gyudte ḥadanjuńla tharpa thobin. <sup>13</sup> Tene khongunni Pitar tań Yohanann masilkhan, khaspa mi man innar ma spospa nyampo spanpo tances thornte halas, yań khol nyisko Yeshui ḥopa inkhanbo hago. <sup>14</sup> Khongunni phancughanni mibo khol nyampo lanste yodpa, khongunla Pitar tań Yohananni gyabgalla cań zer manyan. <sup>15</sup> Teboephia khol nyisko Yahudape tshogsdune philogga phijs, yań khongunni ḫabs coste cig tań ciggia ḫis, <sup>16</sup> "Dadarjgunni i mi nyisko ci coin? Te Itaspo macuń ḥadanji zer minyan ciazerna khongunni halasshessi dzadpa stankhanbo Yerushalempa tshajmala gyusinnog. <sup>17</sup> Innar Yeshui skorla lonbo mimarssi nańja tarunjan mi gyascessi phia ḥadanji khol nyisko tanepharla Yeshui miń khurte chosshad michog zerte katańin." <sup>18</sup> Tene khol nyisko nańja bodte Yeshui skorla suan spera ya chosshad michog zerte ka tańs.

<sup>19</sup> Innar Pitar tań Yohananni khongunla mols, "Khyozhe ci sammarag, Konchoggi skundunla kabu tańpo innog, khongji ka khaa nyancespo innogga ya khyozhe?

<sup>20</sup> Dazhe thorjhan tań tshorkhan gun migunla mashadda dugnyances med."

<sup>21</sup> Te cuñkhanbo thornte mi tshajme Konchogga stodpa phulpa, migunni hilis maphinjia Yahudape tshogsdui khol nyisko Chadpa kazugshig cadcespo thagcad manyan. Tennabephia khongunni spanjpudte khol nyisko phudtans.

<sup>22</sup> Halasshessi dzadpa dzadte phancughanni miboa lo zhibcu sań mańja chadpin.

### Tadpacangunni spospe phia moslam.

4:23 ne 31

<sup>23</sup> Khol nyisko phudte stiňne zhan tadpacan spungunni ḥoa sor yań lama chenmo tań uskyoń gunni zerkhan tshajma khongunla shads. <sup>24</sup> Khongunni tebo tshorracig tshajme skad chenmoe nańja Konchogga moslam zhus, "Kye Tsoo, nyeranji namkhaa, jigsten, gyatsho tań tegunni nańja yodkhan tshajma dzadte in. <sup>25</sup> Dampe thugnyid gyudte nyeranji yogpo ɣazhe phamespo gyalpo Dabiddi zhalne mols,

'Gyalkhamsgunla šo ḥanțe cia yońjanog.

Migunni gomichodcessi cusjan cia Idinjanog.

<sup>26</sup> Konchog taŋ khorŋji Idamma dzadkhanni mashike gyabgalla,  
Jigstenni gyalpogun maggi phia ḳaldig dug,  
Yar wāŋsulpagun dzomste dug<sup>k</sup>.'

<sup>27</sup> Tantanla i gyalse naŋja gyalpo herod taŋ Rommi kalon Pontu Pilatu, Yahudapa mankhangun taŋ Israelpagun nyampo dzomste nyeranŋji Idamma dzadkhan dampe zhabstogpa Yeshui gyabgalla cusŋan Idiŋs. <sup>28</sup> Khongunni Mashika coskhanbo ni nyeranŋji war taŋ thuggorŋs naŋzhin sŋunla thagcadda dzadte inpin. <sup>29</sup> Ta kye Tsoo, khongunni Idamzhag taŋskhanbo sanna dzadte ḳazhaa nyeranŋji yogpogunla nyeranŋji dampe ka hampa nyampo shadcessi shed sal. <sup>30</sup> Nyeranŋji chag skyanŋja dzadte gyalcugces, nyeranŋji dampe zhabstogpa Yeshui tshan waŋcanni naŋja halasshessi stags taŋ dzadpa gun coa dzad."

<sup>31</sup> Moslam tab tsharracig khongun dzomste yodkhanni naŋbo skulla dzads. Tsharŋma dampe thugnyiddi ganjte Konchoggi ka hampa nyampo shads.

### Tadpacangunni norgun goste taŋs.

4:32 ne 37

<sup>32</sup> Tadpacan tsharŋma snyinsems thunte suzhiggian ranŋji norbo ḳaraŋji in mazerra citsharŋma zhanmagun nyampo goadpin. <sup>33</sup> Skutshabsgunni stobs chenmo nyampo Tsoo Yesu shikhanguŋni tone sontea zhaŋskhanboe spanjo taŋs yaŋ tsharŋmeka thugrje chenmo babs. <sup>34</sup> Khongunni tone ghosdomcan suan medpin, ciazerna zhin ya khanpa yodkhanguŋni tegun tsonste <sup>35</sup> skutshabsgunni zhabssi dunla te penegun phulladpin. Tene khongunni ghosdom naŋzhin tebo tsharŋmala goste salladpin.

<sup>36</sup> Nor tsonkhanguŋni naŋne Kibrussi yulne Israeli sde Livipa Yoseb zerkhanzhig kaboa skutshabsgunni Barnabas miŋŋa tags (Teboe tonbo "Semstobstaŋkhannibu" innog). <sup>37</sup> Khoe ranŋji zhiŋbo tsoŋs yaŋ penebo khyorŋste skutshabsgunni zhabssi dunla phuls.

### Ananiyas taŋ khoe nama Sabphiraa.

5:1 ne 11

**5**<sup>1</sup> Ta ananiyas taŋ khoe nama Sabphiraa zerkhanni zhidmadshiggi ranŋji sakyaddi khagcig tsoŋs, <sup>2</sup> yaŋ thobkhanni peneboe naŋne khagcig suan gyuschaa macugga borte luskhanbo skutshabsgunni zhabssi dunla phuls. Khoe name i tsharŋme naŋja khachamste inpin.

<sup>3</sup> Tene Pitari mols, "Ananiyas, cia khyoranŋji snyinŋji naŋja shetan yoŋcugste, sakyad tsonkhanni rinni khagcig ranŋji phia borte dampe thugnyidla zun taŋŋajd.

<sup>4</sup> Te sakyadpo tsonŋji saŋ sŋunlaŋ khyoranŋji manpinna? Tsonste stiŋnear te peneboe khyoranŋji ci conaŋ mithadda? Tene khyoranŋja skyon cocessi i sambabo kane yoŋs. Khyoranŋji ḳazhaŋunla manpa Konchogga zun taŋste innog."

---

<sup>k</sup>4:26 sunjurri speche 2:1,2

<sup>5</sup> Tegun tshorracig ananiyas seka gyel yan shi. Te cuñkhangun tshorkhan tshanma şanṭe jigs. <sup>6</sup> Teru yodkhanni khyogtoj khacig yonste khoe robo rassi nanja dums yan philogga subbala khyers.

<sup>7</sup> Chutshod sumzhiggi stiñe, khoe nama teru yonjs, teru cuñkhanbo khoa gyus medpin. <sup>8</sup> Tene Pitarri te bumoboa mols, "Shoddan! I penebo khyoran taŋ khyoranji magpe sakyad tsonste rin thobkhan ganpo inna?"

Khoe, "Rin ganpo inle" zhus.

<sup>9</sup> Pitarri mols, "Kazuggi khyoran nyiskoe Tsooe thugnyidla tshodltacessi thabs ḥanpa İdişpin. Ta khyoranji magpa subba khyerkhangun ghoeka yod, yan khyoranjaŋ philogga khurte khyerin". <sup>10</sup> Tennamalla te bumobo khonji zhabssika gyelete shi. Khyogtoŋun nanja yonjs yan bumo shite thorpa, khoar philogga khyerte khoranji magpa nyampo subs. <sup>11</sup> Mashike chostshogs garpo yan te skorla tshorkhan tshanma şanṭe jigs.

### **Skutshabsgunni nadpagun phancugga dzads.**

#### **5:12 ne 16**

<sup>12</sup> Skutshabsgunni mitshogssi naŋja halasshessi dzadpa manpo stanna dzads, yan tadpacan tshanma chokharnji naŋja Solomonni yabssika dzommadpin.

<sup>13</sup> Yulmi tshanme khongunla stsiwa ma taŋpo coadpin, innaj khongunni ṭoa desshessi hampa suzhiggan mayojs. <sup>14</sup> Teneaj butshaa taŋ bumo manpozhiggi Tsooeka tadpa khyonjs yan tadpacangunni ṭaŋska gyas. <sup>15</sup> Pitarri halasshessi dzadpa stanna dzadcespoe, khor lamne skyod zane khonji tibkyag phogna gyalin samste migunni nadpagun khyonste lammika shagstan taŋ nyalthi gunnika borradpin. <sup>16</sup> Yerushalemmi nyekhorri donjhyergunne mimaŋs manpo dzoms, manpozhiggi nadpa taŋ goŋpo zhugste nags stankhan gun thidte khyonjs, yan Pitarri tshanma phancugga dzads.

### **Skutshabsgunla rdugnal stan.**

#### **5:17 ne 42**

<sup>17</sup> Tebo thornte lama chenmo taŋ khonji ṭopa saddukipagunla şanṭe tshiges yonjs. <sup>18</sup> Khongunni skutshabsgun zumcugste khongun tsonla kags, <sup>19</sup> innan tshanla Tsooe phonye tsonkhanji ghogun pheste khongun philogga phinste khyonjs yan mols, <sup>20</sup> "Ta chokharnji gyaŋskorri naŋja sonje migunla mitshe soma thobcessi lonbo ganpo shodshig."

<sup>21</sup> Nam laŋssacig, khongun chokharnji gyaŋskorri naŋja sonje molkhan naŋzhin chosshadda dzads. Lama chenmo taŋ khonji ṭopagun lebbacig, Yahudape tshogsdu (Yaŋna Israelli uskyongunni thusmi tshanma) bodte, khongunni magmi khacig skutshabsgun khyonjala tsonkhanja lamicugs. <sup>22</sup> Innaj te magmigun tsonkhanja lebbacig khongunla teru skutshabsgun mathob, yan logste sonje i skorbo uskyongunla shads, <sup>23</sup> "Tsonkhanji ghoa kulig cugste mastanpo coste gho sunpagun ghogunnika sunste dugpin, innaj nazhe gho pheste naŋkugga Itaspa

suan midug." <sup>24</sup> Te sperabo tshorracig, chodkhanji gyaspon tar lama uskyor tshajma halas, yan ci chaces innog samste thetshoms skyes.

<sup>25</sup> Teru mizhig yoŋste zers, "Ltossaŋ, khyozhe tsonla kagskhanni migunni chodkhanji gyaŋskorri naŋja migunla chosshaddug." <sup>26</sup> Tene gyaspon magmigun nyampo sorje skutshabsgun warj macoa thidte khyoŋs, ciazerna migunni rdoa gyabste sadin samste khongun jigs. <sup>27</sup> Khongunni skutshabsgun Yahudape thusmigunni tshogspe dunla khyoŋs, yan lama chenmoe khongunla zers, <sup>28</sup> "Dazhe khyozhagunla Yeshui miŋ khurte chos mashad zerte salpo ka taŋspin, innaj khyozhagunni Yerushalem gaŋpoe naŋja te chospo khyebs cugstog, yan kho sadkhanni nyadpo ḥazheka kalcessi stsondus corug."

<sup>29</sup> Pitar tar zhan skutshabsgunni lansals, "Dazhe mi saŋ Konchoggi khanyangos.

<sup>30</sup> Dazhe phamespoe Konchoggi khyozhe ḥyāŋshiŋŋika ḥyāŋste sadkhanni Tsoo Yeshu, shikhagunni ṭone sontea lanja dzads. <sup>31</sup> Israelpagunni sdigpa cokhangunni ka gyodpa coste shagspa thobcessi phia Konchoggi Yeshua gyallu tar skyabgon coa dzadte, stsiwacanni Kosa, chag yaspeka borra dzads. <sup>32</sup> Dazhaa tegunni spanpo in yan dampe thugnyiddan, tenna thugnyidbo Konchoggi khanyankhangunla salla dzads.

<sup>33</sup> Tegun tshorpa şo ḥanṭe yoŋste khongunni skutshabsgun sadcessi samba tarjs.

<sup>34</sup> Innaj Gamaliel zerkhanni pharushipa chosthimsla khaspa tar yulmi tshajme stsiwacanni mizhig Yahudape tshogsdui ṭone laŋste khongun tsapigshiggi phia philogga khyer zerte ka tarjs. <sup>35</sup> Tene khoe khongunla zers, "De ṭopa Israelpagun khyozhe te migunla ci conaj samba taŋste coshig, <sup>36</sup> ciazerna i saŋ srjunmazhig Theudas zerkhanzhig bijte kho ma khagcan mizhig inzun tarjsa mi zhibgya zamshig khoe gyabne daŋs innaj kho sads. Tene khoa chogs cokhan tshajma yante khoe lasla ḫasbu masmin. <sup>37</sup> Teboe stiŋne mitaŋs stsii tusla, Galillipa Yuda zerkhanzhig birjin, khoe gyabnearj mi manpo soŋ, khoarj sads, yan khoa ḫanskhan tshajma yante medkhan soŋ."

<sup>38</sup> "Tennaboephia dagsa i naslugpoa Itaste ne khyozhagunla zerrad, te migunla can macoa phuddonj, kaltes khonji lasgun mi chogsne inna tegunla ḫasbu mismin.

<sup>39</sup> Kaltes tegun Konchog chogsne inna, khyozhaa khongunni laspo ghag minyan, matshad khyozhagunla hagogos khyozhe Konchoggi gyabgal coste innog. Khongunni khoe zerkhanboa khachams.

<sup>40</sup> Tene skutshabsgunla bods yan stallcag gyabcugste tanepharla Yeshui tshan khurte chosshad michogs zerte khongun phudtarjs.

<sup>41</sup> Khongunla Yeshui tshanni naŋja rdugnal khurcessi stsiwa thob pasaŋ, khongun Yahudape tshogsdune philogga thadin bijte soŋ. <sup>42</sup> Khongunni chosshadces maphanja zhagtaŋ chodkhanj tar khanpagunla sorje, Yeshu Konchoggi Idamma dzadkhanni Mashika inkhanboe skorla chadmedia gamoe nastshul shads.

## Zhabstogpa rdun Idamma dzads.

### 6:1 ne 7

**6**<sup>1</sup> Tadpacangunni tańska phelin yod zane, rispe anemaranj mogunla zhagtañji zan gocessi nañja yaphes cocespo thorje rissi tadpacangunni ibripe tadpacangunni gyabgalla skyonrjod cos.

<sup>2</sup> Tebo tshorragic skutshabs rcugnyispoe zhan lobtugsgun Iduste khongunla mols, "Kaltes kharji goin dugste Konchoggi ka labcespoa nañja matañna ñazhagunni northul coste innog.<sup>3</sup> Tennaboephia spungun, khyozharanji tone dampe thugnyid tañ shesrabs gañskhan stsiwacan butsha rdun Idomshig, ñazhe khongunla te laspo cocessi khag stadin.<sup>4</sup> Tene ñazhagunni tus tshañma moslam zhuces tañ ka labcessi zhabstoggi nañja tañ thubin."

<sup>5</sup> Te sperabo tshore teru dzomskhan tshañma thad yañ khongunni Idamkhangun: Stephan (Tadpa tañ dampe thugnyiddi gañskhan), Philib, Prokorus, Nikanor, Timon, Parmenas, sñjunla Yahudape chosla stenhan Antiyogpa Nikola rdunko innog.<sup>6</sup> Te rdunko skutshabsgunni dunla khyerpa khongunni khongunni goeka chag borte moslam zhua dzads.

<sup>7</sup> Konchoggi ka mañja gyasin sorj, tadpacangunni tańska Yerushalemmi nañja mañpo phel yañ Yahudape lama mañpozhiggian tadpa cos.

### Stephan zums.

### 6:8 ne 15

<sup>8</sup> Konchoggi thugrje tañ stobssi gañste, Stephanni migunni ñoa halasshessi dzadpa tañ Itas mañpo stannadpin.<sup>9</sup> Tsheyogne tharkhangunni dukhanji thusmi khaciggi Stephan nyampo zerzer gozug cos. Khongun Kirin, alegzander, Kilikila tañ Asiane yorjkhanni Yahudapagun inpin.<sup>10</sup> Innar Stephanni dampe thugnyid yañ shesrabs nyampo molkhanboeka khongun lo mathub.

<sup>11</sup> Tene khongunni sañwe thogne Icë kolkhanni mi khacigga, "Stephanni lunstonpa Mozes tañ Konchogga dadlog zhucespo ñazhe tshor" zercugs.<sup>12</sup> Tezug tshorcespoe migun, uskyongun tañ chosthimsla khaspagunla Stephannika şo şançe lañs. Khongunni Stephan zumste Yahudape tshogsdui dunla khyers.

<sup>13</sup> Khongunni zunma spañpo mañpo phiñs yañ khongunla zercugs, "I miboe tusgyun dampe chokhaj tañ kathimsgunni gyabgalla zerdeg.<sup>14</sup> Sperna Natsaredpa Yeshui i chokhajbo shigces yañ lunstonpa Mozessi ñadanja salkhanni lugşolgun gyurin zerkhanbo ñazhe tshor."

<sup>15</sup> Yahudape tshogsdui nañja Iduste yodkhangunni Stephanla jagpo coste Itas, ciazerna khoe Idorþo Konchoggi phonye zhaldoñ tsogs thonjnadpin.

### Stephanni Yahudape tshogsdui nañja rañji spañpo tañs.

### 7:1 ne 53

**7**<sup>1</sup> Tene lama chenmoe Stephanla tis, "Khyoranjika kalkhanni i skyongun tañpo innogga?"

<sup>2</sup> Stephanni lansals, "De spun taŋ uskyoŋ gun nyonshig, ḥadaŋji phamespo Abraham Haran yulla nassi saŋ sjunla Mesopotomia yod zane khonŋja zirrjdanni Konchog jal.<sup>3</sup> Yaŋ Konchoggi khonŋja ka sals, 'Khyoranŋji phayul taŋ nyengun borte ne stancescanni yulla soŋ!'<sup>4</sup> Abraham Kaldia yulne biŋte, Haran zerse yulla naste dugs, yaŋ khonŋji aba tɔŋste stiŋne Konchoggi khorj khyozhaa dugste yodkhanni i sakyadpoeka khyoŋs."

<sup>5</sup> "Konchoggi norskal caŋ masals, mitar ciŋgi sakyaddaŋ. Tetusla Abrahamma ᲅugu mednan Konchoggi i sakyadpo khorj taŋ khonŋji purgyudgunla tanjin molte Abrahamma zhalcad dzads.<sup>6</sup> Yaŋ Konchoggi Abrahamma mols, 'Khyoranŋji purgyudgun zhanyulzhiggi naŋja khyampo tsogsla dugin. Te yulli migunni khonŋun tsheyog coste lo zhibgya zamshig khonŋunla nags stanin.<sup>7</sup> Innan ne khyozhaa tsheyogga borkhanni mirgyudgunla chadpa cadin, yaŋ khyoranŋji purgyudgun te yulne biŋte, khongunni i yulli naŋja ɻaa colin<sup>m</sup>!'"

<sup>8</sup> "Tetusla Konchoggi Abraham nyampo sunnad cogoshessi chaddon<sup>n</sup> dzads. Tene Abraham aba gyurte zhag gyadpe zhagga khoe khoranŋji butshaa Isakga sunnad cocugs. Tenna lobspo Isak Yakobbi aba gyur zane, yaŋ Yakob ḥadaŋji phamespo rcugnyispe aba gyur zaneaj, cos."

<sup>9</sup> "Yakobbi zhan tugugun Yosebbika tshigs pasan, khongunni no Yoseb Ijibpa rigga tsheyoggi phia tsoŋs, innaŋ Konchog Yoseb nyampo yodpin.<sup>10</sup> Konchoggi Yoseb rdugnal tshanmane skyobste borra dzads. Konchoggi khoa Ijibbi gyalpo Pheroē chogsskyor thobcugga dzads, yaŋ shesrabs salla dzadcespoe kho te yul taŋ khar ganpoeka wanſulpa skos."

<sup>11</sup> "Tene Ijib taŋ Kenan yul ganpoe naŋja muge laŋste ma rdugnal chenmo thoŋ. Dadaŋji phamespogunlan zagu skonmo sorpiŋ.<sup>12</sup> Yakobba Ijib yulli naŋja tonas yodkhanbo tshore, khoe ḥadaŋji phamespogun Ijibbi yulla kals, teru khonŋun gomaraŋ sonṭe inpin.<sup>13</sup> Lan nyispa yoŋ zane Yosebbi khoranŋji aconogunla kho su inkhanbo shads, yaŋ Ijibbi gyalpo Pheroāŋ Yosebbi naŋtshanssi skorla gyus soŋ.<sup>14</sup> Te stiŋne Yosebbi ranŋi aba Yakob taŋ khonŋji naŋmi 75 tshanma Ijibba bodte khyoŋs.<sup>15</sup> Yakob Ijib yulla soŋ yan teru khorj taŋ ḥadaŋji phamespo tshanma tonas.<sup>16</sup> Khongunni spurgun Shekemma khyerte spurkhanŋji naŋja bors, ka sakyadpo Abrahammi Shekempa Hamorri butshagunni kane nyoste inpin.

<sup>17</sup> Konchoggi Abrahamma zhalcad dzadkhanboe tus danda chaces nyemo lebbacig, Ijibbi naŋja ḥadaŋji migun manpo phelte yodpin.<sup>18</sup> Tene Ijibbi naŋja gyalpo soma biŋkhanboa Yosebbi coskhanni skorla caŋ gyus medpin.<sup>19</sup> Te gyalpoboe ḥadaŋji phamespogun nyampo skyon kolte khonŋunla nags ſaňte stans, sperna phamagunla waŋ kolte khonŋji ᲅugu skyeskhangun shicesla phançugs.

<sup>l</sup>7:3 gozuggi speche 12:1

<sup>m</sup>7:7 gozuggi speche 15:13,14

<sup>n</sup>7:8 Konchoggi chaddonbo ni kaltes Abraham taŋ khonŋji purgyud tshanma Konchoggi kagyagan nyanna khonŋun Konchoggi migun gyurin. Khongunni sunnad coste te chaddonbo ſuŋcelsa khachams.

<sup>20</sup>Tenna tusla Mozes skyes yan kho nyampo Konchog thugnyessa dzads.

Lzawa sum tshagpa khoa khoranji phame stastog cos. <sup>21</sup>Yan khoe phamaa kho khanpane philogga borgossacig, Ijbbi gyalpo Pheroem bumoe kho sosbua lente ranji tugu tshogsla salte bors. <sup>22</sup>Mozessi Ijibpe shesrabssi yontan tshañma jañste kho spera tan lassi nañja khaspa yodpin."

<sup>23</sup>"Lo zhibcu chacig Mozessi khoranji mi Israelpagunla thugces thagcads.

<sup>24</sup>Tene Israelpazhiggika miospa cha thorpa kho skyobbala son, yan tebo lantañste khoe Ijibpabo saddañs. <sup>25</sup>Mozessi, Konchoggi kho gyudte Israelpa tshañma Ijibpe ñayogne phudcespo khoe migunni hagoin sammadpin, innan khongunla hamago."

<sup>26</sup>"Thorezugpo Mozessi Israelpa nyis nolin thornte khongunla thuncugcessi stsonðus coin zers, 'Khyozhaa spun innog, cia cig tan cig nollad.' "

<sup>27</sup>"Innar te miospa cokhan miboe Mozes ajoa riltanste zers, 'Khyoran sui ñazheka wanþulpa tan thimsponla skos? <sup>28</sup>Tan te Ijibpabo sadda tsogsla khyoranji ñaj sadinna?' <sup>29</sup>Tezug tshorracig Mozes Midyan zerse yulla shorte son, yan teru shorbuzhiggi tshulla dugste butsha nyissi aba gyur."

<sup>30</sup>"Lo zhibcui stiñne, Sinai ri nyemo yodkhanni ristonzhiggi nañja, burtse me barkhanzhiggi nañje Konchoggi phonyazhig khorña jal. <sup>31</sup>Tebo thornte Mozes halas, yan te meboa stala nyemoa sonpa khoa te burtse nañje Tsoo Konchoggi skad tshor, <sup>32</sup>'Da ni khyoranji phamespogunni Konchog, Abraham, Isak tan Yakobbi Konchog in<sup>D</sup>, molkhanbo tshorpa Mozes jigste dar, yan khorña Ita makhyud."

<sup>33</sup>"Tene Tsoo Konchoggi Mozesla mols, 'Khyoranji pabu phud ciazerna khyoran lanste yodkhanni sakyadpo dampa in. <sup>34</sup>Da Ijib yulla yodkhanni ñe migunni rdugjal bardogun thor, yan nyañanni kucogun tshorpa ña khongun tharcugcesla babste yoñste in. Ta son, khyoran ñe Ijibba logste kallad.' "

<sup>35</sup>"Ibo tenna Mozes inpin kaboa, Israelpagunni 'Khyoran sui ñazheka wanþulpa tan thimsponla skos' zerte mastria inpin. Tenna Mozesla burtse me barkhanni ñone jalkhanni phonya gyudte Konchoggi wanþulpa tan tharcugkhanla skoa dzads.

<sup>36</sup>Khoe Israelpa tshañma Ijbne philogga phiñste khyers, yan halasshessi Itasgun Ijib, gyatsho marpo tan ristonji nañja lo zhibcu stanna dzads."

<sup>37</sup>"Ibo tenna Mozes innog, kaboe Israelpagunla mols, 'Konchoggi khyozhagunni ñone ña tsogssi lunstonpazhig lanja dzadin!' <sup>38</sup>Khon ristonji nañja ñadanji phamespogun nyampo yodpin nam khorña ri Sinaika phonye spera sals, yan teru Mozesla ñadan tshañmala tancessi phia ñog salkhanni kagun thob."

<sup>39</sup>"Innar ñadanji phamespogun Mozessi khanyancesla mathad. Khongunla Mozes phanste Ijib yulla logste chacessi dodpa skyes. <sup>40</sup>Khongunni Aronla zers, 'Khyoranji ñazhaa lamstankhanni skundagun cos ciazerna Ijib yulne phiñste

<sup>07:28</sup> biñte chakhanni speche 2:14

<sup>P7:32</sup> biñte chakhanni speche 3:6

<sup>q7:34</sup> biñte chakhanni speche 3:5, 7, 8, 10

<sup>r7:37</sup> thimssi specha nyispe 18:15

Khyonkhanni Mozesla ci soj nazhaa gyusmed<sup>s</sup>.<sup>41</sup> Tetusla khongunni betso tsogssi skundazhig cos, yan ranji lagpane coskhanni skundai stodpa phulin gamo cos.

<sup>42</sup> Innar Konchoggi khongunla gyab gyurra dzadte, namkhe skarmagunla colcesla phud sals, kazug lunstonpagunni speche naanja dia dzadte innog,

'Khyozhaa Israelpagun ristonja lo zhibcu yoddi tusla

Ci khyozhe ja soggi chodpa tan bulldus gun phulpinna?

<sup>43</sup> Innar khyozhe Mologgi kur tanj,

Rephan zerkhanni skarme skundai nyisko khurte khyerradpin,

Kabo khyozharanj colcesla cos.

Teboephia ne khyozhaa khyozharanj yulne, Babelonni saj thagriija khyams cugin<sup>t</sup>.

<sup>44</sup> "Ristonja naanja Konchog naskhanni spanpoe kurbo nadaanj phamespogun nyampo yodpin. Yan te kurbo Konchoggi Mozesla stanna dzadkhanni spe naanzhin coste inpin. <sup>45</sup> Te stijnje nadaanj phamespogunni te kurbo khurte yoshue wanji yogga i sakyadpoeka khyonjs, te yulli migun nadaanj phamespogunni phia Konchoggi phijna dzads. Yan te kurbo gyalpo Dabiddi tus tshagpa i nassekla lus."

<sup>46</sup> "Konchoggi chogsskyor dzadkhanni gyalpo Dabiddi Israelpe colkhanni Konchoggi phia naskhanzhig zhanjesla zhuwa phuls. <sup>47</sup> Innar Dabiddi butsha Solomonni Konchoggi phia te naskhanbo zhaqns. <sup>48</sup> Innar, kunwan Konchog ni mii lagpane stsigkhanni nasse naanja zhugssa manog, kazug Konchoggi lunstonpa gyudte mols".

<sup>49</sup> 'Namkhaa ni ne zhugsthis in

Yan jigesten ni ne kanja borsa.

Khyoranji ne phia kazug khanpazhig stsigin?

Ya ja naltshose nassa karu yongos?

<sup>50</sup> Citshanja ne lagne coskhan manogga<sup>u</sup>?"

<sup>51</sup> "Khyozha skyonpo thedthed, tadpa medkhanni snyij, yan Konchoggi ka nyanceSSI naanja rgudgun, khyozhe phamespogun tsogsla khyorangunnianJ dampe thugnyidla tusgyun gyabgal coanog. <sup>52</sup> Khyozhe phamespogunni nags mastankhanni lunstonpazhig su yod. Tegunni tanpo skyodcescanni skorla shadkhanni lunstonpagunna sadte inpin, khyozhe te tanpo mibo qaoe lagga stadte sadcugs. <sup>53</sup> Konchoggi phonyagun gyudte thobkhanni kathimsgunla khyozhe masunjs."

### Stephan sads.

7:54 ne 8:1a

<sup>54</sup> Te speragun tshorracig Yahudape tshogsdui thusmi tshanjmała šo şante yorjste so şigs. <sup>55</sup> Innar dampe thugnyiddi gańste Stephanii namkhaa zigspa, khoa Konchoggi zirrid tanj khorjni stsiwacanni chag yaspe chogska Yesu zhanste

<sup>s</sup>7:40 biňte chakhanni speche 32:1

<sup>t</sup>7:43 Amossi speche 5:25

<sup>u</sup>7:50 yeshaye speche 66:1,2

jal.<sup>56</sup> Khoe zers, "Ltossiggan! Namkhaa bete naa mirigssibu Konchoggi chag yaspe chogsla zhanste jaldug."

<sup>57</sup> Tene khonjgunni namcog kabste kuco şanṭe tañin Stephan chogsla gyugs.

58 Khoa ḫudin gyalsane philogga phinjste saddala rdoa gyabces gozug, yan Stephanla skyon kalkhangunni ranjñi Kosgun phudte saul zerkhanni khyogtonboe dunla bors.

<sup>59</sup> Rdoa gyabin yod zane Stephanni, "Kye Tsoo Yeshu ḫe semsnyidpo namssa dzad" zerin moslam zhus. <sup>60</sup> Tene khoe pigdon tsugste skad chenmo nyampo, "Kye Tsoo, khonjgunni gyabgalla i sdigpabo idtu borra madzad" molte kho toñs.

**8<sup>1</sup>** Yan Stephan sadcessi nañja saullian chogsskyor coste innog.

### **Yerushalemmi chostshogsla nags stans.**

#### **8:1b ne 3**

Tenna zhagne pharla Yerushalemmi nañja yodkhanni chostshogsla şanṭe nags stances gozug, teboe zhaste skutshabsgun mastog zhan tadpacan tshajma Yahuda tan Samariya yuljoñs ganjoe nañja bete shorgos. <sup>2</sup> Konchoggi scndlammika ḫulkhan khaciggi Stephanni spurbo khyerte spurkhanji nañja bors, yañ khorñji phia rdugpo şanṭe cos. <sup>3</sup> Innaj saulli, chostshogs thestor coces gozug, khanpa reree nañja sonje khoe tadpacanni butsha tan bumō tshajma ḫudte khyerte tsonla kaggadpin.

### **Philibbi Samariya nañja gamoe nastshul shads.**

#### **8:4 ne 8**

<sup>4</sup> Tadpacan shorkhanni migun karu lebnan gamoe nastshul shadin soñ. <sup>5</sup> Philib samariye gyalsa lebbacig, khoe Konchoggi Idamma dzadkhanni mashike skorla shads. <sup>6</sup> Philibbi speragun tshorete yañ khoe halasshessi dzadpagun thonpa, migunni khoe speragun ma nañstag tarjste nyannadpin. <sup>7</sup> Sperna mi manpozhiggi nañne gonjogun phijspa tegun kuco tañin birje soñ, yañ khorñskhan tan zhao manpo gyal. <sup>8</sup> Teboe zhaste te gyalse migun manpo thad.

### **Shimon jadu cokhan.**

#### **8:9 ne 25**

<sup>9</sup> Tusbanshiggi sñunla Shimon zerkhanni mizhiggi khoranji jadu cocessi khyud gyudte Samariya gyalse mitshajma halas cugste khoe khoraj ma mitagpozhig in zerradpin. <sup>10</sup> Te yullimi khagcan tan nyamshuñ tshajme, khoe zerkhangunla nañja maşanṭe tarjste khonjgunni zerradpin, "I miboe nañja Konchoggi shed chenmo dug." <sup>11</sup> Tusbanshigne pharla khoe jadu coces gyudte mitshajma halas cugspa migunni khoe speragunla gyalla coste nyannadpin.

<sup>12</sup> Innaj Philibbi Konchoggi gyalṣid tan Yeshu mashike skorla chosshadcespoe, migunni tadpa coste thuslens, butsha tan bumō nyiskoe. <sup>13</sup> Jadu cokhan Shimonniaj tadpa coste thuslens. Philib karu chanaj kho stiñrjanje soñ yañ halasshessi dzadpa tan stags gun thonje kho handarj soñ.

<sup>14</sup> Tene Yerushalemmei nañja skutshabsgunla Samarriyapagunni Konchoggi keka tadpa khyonstog zerte tshorpa, khongunni Piṭar tañ Yohanann nyisko te yulla kals. <sup>15</sup> Piṭar tañ Yohanann teru lebbacig, Samarriyapa tadpacangunla thugnyid babsshessi phia moslam zhua dzads, <sup>16</sup> ciazerna khongunla Tsoo Yeshui tshanni nañja thus thobnañ taruj tshogpa suzhiggikaj dampe thugnyid mababssa inpin. <sup>17</sup> Tene khor nyiskoe khongunnika lagpa borra dzaddacig, khor tshañmeka dampe thugnyid babs.

<sup>18</sup> Skutshabsgunni chag borcespoe dampe thugnyid thobba thonjacing, Shimonni khor nyiskoe dunla pene phulte zers <sup>19</sup> "De lagpa borkhangunlañ dampe thugnyid thobcessi khyudpo ñaa salla dzad."

<sup>20</sup> Innar Piṭarri khoa mols, "Khyoranji pene tanste Konchoggi khyudpo nyonyannanog samba khyoran tar khyoranji pene nyisko medkhan sonshig. <sup>21</sup> Khyoranji snyij Konchoggi skundunla tanpo medcespoe khyoranja ñazhaa nyampo i las cocessi nañja cañ khag medpa innog. <sup>22</sup> Khyoranji nañja ñansems skyekhanboe phia gyodpa coste Tssooa moslam zhus. Ci gyus khonjji khyoranji te semsjan samkhanboa shagspa salśidin. <sup>23</sup> Da thorçesla khyoranji snyij tshigri gañste khyoran sdigpe zumste borte dug." <sup>24</sup> Tene Shimonni zers, "Nyeranji molkhanguñ ñeka mibabsshessi phia juju Tssooa moslam zhua dzad."

<sup>25</sup> Piṭar tañ Yohananni Tssooe ka shadda dzadces tañ spanjo salte stijne Yerushalemma logste skyod zane samarriye gamyul marpozhiggi nañjan gamoe nastshul shadda dzads.

### Philib tañ ethiopiapa thug.

#### 8:26 ne 40

<sup>26</sup> Tssooe phonyazhiggi Philibba mols, "Ta lo chogsla Yerushalemne Gaza chogsla chakhanni thanjamboeka soñ. <sup>27</sup> Tene kho soñ yan lamma khoa ithopipa mizhig thug, kabu ethiopiape gyalmo kendassi banžzoddi lonpo ma wançanzhig inpin. Kho Yerushalemmei chokhānja colla sonje <sup>28</sup> starellika zhonte ranjylla logste chaa zane luñstonpa yeshaye specha silladipin.

<sup>29</sup> Tene dampe thugnyiddi Philibba mols, "Starelli nyemoa soñ."

<sup>30</sup> Philib gyugste starelli nyemoa soñ, yan teka zhonte yodkhanboe luñstonpa yeshaye specha silin yodkhanbo tshor. Philibbi khoa tis, "Nyeranji silin yodkhanni tonbo nyeranji hagoa?"

<sup>31</sup> Te miboe lantañs, "Hagocughan medpa, ña kazuggi hago thubin", yan Philibba kho nyampo shiñste nañja zhonnala zers.

<sup>32</sup> Khoe silin yodkhanni dampe sunrabspo ni,

"Khor lug tsogsla saddala khyers,

    Yañ kazug lug ranjji Baal ñaqkhanni dunla

Kharogste duggad, tenna tsogsla

    Khonjiañ ranjji zhal maphes.

<sup>33</sup> Thelba coinnañ khonjiañ tanpo shags macos.

    Khonjji purgyuddi skorla suiñ shad minyan,

Jigstenni kane khonjní mitshe churjunla kogste khyers.<sup>vii</sup>

<sup>34</sup> Lonpoboe Philibba zers, "Lunjstonpe i tshigspo khonjranji skorla dia dzadte innogga ya zhanmazhiggi skorla, thugre dzadte na hagocuggadzad." <sup>35</sup> Tene Philibbi sujrabssi tenna tshigspone gozugste khoa Yeshui skorla gamoe nastshul shadda dzads.

<sup>36</sup> Khongun lamne chaa zane chu yodse nassazhingga lebpa, lonpoe zers, "Zigssan ika chu dug, ta cia ne thus milen." <sup>37 w38</sup> Khoe shinjtabo ghog zerte ka tanjs, Philib tanj lonpo nyisko chui nanja zhugs, yan Philibbi khoa thustanjs. <sup>39</sup> Khongun chune philogga bijnjacig, Konchoggi thugnyiddi Philib khoe dunne khyerra dzadpa lonpoe khor yan mane mathug, yan Konchogga stodpa phulin khoranji yulla logste son. <sup>40</sup> Philibbi khoraq Azotus gyalsa lebste thoq, yan Kesarria leb leb tshagpa khor chakhanni donkhyer tshanje nanja gamoe nastshul shadin sonj.

### Saulli Tsoo Yeshuika tadpa khyojs.

#### 9:1 ne 19a

**9** <sup>1</sup> Inna tusla Tsooe lobtugs tshanjsma sadin zerkhanni saul lama chenmoeka sonje, <sup>2</sup> mashike lammika dulkhanni butsha taq bumo tshanjsma zumste, tsonpa coste Yerushalemma khyonjnyancesla khoa chogsskyor cos zerte Dameskhassi Yahudape dukhangunni nanja stancesla igezhig Griiste toq zhus. <sup>3</sup> Saul Dameskhassi nyemoa lebbacig, hummedla namkhane babskhanni od Idanjshanzhiggi khoa skors. <sup>4</sup> Kho seka gyel yan khoa sunskadcig tshor, "Saul saul khyoranji na cia nagsbardo stannad?"

<sup>5</sup> Saulli zers, "Tsoo nyeraq su in."

Khonjní lansals, "Da ni Yeshu, khyoranji nagsbardo stankhanbo in. <sup>6</sup> Ta khyoran gyalsa sonj, yan teru khyoranja cogoshespo shadin."

<sup>7</sup> Saul nyampo chakhanni migun halaste handaq son ciazerna khonjuna skad tshor innaj suaj mathon. <sup>8</sup> Saulli sekane lanste mig phespa khoa can mathon. Khoe topagunni khoa lagpa thamste Dameskhasla thidte khyers. <sup>9</sup> Zhag sum tshagpa, khoa migne mathon yan tenna tuspo khoe can zar mazos, can thunjan mathunjs.

<sup>10</sup> Dameskhassi nanja Yeshuika tadpa cokhan ananiyas zerkhanbo duggadpin, Tsooe zhalzigsshiggi nanja khoa mols, "Ananiyas."

Khoe lantans, "Tsoole."

<sup>11</sup> Tsooe khoa mols, "Khaqan zerkhanni sanji nanja yodkhanni yude khanja sonje, tarsaspa saul zerkhanni miboe skorla tis, dagsa khoe moslam zhurug."

<sup>12</sup> Saulla zhalzigsshiggi nanja ananiyas yonste yanjskyar thonjhubcesla khoe goeka lagpa borra thor."

<sup>viii</sup> 8:33 yeshaye speche 53:7,8

<sup>ix</sup> 8:37 srujne rissi speche nanja karja 37 medte innog, kabu ni Philibbi khonja mols, "Kaltes nyeranji snyijne tadpa coadna tene thuslenna dig" mols. Te lonpoe khonja zhus, "De tadpa coad Yeshu Mashika Konchoggi sas innog."

<sup>13</sup> Ananiyassi zhus, "Kye Tssoo, i miboe nyerañji dampa migun nyampo Yerushalemmi nañja tsamshig nodpa skyalkhanboe skorla ñaa zhanmi manpone tshor. <sup>14</sup> Kho iruan lama uskyongunni chogsne wañcha thobte nyerañji tshan khurkhan tshajma zumste khyercessi phia yonste innog."

<sup>15</sup> Innaj Tssooe ananiyasla mols, "Ta khyoraj soñ ciazerna kho ñe Idamskhanni zhabstogpa Yahudapa mankhangun, gyalpogun tañ Israelpagunla ñe skorla shadkhanbo in. <sup>16</sup> De tshan khurcesla khoa tsamshiggi nags lengoshespo ñe khoa stanin."

<sup>17</sup> Tene ananiyas saul dugste yodse khanja leb yan nañkugga sonje khoe lagpa saullika borte mols, "Spun saul, khyoraj iru yon zane lamma Tssoo Yeshu jalte inpin. Khoñji khyorajna yañskyar thoncés tañ dampe thugnyiddi gancessi phia ña ika kalla dzads." <sup>18</sup> Tennamalla saulli maggi kane pagspa tsogshig budte khoa yañskyar thonjhub. Tene larjste khoe thuslens, <sup>19</sup> kharji zoste stijne khoe zugspoe nañja stobs skyes.

### **Sauli Dameskhas tañ Yerushalemmi nañja spañpo sals.**

**9:19b ne 31**

Tene saul zhagbanshig lobtugsgun nyampo Dameskhasla dugs <sup>20</sup> yan Yahudape dukhangunni nañja Yeshui skorla shadces gozugste mols, "Khoñ ni Konchoggi ñas tantan innog." <sup>21</sup> Teru yodkhangunni khorñji labzha tshorracig halaste cig tañ cigga ñis, "I mibo Yerushalemmi nañja Tssoo Yeshui tshan khurkhangun thestor cocessi stsonðus ñanþe cokhan yan iruañ khorñgun zumste tsonja coste lama uskyongunni dunla khyerrala yonste manogga?" <sup>22</sup> Saul chosshadcessi nañja mañja stobscan gyurin soñ, yan Dameskhassi nañja yodkhanni Yahudapagunni, saulli Yeshu ni tantanla Konchoggi Idamma dzadkhanni Mashika inkhan stankhanboe gyabgalla cañ zer manyan.

<sup>23</sup> Tusbanshiggi stijne Yahudapagunni khorñ sadcessi ñabs tañs, <sup>24</sup> innaj saulla khongunni cusñangun gyusson. Tegun tshannyin medpa gyalse ghogunnika khorñ sadcesla sunste duggadpin. <sup>25</sup> Innaj saulli lobtugsgunni khorñ tshanla tsepozhiggi nañja gyarjste gyalse stsigex nañja yodkhanni karkhunzhigne thurla phabs.

<sup>26</sup> Khorñ Yerushalemma lebbacig, lobtugsgun nyampo dugcessi stsonðus cos, innaj khorñ tshajma jigs ciazerna, saul denba mashike lobtugs gyurte inkhanboeka khongun den mashes. <sup>27</sup> Innaj Barnabassi saul khorñrañ nyampo skutshabsgunni ñoa ñhidte khyoñs. Barnabassi khorñgunla zers, saul lamne chen yod zane Tssoo jalte khorñ Yeshui spañpo tarjkhangunni skorla shads. <sup>28</sup> Saul skutshabsgun nyampo dugs, yan Yerushalem garjoe nañja hampa nyampo Tssooe skorla shadin ñuls. <sup>29</sup> Khorñri rissi skad tanjhanni Yahudapagun nyampoñ ñosdur coadpin, innaj tegunni khorñ sadcessi stsonðus cos. <sup>30</sup> Tadpacangunla tebo gyuschacig, khongun yonste saul Kesaria gyalsa khyerte tarsassi ñonkhyerla lamcugs.

<sup>x</sup>9:25 sñjunme tusla gyalsa tshajma ñaoe jigspane skyobcesla gyarñ thonpo skorte yonjnadkyag.

<sup>31</sup> Tene Yahuda, Galilli taŋ Samarriya yul ganpoe naŋja yodkhanni chostshogsgunla rdugnal mathorŋja zhide yodpin. Dampe thugnyid gyudte khongunla shed taŋ spospa thob, yaŋ Tsooe jigs taŋ stsiwe naŋja mitshe phudcespoe khongunni tānska gyasin soŋ.

### Eniyas taŋ Tabitaa.

9:32 ne 43

<sup>32</sup> Pitar nassa cigne cigga chaa zane, khoŋ Lidda ḋoŋkhyerri naŋja dugkhanni tadpacangunni ṭoa leb. <sup>33</sup> Teru khonŋja Eniyas zerkhanni mizhig thug kaboa zaphogte ḏul manyanna maltseka dugste lo gyad chadpin. <sup>34</sup> Tene Pitarri khoa, "Eniyas Yeshu mashike khyoran phancugga dzadte in; ta loŋs, ranji maltsa šil" molpa kho tennamalla koag laŋs. <sup>35</sup> Te mi thonŋhan Liddapa taŋ sharonpa tshanŋme Tsooeka tadpa khyoŋs.

<sup>36</sup> Yoppaa ḋoŋkhyerri naŋja Tabitaa (Rissi skaddi naŋja Dorkas) zerkhanni tadpacanni bumozhig yodpin. Khoe tusgyun las zarpo taŋ nyalbacan gunla rogs coadpin. <sup>37</sup> Pitar lidde naŋja yodtus, te bumoboa zumo ſante yonste shi, yaŋ khoe zugspo thustə stanthoggi naŋzhiggi naŋja bors. <sup>38</sup> Lidda ḋoŋkhyerbo yoppane nyemo yodpa, lobṭugsgunla Pitar Lidda yodkhanbo tshore, khonŋunni Pitarrika mi nyis, "Thugrje dzadte iru gyogspa skyodda dzad" zhuala lamcugs.

<sup>39</sup> Pitar te mi nyisko nyampo skyods yaŋ khol teru lebbacig, migunni khon stanthoggi naŋboe naŋja khyers. Teru anemaranjo tshanŋma njuin, Dorkas khongun nyampo yod zane khoe tsemskhanni Koslaggun Pitarla stans.

<sup>40</sup> Pitarri te naŋji naŋja yodkhan tshanŋma philogga phijs, yaŋ pigdoŋ tsugste moslam zhua dzads. Tene shikhanni zugspoe chogsia Itaste, "Tabitaa loŋs" mols. Tabite ranji mig phes yaŋ Pitar thornte laŋs. <sup>41</sup> Pitarri lagpa thamste kho kanpeka laŋ cugga dzads. Tene tadpacan taŋ anemaranjo gun bodte Tabitaa sonea inkhanbo stanna dzads. <sup>42</sup> I skorri nastshulgun yoppaa ḋoŋkhyer gaŋpoe naŋja khyebs, yaŋ mi maŋpoe Tsooeka tadpa khyoŋs. <sup>43</sup> Pitar zhagbanshig yoppe naŋja Shimon koa nyekhanni khaŋpa dugs.

### Korneliussi Pitarla skyod zhuala mi kals.

10:1 ne 8

**10** <sup>1</sup> Kesarie naŋja iṭilipe magtshogssi magmigye sponbo Kornelius zerkhanzhig yodpin. <sup>2</sup> Kho taŋ khoe naŋmi tshanŋma ma tadpacan taŋ Konchogga stsiwa coin khonŋi jiggss naŋja mitshe phudkhan yodpin. Kho nyalbacangunla snyiŋ pheste tanjhan taŋ zhagtaŋ Konchogga moslam zhukhanzhig yodpin. <sup>3</sup> Zhagshig dzarre stiŋne halam chutshod sumpazhiggika, zhalzigsshiggi naŋja Konchoggi phonya khoe dunla skyodte salpo thoŋ yaŋ khonŋi mols, "Kornelius."

<sup>4</sup> Kornelius jigsin phonye chogsia mig gyanste Itas, yaŋ khoe zers, "Kye Tsoo ci cole."

Phonye lansals, "Khyoranji cinba taŋ moslam gun chodpe tshulla Konchoggi namssa dzads.<sup>5</sup> Ta mi khacig yoppaa lamcugste Shimon Pitar zerkhanni mibo iru bodte khyon.<sup>6</sup> Kho koa nyekhan Shimonni khanja dugste yod, khoe khanja gyatshoe thama yod."

<sup>7</sup> Igun molte phonyaa skyod tsharracig, Korneliussi ranji yogpo nyis taŋ khoe zhabstogpa lokhyelcanni magmiboa bods,<sup>8</sup> yaŋ khongunla cunjhan tshanma shadte yoppaa lamcugs.

### Pitarla zhalzigs thoŋ.

#### 10:9 ne 23a

<sup>9</sup> Stijma zhagpo khoŋ tshaŋko phessi naŋja yoppe nyemoa lebbacig, nyiŋguŋ zamshigga Pitar khanpe khethoggaga moslam zhuala skyods.<sup>10</sup> Khoŋ stogspa citorshig zen sam, yaŋ kharji ɖaldig coin yod tus, khorŋa zhalzigsshig thoŋ.<sup>11</sup> Khorŋa namkhaa phete ras chenmo tsogsshig chogsdzi kane thamste jigsten chogsla phabin thoŋ.<sup>12</sup> Tenanŋa jigstennika yodkhanni semscan, butsig taŋ caciu namina tshaŋs gun dugpin.<sup>13</sup> Tene khorŋa sunskadciggi, "Pitar laŋste igun sadte zo"<sup>14</sup> molin tshor.

<sup>14</sup> Innaj Pitarri lansals, "Kye Tssoo, shinaŋ igun mizaa, ḡe diriŋ tshagpa tshitu ya zaa michogcessi zanzhig mane mazospin."

<sup>15</sup> Tene khorŋa tenna sunskadpoe lan nyispa mols, "Konchoggi stsaŋma dzadkhanboa tshitu mazer."

<sup>16</sup> Lan sum tenna tsogs soŋ, tene hunmedla te raspo namkhaa thente khyerra dzads.

<sup>17</sup> Te zhalzigspeo ton ci inhe samste Pitar thama thetshoms soŋste yod zane Korneliussi Pitar khyorŋa lamcugkhangun Shimonni khanpe ghoeka leb.<sup>18</sup> Te migunni bodte Shimon Pitar zerkhanbo teru dugste yodda zerte ŋis.

<sup>19</sup> Pitar, khoa thoŋkhanni zhalzigspeo skorla samba tanjin yodtus dampe thugnyiddi khorŋa mols, "Shimon mi summi khyorŋ tsaldug."<sup>20</sup> Ta laŋste yogga soŋ, yaŋ khongun nyampo chacesla thetshoms maco, ciazerna khongun ḡe lamcugste in."

<sup>21</sup> Tene Pitar yogga babste soŋ, yaŋ khongunla, "Khyozhe tsalkhanni mibo ja in, khyozhaa ciphia yoŋspin?" Zerte ŋis.

<sup>22</sup> Khongunni lantaŋs, "Dazhagun magmigye sponbo Korneliussi chogsne yoŋste in, khorŋ tarpo taŋ Konchogga stsiwa coin khorŋi jigssi naŋja mitshe phudkhanzhig in, yaŋ Yahudapa tshanme khorŋa stsiwa coad. Konchoggi dampe phonye khorŋa Shimon Pitarri molkhangun nyanthubcesla nyeran khorŋi khanpa bod molte ka saltog."<sup>23</sup> Tene Pitarri khongun naŋja bodte teru dug cugga dzads.

### Pitar Korneliussi khanja skyods.

#### 10:23b ne 33

Stijmazhagpo Pitar te migun nyampo skyods, yaŋ khorŋ nyampo yoppane zhan tadpacangunnar soŋ.<sup>24</sup> Stijmazhagpo khongun Kesarria leb. Kornelius khorŋ

skyodcesla şurşte yodpin, yaŋ khoe naŋji nyendunjung tar dzao nyemogun bodte yodpin.<sup>25</sup> Pitär khanpa lebste Kornelius thuggacig, khoe khorŋji zhabssika gyele chagphuls.<sup>26</sup> Innar Pitari khoa "Loŋ" molte laŋja dzads, "Da ni khyoraj tsogs mizhig in ŋaa chagmaphul" mols.

<sup>27</sup> Tene Pitär Kornelius nyampo spera salin khanpe naŋja skyods, yaŋ mi maŋpozhig dzomste yodkhanbo zigs.<sup>28</sup> Khorŋji te migunla mols, "Yahudapazhingga Yahudapa mankhanzhig nyampo ḥel borcespo Yahudape thims naŋzhin galte inkhan khyozhagunla gyusinnog. Innar ŋe suzhiggan rigsŋan ya tshitu zer michogcespo, Konchoggi ŋa sŋon cugga dzads.<sup>29</sup> Teboephia khyozhagunni ŋa iru bod zane ŋe can gyabgal macoa yonjspin. Ta khyozhe ŋa ciphia iru bodte in?"

<sup>30</sup> Korneliussi lantaŋs, "Dirinji san zhag zhii sŋunla dzarre stiŋne chutshod sumpa, inna tustshod zamshiggika, ŋe ŋaranji khanpe naŋja moslam zhuadpin, hunmedla namzaa Idanshan namskhanni mizhig ŋe dunla zhanste zhugs.

<sup>31</sup> Khorŋji ŋaa mollarag, 'Kornelius Konchoggi khyoranji moslamgun sanna dzads, yaŋ khyoranji cinba tanjkhangunika naŋja sals.<sup>32</sup> Ta suzhig yoppaa lamcugste Shimon Pitär zerkhanbo iru bodte khyoŋ. Khoŋ Shimon koa nyekhanni khanpa dugste yod, khoe khanpa gyatshoe thama yod.'<sup>33</sup> Tennaboephia tennamalla ŋe nyeranŋa boddha mi kalpin yaŋ nyeran ika skyodpa ŋazhaa ma thadpo soŋ. Tssoe nyeranŋa molkhangun nyancesla Konchoggi skundunla ŋazhaa tshaŋma ika dzomste in."

### **Yahudapa mankhangunni gamoe nastshul tshor.**

**10:34 ne 48**

<sup>34</sup> Tene Pitari molces gozug, "Konchoggi suarj chogs midzadcespo ŋaa tantan hago.<sup>35</sup> Innar Konchoggi gyalkhams tshaŋme naŋne khorŋji stsiwa tar jiggsi naŋja lam zaŋpoeka ȳulkhangunla gamoe nastshul nyancesla gasus dzaddanog.

<sup>36</sup> Israelpagunni phia gamoe nastshul ni, Yesu Mashika ɻadaŋ tshaŋme Tssoo yaŋ khoŋ gyudte Konchog nyampo thunqel yodcespo innog.<sup>37</sup> Yohananni thuslencessi skorla shadte stiŋne, Galillii yulne gozugste Yahuda ganpoe naŋja curjkhanbo khyozhagunla gyusinnog:<sup>38</sup> Konchoggi Natsaredpa Yesu dampe thugnyid tar stobs nyampo skoa dzads, yaŋ khoŋ nassa manpoa skyodte chaglas zaŋpo dzadces tar rduḍgunni gobe waŋŋi yogga yodkhangun phancugga dzads, ciazhuna Konchog khoŋ nyampo zhugste inpin.

<sup>39</sup> Yeshuiyahude yul tar Yerushalemmi naŋja dzadkhangunni spaŋpo ŋazhagun in. Khoŋgunni khoŋ ſkyanšhiŋŋa ſkyanste sads.<sup>40</sup> Innar Konchoggi khoŋ zhag sumpe zhagga sontea laŋja dzadte ŋazhagunla sŋon cugga dzads.<sup>41</sup> Tshaŋmala khoŋ majal, innar Konchoggi spaŋpo taŋŋala Idamma dzadkhan ŋazhagunni khoŋ jal. Shikhangunni ſonea sontea zhaŋste ŋazhagunni khoŋ nyampo zospin yaŋ thurjspin.<sup>42</sup> Konchoggi ŋazhaa migunla Yesu ni, shison nyiskoeka shags dzadcesla khorŋji skoa dzadkhanboe spaŋpo taŋces tar chosshadcesla ka sals.<sup>43</sup> Yeshuika tadpa cokhan tshaŋmala khorŋji tshan gyudte sdigpa cokhangunla shagspa thobin zerte khorŋji skorla lunstonpa tshaŋme spaŋpo salte innog."

<sup>44</sup> Pitarri i speragun shadin yod zane, khonjı ion nyanin yodkhan tshajmekä dampe thugnyid babs. <sup>45</sup> Pitar nyampo yojskhanni Yahudapa tadpacangunni, Yahudapa mankhangunniqä dampe thugnyid babskhanbo thorṭe halas, <sup>46</sup> ciazerna Yahudapa mankhanguṇi zhan skadgunni nanja Konchogga stodpa phulin khongunni tshor.

Tene Pitarri mols, <sup>47</sup> "Khonjunla chuithus lencesne ghagcessi hampa sui coin kagunla ḥazhaa thobkhanni tenna dampe thugnyidbo thobte innog." <sup>48</sup> Pitarri khongunla Yeshu mashike tshanni nanja thus lengos zerte ka sals. Tene khongunni Pitarla zhag khacig khoj nyampo zhugcesla zhuwa phuls.

### Pitarri khoe lasgun salpo hagocugga dzads.

11:1 ne 18

**11** <sup>1</sup> Yahude nanja yodkhanni skutshabsgun taŋ zhan tadpacangunla Yahudapa mankhangunniqä Konchoggi keka tadpa khyonstog zerte tshor. <sup>2</sup> Pitar Yerushalemma logste skyoddacig, Yahudapa tadpacan khaciggi khonjı skyonrjod coste zers, <sup>3</sup> "Nyeran Yahudapa mankhan tshitugunni khanpa sonje khongun nyampo zan zostog."

<sup>4</sup> Tene Pitarri cuŋkhan tshajma gone jug tshagpa tshir tshirla khonjunla shads. <sup>5</sup> "De yoppaa ḥoŋkhyeri nanja moslam zhuin yodpin, hunmedla ḥa i zhalzigspo thoŋ; namkhane ras chenmo tsogsshig tu zhikone zumste ḥe dunla phabs. <sup>6</sup> De teboa tantan coste Itaspa, tenanja ſalkhan taŋ nagtshogssi semscan, butsig namina tshajns taŋ caciu gun thoŋ. <sup>7</sup> Tene ḥa sunskadciggi 'Pitar, ta laŋste igun sadte zo' molin tshor."

<sup>8</sup> "De zerpin, 'Kye Tsoo mane mizaa, diriŋ tshagpa ḥe Yahudape thims sunjste itsogssi tshitu taŋ khamlog zangun mazospin'."

<sup>9</sup> "Namkhane te sunskadpoe lan nyispa mols, 'Konchoggi stsajma dzadkhangunla khyoranji tshitu mazer.' <sup>10</sup> Tennabo tsher sum cuŋ, te stijne te tshajma logste namkhaa thenna dzads."

<sup>11</sup> "Tenna tusla Kesariane ḥa yodsa kalkhanni miŋgo sum, ḥa daŋsa dugkhanni khanpaboe ghoeka leb. <sup>12</sup> Dampe thugnyiddi ḥa mols 'Khyoraj i migun nyampo thetshoms medpa soŋ.' I tadpacan ḥuggan ḥa nyampo yojs, yan ḥazhagun ḥa bodda kalkhanni miboe khanpe nanja sorpin. <sup>13</sup> Khoe ḥazhaa shads, khoa khoranji khanpe nanja Konchoggi phonyazhig jalte 'Yoppaa zersa migun lamcugste Shimon Pitar zerkhanni mibo iru bodte khyon. <sup>14</sup> Khoe shadkhanni lonboe khyoran taŋ khyoranji nantshaŋ tshajmaa tharpa thobin' molla rag."

<sup>15</sup> "De shadces gozug coacig, khongunniqä dampe thugnyid babs kazuggi ḥadangunniqä goma babste inpin. <sup>16</sup> Tene ḥa Tsoo Yeshui 'Yohananni chui thussalte inpin, innaŋ khyozhagunla dampe thugnyiddi thusthobin' molkhanbo idtu yojs. <sup>17</sup> Tsoo Yeshu Mashika tadpa cokhan ḥadangunla salkhanni tenna ciŋlabspo Konchoggi khonjunlaŋ salte inna, tene Konchogga gyabgal conyanin samkhan ḥa su innog?"

<sup>18</sup> Skyonrjod cokhangunni te speragun tshorracig, khonjgunni gyabgal coces phajste Konchogga stodpa phulin zers, "Ta hago, gyodpa cokhanni Yahudapa mankhangunlañ Konchoggi thamedpe mitshe thobcessi skabs salla dzadte innog."

### Antiyog gyalse nañja yodkhanni chostshogs.

11:19 ne 30

<sup>19</sup> Stephan sadte stirne nags thonkhanni tadpacangun shorte thagriñji yul, Phonishia, Kibrus tañ Antiyog gyalsa gunla leb. Khonjgunni Konchoggi ka Yahudapaguna mane mashads. <sup>20</sup> Innañ khonjgunni tone Kibrus tañ Kirin yulne inkhan khacig Antiyog gyalsa sonje Yahudapa mankhangunla Tsoo Yeshu mashike skorla gamoe nastshul shadces gozug cos. <sup>21</sup> Tsoo Konchoggi khyud khonjung nyampo yodpin, yan mi manpoe lonboeka tadpa khyonste Tsoo Yeshui gyabne ñans.

<sup>22</sup> Te nastshulbo Yerushalemma yodkhanni chostshogssi tshor, yan khonjgunni Barnabas Antiyogga lamcugs. <sup>23</sup> Barnabas teru lebbacig, Konchoggi te tadpacangunni nañja chaglas dzadcespo thornte manpo thad, yan khonjgunla Tsoo Yeshui nañja stanpo dugcesla stsondus şançe cocessi spospa sals. <sup>24</sup> Barnabas ni ma mizanpozhig, dampe thugnyiddi gañste tadpa stampocan inpin. Khor gyudte mi manpoe Tsoo Yeshui nañja tadpa khyonj.

<sup>25</sup> Tene Barnabas saul tsalla tarsassi gyalsa skyods. <sup>26</sup> Saul thobbacig, khor Antiyogga khonrañ nyampo khyonj. Teru khor nyisko lo ganpo chostshogssi nañja dzomste mi ma manpoa Yeshui skorla labba dzads. Antiyoggi nañja gomarañ mashike lobtugsgunla Mashikapa zers.

<sup>27</sup> Tenna tusla lurnstonpa khacig Yerushalemne babste Antiyogga skyods. <sup>28</sup> Khonjgunni tone cig Agabas zerkhanbo lanste dampe thugnyid gyudte Rommi ñayogga yodkhanni yul gañpoe nañja muge şançe lancessi lurnstanbo sals. (I mugebo Rommi gyalpo klodiassi tusla cunjste in). <sup>29</sup> Lobtugsgunni ranrañji khyud nañzhin yahude nañja yodkhanni tadpacangunla pene rogs cocesla thagcads. <sup>30</sup> Yerushalemme chostshogssi uskyongunni lagga tancesla saul tañ Barnabas nyampo khonjgunni pene Idusghanbo kals.

### Chostshogsgunla manjña nags stans.

12:1 ne 19a

**12** <sup>1</sup> Halam tenna tusla gyalpo heroddi chostshogssi tadpacan khacigga nags stances gozug. <sup>2</sup> Khoe, Yohananni aco Yakob rai nyampo sadcugs. <sup>3</sup> Te lasgunni Yahudapagun thadpo chaa thornte gyalpoe Pitarrañ zumcugs (Tebo pesaggi tuschenni tusla cunj). <sup>4</sup> Pitara zumste stirne heroddi khor tsonkhanñji nañja kagcugs, yan şuncessla magmi zhicanni sde zhia khag kals. Heroddi pesaggi tuschenni stirne Pitara mimajssi dunla khyonste khorña thims chadin sam.

<sup>5</sup> Pitara tsonni nañja yod zane, chostshogspoe snyiñ tagpane Konchogga khonjphiya moslam zhuadpin.

<sup>6</sup> Heroddi Pitar mimanssi dunla thimscaddi phia khyorjni sañ tshan ciggi sjunula, Icagtag nyisla tagste khor magmi nyissi parla nyidla sonje yodpin, yan tsonkhanjri ghoeka magmigun sunste yoddi tus, <sup>7</sup> hunmedla Konchoggi phonyazhig teka skyodpa, tenan ganpo oddi gañs. Te phonyaboe Pitar skulla dzadte khorjnja nyidtshad yan mols, "Gyogspa lons" Pitarri lagpaa tagkhanni Icagthagpo bud.

<sup>8</sup> Tene phonye Pitarla mols, "Ranjni skyerags ciñ yan pabu gon." Pitarri tennabo cos, yan phonye khorjnja mols, "Ranjni tsazar gon yan ne gyabne yon." <sup>9</sup> Pitar phonye stiñrajne tsonkhanjne philogga skyods, khoe phonye dzadkhangun zhalzigsshig innog sam, te tshajma nospoa curje inkhanbo den mashes. <sup>10</sup> Khor nyisko ghoşunja tanpo tan nyispe dunne sonje Icagssi gyasghoeka leb, kabo gyalsa chogsia beadpin. Khongunni phia te ghobo khoran beson, khongun ghone biñte ñulin soñ, yan şanji jugga lebbacig, phonyabo hunmedla khorjnji dunne stors.

<sup>11</sup> Tene Pitarla hagote mols, "Ta ña cañ thetshoms merag, Konchoggi khorjanjri phonya kalla dzadte herod tañ Yahudape uskyongunni cusjanne ña thar cugga dzads."

<sup>12</sup> Pitarri cuñkhangun hagoacig, khor Yohanan kaboa Markussaq zerradpin khoe ama Miryammi khanpa skyods. Teru spun manpo dzomste moslam zhuadpin.

<sup>13</sup> Pitarri philoggi gho rduñspa, Roda zerkhanni yato bumo, gho pheala yors.

<sup>14</sup> Khoa Pitarri skad shespa izam thadpo soñ khoe gho maphea gyugin logste sonje, "Pitar philogga ghoeka yonste rag" zers.

<sup>15</sup> Spungunni lantans, "Khyoran snyoste innog." Innar te bumoboe utsug tanste denba khor Pitar inrag zerpa khongunni zers, "Pitarri phonyaa inđo."

<sup>16</sup> Innar Pitarri gho rduñin dugs yan gho phespa Pitar thornte khongun halas.

<sup>17</sup> Pitarri lagpa nyampo cubcadcesla stags cos, yan khor Konchoggi tsonkhanjne phinjra dzadkhanni skor shadda dzads. Yan "Yakob tañ spungunla igun shod" molte khorjanj zhan nassazhingga skyods.

<sup>18</sup> Namlañssacig Pitar medpa, khor nyampo ci soñ samte magmigunla hiliñs şançe zhugs. <sup>19</sup> Heroddi Pitar karuñsa gyalla coste tsalcugs, innar khorjnji skorla cañ gyus masorña khoe gho sunpagunla tiso tanste khongun sadcessi ka tañs.

### Gyalpo herod shi.

#### 12:19b ne 25

Tene herod, Yahudane Kesarria sonje teru tusbanshig dugs. <sup>20</sup> Ta herodla tayir tañ Sidonni migun nyampo maşante şo yodpin. Te yulli uskyongun spera tanjalala yors, yan gyalpoe lokhyelcanni lonpo Baalastussi chogsskyor thobste zhide khyorcessi phia zhuwa phuls, ciazerna zagyu nyocesla khongun heroddi yullika raglaste yodpin.

<sup>21</sup> Ldamkhanni zhagga heroddi gyalpoe Koslag gonte ranji thissika dugste mimanjsla spera tañs. <sup>22</sup> Te migunni kuco tanjin zers, "I sunjkadbo mi manpa Konchoggi innog." <sup>23</sup> Herod mimanjsgunni Konchogga stodpa mapnulla khoa stodpa phulcespoa thað pasan tennamalla Konchoggi phonye khoa chadpa sals, yan butsiggi khoe zugspo kule kule kho shishi tshagpa zos.

<sup>24</sup> Innan Konchoggi ka gyaste phelin soj.

<sup>25</sup> Barnabas tar saulli pene rogs kalkhanbo chostshogssi uskyonqunla stads.

Testiñne khoñgun Markus zerkhanni Yohanan thidte Yerushalemne logste skyods.

### Barnabas tar saul chosshadcesla skoa dzads.

#### 13:1 ne 3

**13** <sup>1</sup> Antiyoggi chostshogssi nañña lurnstonpa tar lobbon gun yodpin, khongunni ḥo Barnabas, Shimion minag zerkhan, Kirinpa Lukeus, Manahen (Gyalpo herod nyampo Idankhan) tar saul yodpin. <sup>2</sup> Khoñgun nyenas yañna roza dugste Tsooa colin yod zane dampe thugnyiddi khoñgunla mols, "De bodkhanni las cocesla Barnabas tar saul nyisko skos." <sup>3</sup> Khoñgun nyenasla dugs yañ moslam zhuste khoñ nyiskoeka lagpa borte khongun lamcugga dzads.

### Kibrusla chos shads.

#### 13:4 ne 12

<sup>4</sup> Dampe thugnyid gyudte lamcugga dzadkhanni Barnabas tar saul Selukiya zersa leb yañ tekane khongun ḥuzinña zhonte Kibrus zersa skyods. <sup>5</sup> Khoñgun Salamisla lebbacig, teru Yahudape dukhanġunni nañña Konchoggi ka shads. Yohanan Markus khongun nyampo rogs coala yoñste yodpin.

<sup>6</sup> Khongun te tsholinqi, ḥonkhyerne ḥonkhyer gyudte Paphos zersa leb. Teru khongunla Yahudape lurnstonpa zusma, Baryeshu zerkhanni jadu cokhanbo thug.

<sup>7</sup> Kho te yulli kalon Sergius Paulussi yogga las cokhanzhig inpin. Te rigpacan kalonboe, Barnabas tar saul bodte khyoñs, ciazerna khoa Konchoggi ka nyancelli dodpa yodpin. <sup>8</sup> Innaj Elimassi (Rissi skaddi nañña jadu cokhanla zerranog) khongunni gyabgal coste kalon Sergiusla tadpa cocesne ghagcessi stsondus cos.

<sup>9</sup> Tene saul kaboa Pauluañ zhuađpin, dampe thugnyiddi garste jadu cokhanboa mig gyanste Itas yañ mols, <sup>10</sup> "Wa, rdudgunni gobe gyud tar ṭarpoet ɻao, khyorajni nañña gobskorces tar ḥansems tshañma garste dug. Khyorajni Tssoe lam ṭarpo inkhanbo ṭarpo manog zercespo miphañja? <sup>11</sup> Ta Itos, Konchoggi chag khyorajni gyabgalla in. Khyoraj zharaa gyurte tusbanshig nyima mithon" molpa, tennamalla khoe dunla mundig son, yañ suzhiggi khoa lagpa thamste khyercesla khoe iño anjoa munnyug tarjs.

<sup>12</sup> Kalonni cunjhanbo thonje Yesuika tadpa cos, ciazerna Tssoo Yeshui skorla labzhagun tshorete kho halas.

### Pisidya yulli gyalsa Antiyog.

#### 13:13 ne 52

<sup>13</sup> Tene Paphos gyalsane Paulu khoñji ṭopagun nyampo ḥuzinña zhonte Pamphilya yulli nañña yodkhanni Perga zerse nassa leb. Teru Paulu tar Barnabas gun borte Yohanan Markus Yerushalemma logste soj, <sup>14</sup> innaj Paulu tar Barnabas Pergane biñte Pisidya zerse yulli Antiyog gyalsa skyods.

---

<sup>Y13:6</sup> tsholiñ ni tshoe zhunja chagste yodkhanni sakyadla zerranog.

Shabbaddi ḥaltshoe zhagga Yahudape dukhanja skyodte seka zhugs.<sup>15</sup> Yar kathims taŋ lunstonpe specha gun sil tsharracig, Yahudape dukhanji uskyongunni khon nyiskoia zers, "Spungun, kaltes khyozhagunni mitshogsla spospe ka shadces yodna shadda dzad."

<sup>16</sup> Tene Paulu zhaŋste migunla cubcadte dugcesla lagpa nyampo stags coste mols, "Israelpagun taŋ Konchoggi jigs taŋ stsiwe naŋja ḥulkhan Yahudape mankhangun ne spera nyonshig. <sup>17</sup> Israelpe colkhanni Konchoggi ḥadaŋji phamespogun Idamma dzads. Ijib yulli naŋja yod zane, khongunni taŋska gyaste shedcan gyur, yaŋ te yulne khyudcan Konchoggi khonjungun phirŋste khyonja dzads. <sup>18</sup> Ristonji naŋja lo zhibcu tshogpa te migun khaa minyan yodnaj Konchoggi zodpa nyampo thagga dzads. <sup>19</sup> Khorŋji Kenanni gyalkhams rduńbo medkhan dzadte te sakyadgun khonjranji migunla norskalla sals. <sup>20</sup> I tshaŋma ḥubcesla halam lo 450 gor."

"Te stiŋne Konchoggi Shamuél lunstonpe tus tshagpa khongunla uskyongun salla dzads. <sup>21</sup> Tene migunni Konchogga gyalpozhig salcesla zhuwa phulpa, Konchoggi Israelli sde Benyaminni naŋne Khissi butsha saul salla dzads, yaŋ khoe lo zhibcu waŋsuls. <sup>22</sup> Konchoggi saul gyalpoe warne thenna dzadte Dabid khongunni gyalpo coa dzads. Konchoggi Dabiddi skorla molte innog, 'Da yeshee butsha Dabid thob, khoe dodpagun ḥa tsogs dug. Khoe citshaŋma ne dodpa naŋzhin coin'."

<sup>23</sup> "Konchoggi ranji zhalchad dzadkhan naŋzhin, Dabiddi purgyudne Israelpagunni skyabgon, Yesu kalla dzads. <sup>24</sup> Yesu skyoddi saŋ sŋunla, Yohananni Israelpa tshaŋmala chosshadin, gyodpa coste thuslencesla molla dzads. <sup>25</sup> Yohananni lasgun dub tsharkyis yod zane, khonŋji mols, 'Khyozhagunni ḥa su innog sammarag? Da Konchoggi Idamma dzadkhanni Mashika man. Khorŋ ne stiŋne skyodin, ḥa khonŋji zhabshi tsogsla zhabpul Idamskhanbo tolcessi ospa med'."

<sup>26</sup> "De ḥopa Abrahammi purgyud taŋ Konchoggi jigs taŋ stsiwe naŋja mitshe phudkhanni Yahudape mankhangun, i tharpe lonbo ḥadanguunni phia kalla dzadte innog. <sup>27</sup> Yerushalempa taŋ khongunni waŋsulpa gunni Yesu ḥo mashes, innan khorŋja ḥonshessi thimscadte shabbad rimssi silkhanni lunstonpagunni molkhangun danda ḥubcugs. <sup>28</sup> Khongunla Yeshua ḥoggi chadpa phogcugcesla can skyon mathobnaj khongunni Pilatua khorŋ sadcesla zhuwa phuls."

<sup>29</sup> "Yeshui skorla dia dzadte yodkhan tshaŋma ḥanda ḥubcugste stiŋne khonŋji spurbo ḥkyanšinji kane phabste khongunni spurkhanji naŋja zhus. <sup>30</sup> Innan Konchoggi khorŋ shikhanganuni ḥone sontea laŋja dzads, <sup>31</sup> yaŋ zhag manpozhig Galillii yulne khorŋ nyampo Yerushalemma yonste yodkhangunla khorŋ jal. Khorŋunni ta Israelpa tshaŋme dunla khorŋji spanjo salin innog."

<sup>32</sup> "Dazhe i gamoe nastshulbo shaddad: Konchoggi ḥadaŋji phamespogun nyampo zhalchadpo dzads, <sup>33</sup> khongunni purgyud ḥadanguunla, Tsoo Yesu sontea laŋja dzadte Konchoggi te zhalchadpo dub cugga dzads, kazug sunjur nyispe naŋja Yeshui skorla dia dzadte innog,

'Khyoran ne butsha in.

Dirin ja khyoranji abaa gyurte in<sup>z</sup>.'

<sup>34</sup> Konchoggi khor shikhanganunni ṭone sonea lañja dzad pasaŋ, khor ta mane mirul. Konchoggi molla dzads,

'Dabid nyampo khachad cokhanni dampa cinlabs

De khyozhagunla tanjin.'<sup>a</sup>

<sup>35</sup> Zhan sunjurzhiggi nañja molte innog.

'Rañji dampabo nyeranji rul cugga midzad<sup>b</sup>'.

<sup>36</sup> Dabiddi rañji mitshee nañja Konchoggi thuggoŋs nañzhin khorṇja zhabstog zhuste stiñne ṭojs, yan phamespogun nyampo khorṇji zugspo spukhañji nañja borpa rul. <sup>37</sup> Innar Konchoggi sonea lañja dzadkhanboa rulces nyor mathub.

<sup>38</sup> Spungun nyonshig, nazzhaa ika Yesu gyudte khyozhe sdigpagunla shagspa thobcespo khyozhagunla shaddala yoñspin. <sup>39</sup> Yeshuika tadpa khyonkhan tshanjmaa sdigpagunne tharte skyonmed gyurte innog, kabu khyozhagunla Mozessi kathims gyudte thob nyances mane medpin. <sup>40</sup> Shar̄ cos, luñstonpagunni molkhangun khyozhagunni ka cuñ macugshig",

<sup>41</sup> " 'Ltossig, ḷaa tshig tañkhangun

Halasin yañ shiin.

De khyozhe tussi nañja tezug lasshig coces in,

Kaboe skor khyozhaa shadnaj khyozhagunla mane den mashes<sup>c</sup>.'

<sup>42</sup> Paulu tañ Barnabas dukhanje philogga binje skyod zane migunni khongunla, stiñma shabbaddi ḷaltshoe zhagga, itsogssi labzha mañja shadda dzad zerte zhuwa phuls. <sup>43</sup> Mitshogs shollacig Yahudapa tañ Yahudape chosla tadpa khyonkhan mañpozhig Paulu tañ Barnabassi gyabne soj. Khor nyiskoe khongunla spera tanjin Konchoggi thugrjeka stente dugcesla mašan̄e zhuwa phuls.

<sup>44</sup> Stiñma shabbaddi zhagga, halam gyalsa gañpoe migun Tsoo Yeshui ka nyannala dzom. <sup>45</sup> Tezug mitshogs chenmo thonje Yahudapagunla tshigces yoñs, yañ Paului labzhangunla gyabgal coste khorṇji scodlammi skorla ḷanpa zers.

<sup>46</sup> Tene Paulu tañ Barnabassi ma hampa nyampo Yahudapagunla lansals, "Dazhaa Konchoggi ka goma khyozhagunla shadgoste inpin. Khyozhe tebo phanjste khyozharan thamedpe mitshe thobcessi ospa mathes pasaŋ nazzhe Yahudapa mankhangunla nyancesi skabs tañjad, <sup>47</sup> ciazerna Konchoggi nazzhaa i kabu sals,

'Jigstenni tutui nañja tharpa khyorcesla

De khyoranjuñun Yahudapa mankhangunni ṭoa od tsogsla kalte in<sup>d</sup>! "

<sup>z</sup>13:33 sunjurri speche 2:7

<sup>a</sup>13:34 yeshaye speche 55:3

<sup>b</sup>13:35 sunjurri speche 16:10

<sup>c</sup>13:41 habakuggi speche 1:5

<sup>d</sup>13:47 yeshaye speche 49:6

<sup>48</sup> Tebo Yahudape mankhangunni tshorracig, khonjun şanṭe thadte Tsooe ka stodpa phuls, yan Konchoggi thamedpe mitshe phia Idamma dzadskhangunni tadpa khyoñs. <sup>49</sup> Tsooe ka te yuljoñs ganpoe nañja phel.

<sup>50</sup> Innaj Yahudape nañne khaciggi te gyalse chospa bumo stsiwacan tan uskyor gunla Paulu tan Barnabassi gyabgalla şo yorcugspa, khongunni migunla khon nyiskoa nags stancugste gyalsane philogga phincugs. <sup>51</sup> Khoñ nyiskoe khonranguñni pabui thalba şugste khonjun Konchoggi chadpe phia borkhanbo stanna dzads yan khongun tekane Ikoniamma skyods. <sup>52</sup> Antiyoggi nañja yodkhanni lobtugsgun thadpo tan dampe thugnyiddi gar.

### **Paulu tarj Barnabas Ikoniamma zhugs.**

#### **14:1 ne 7**

**14** <sup>1</sup> Ikoniammi nañjan Paulu tarj Barnabas, lobs nañzhin Yahudape dukhangunni nañja skyods, yan ma khyudcan chosshadpa, Yahudape tan Yahudape mankhan manpoe tadpa cos. <sup>2</sup> Innaj tadpa makhyoñskhan Yahudapagunni Yahudape mankhangunla khonji scodlammi skorla ḥanpa zerte şo skulte khongunni nañja tadpacangunni chogsla semsjan skyecugs. <sup>3</sup> Tennaboephia Paulu tarj Barnabas teru tus marpozhig zhugste, ma semstobs chenmo nyampo mashike thugrje skorla shadda dzads, yan Tsoo Yeshui khongunla halasshessi Itas tarj dzadpa gun cocessi khyud salte, te lonbo denba inkhanboe spanpo sala dzads. <sup>4</sup> Innaj gyalse migunni nañja pobudte khaciggi Yahudapagunni yan khaciggi skutshabsgunni chogs cos.

<sup>5</sup> Yahudape, Yahudape mankhan tar khongunni uskyor tshanje dzomste skutshabsgunla ḥanpa coste rdoa gyabste sadcessi cusjan İdiñs. <sup>6</sup> Innaj Paulu tarj Barnabasla te cusjanboe skorla gyussonja khonjun tekane shorte Likaonyia yuljonssi Listaa tarj Derbe gyalsa yan te nyekhorri nassagunni nañja skyods, <sup>7</sup> yan khongunni teru gamoe nastshul shads.

### **Listaa tarj Derbe gyalsa.**

#### **14:8 ne 20**

<sup>8</sup> Lisṭe nañja zhaozhig yodpin, kho skyespane parla ȳul manyanna inpin. Kho seka dugste <sup>9</sup> Paului molkhangunla nyannadpin. Paului khoa khađanja zigs yan khoe nañja kho gyalthubcessi tadpa thonje <sup>10</sup> khonji te zhaoboa shednar mols, "Ranji kanpeka koag loñs." Kho choms yan lañste ȳuls.

<sup>11</sup> Mitshogssi Paului chaglaspo thonjacig, Likaonyiape skaddi nañja kuco tanj, "Konchoggun mia zuste babste skyodte dug." <sup>12</sup> Khonjunni Barnabasla Zeyus yan Paulua Harmes miñja tags ciazerna Paulu chosshadkhan goskyorbo inpin. <sup>13</sup> Zeyussi chodkhan gyalse philogpoeka yodkhanni lame mentoggi skecha tanj lanjtozhig gyalse gyasghoeka thidte khyoñs, ciazerna kho tanj yulmigunni skutshabs nyiskoa chodpa phulin sam.

<sup>14</sup> Innaj tebo Paulu tarj Barnabassi tshorracig, khonji ranji namzagun shags yan mitshogssi ȳoa gyugin sonje kuco tanjin mols, <sup>15</sup> "Khyozhe izug cia coad?

Dazhaq khyozhagun tsogs mi in, nazhe khyozhagunla gamoe nastshul shadcessi gyuntshanbo ni itsogssi tonmeddi lasgun phanjste sonpo Konchog chogsla sems gyurcespo in, khornej namkhaa, jigsten, gyatsho yan tegunni nañja yodkhan tshajma dzadste innog.<sup>16</sup> Budkhanni Mirabsgunni nañja Konchoggi gyalkhab tshajma rarraj thadse lammika dul cugga dzads.<sup>17</sup> Teneaq Konchoggi khongun nyampo khornej tañ khornej thugrje yodkhanni sapanpo salin zhugs, sperna khyozhaa charpa tañ stonthog gyalla, zacesla zan yan semsthadpoe skanjra dzads.<sup>18</sup> Te speragun shadteaq, khongunla chodpa phulcesne mitshogspo ghagces ma kagspo soj.

<sup>19</sup> Tene Antiyog tañ Ikoniamne yonjskhanni Yahudapa khaciggi te yulli migun Khorangunni chogsla khyonste Paulua rdoa gyabs, yan khor shite innog samste gyalsane philogga dudte khyers.<sup>20</sup> Innaq lobtugsgun Paului dunla dzommacig, khornej larjste gyalsa logste skyods. Stijnmazhagpo khor Barnabas nyampo Derbea skyods.

### Paulu tañ Barnabas Antiyogga logste skyods.

14:21 ne 28

<sup>21</sup> Paulu tañ Barnabassi Derbe gyalse nañja gamoe nastshul shadpa mi manpozhiggi tadpa khyonjs. Tene khongun Listaa, Ikoniam tañ Antiyoggi gyalsagunla logste skyods.<sup>22</sup> Khongunni lobtugsgunla tadpe nañja stanpo dugcesla spospa tanjin mols, "Konchoggi gyaliddi nañja lebbala nadianja skalas manpoe dojen cogosin."<sup>23</sup> Khor nyiskoe chostshogs tshajme nañja tadpacangunni phia uskyongun Idamma dzads, yan nyenas yanja roza dugste moslam zhuste khongun Tsoo Yeshui chagga stadda dzads kaboe nañja khongunni tadpa khyonjs.<sup>24</sup> Tene khor nyisko Pisidya gyudte pamphilye yulla skyods.<sup>25</sup> Khongunni Perga donkhyerri nañja gamoe nastshul shadda dzadte stijnne Ataliya chogsla skyods.

<sup>26</sup> Tekane Paulu tañ Barnabas tuzinjja zhonte Antiyog gyalsa logste skyods, karu tadpacangunni khor nyiskoa las cocesla Konchoggi thugrjee chagga stadda dzadte inpin, kabo khongunni dubcug tsharte innog.<sup>27</sup> Antiyogga lebste khongunni chostshogspo dzoms cugste, Konchoggi khor gyudte dzadkhanni lasgun tañ Yahudapa mankhangunla tadpa cocugga dzadkhanni skorgun shads.<sup>28</sup> Yan khongun teru lobtugsgun nyampo tusbanshig zhugs.

### Yerushalemmi tshogsdu.

15:1 ne 21

**15** <sup>1</sup> Yahuda yulne Antiyogga yonjkhanni mi khaciggi tadpacangunla, "Kaltes lurstonpa Mozessi kathims nañzhin khyozhe butshagunla sunnad<sup>e</sup> macona khyozhagunla tharpa mithob" zerin labzhaa tañs. <sup>2</sup> Yan Paulu tañ Barnabassi khongunni labzhe gyabgal cocespoe khongun nyampo şançe zerzer soj. Te chostshogssi, Paulu, Barnabas yan tadpacan khacig Yerushalemma skutshabs tan

<sup>e</sup>15:1 sunnaddi tonbo ni butshe she kane pagspa cadte stags cocespo innog.

uskyor gunni dunla te labzhe skorla spera taŋja chacesla Idams.<sup>3</sup> Chostshogssi khongun lamcugs, yaŋ khongun Phonishia taŋ Samarriya yulgun gyudte chaa zane khongunni tadpacangunla Yahudapa mankhangunni mashikeka tadpa khyonjin yodkhanbo shads, tebo tshore sp̄un tshaŋma manpo thad.

<sup>4</sup> Yerushalemma lebbacig, teru yodkhanni chostshogs, skutshabsgun tarj uskyongunni khongunla gasus zhus. Konchoggi khongun gyudte dzadkhanni chaglasgunni skorla khonji shadda dzads.<sup>5</sup> Innaŋ pharushipe sde naŋne inkhan tadpacan khacic laŋste zers, "Tadpacan Yahudapa mankhan butshagunla sunnad cogos yaŋ lunstonpa Mozessi kathimsgun khanyangos."

<sup>6</sup> Tennaboephia skutshabs tarj uskyor gun te labzhe skorla ḫabs dzadcesla dzoms.<sup>7</sup> Mamanpo ḫabs coste stiŋne Pitar laŋste khongunla mols, "Spungun khyozhagunla gyusinnog, tusbanshiggi sŋunla, gomaraŋ Yahudapa mankhangunni gamoe nastshul tshore tadpa khyoncessi phia Konchoggi khyozhe tone naa khongunla chosshadcesla Idamma dzads.<sup>8</sup> Ȑadangunni semssi naŋja yodkhan tshaŋma khyenna dzadkhanni Konchoggi ḫadanjan tsogsla Yahudapa mankhangunla dampe thugnyid salla dzadte khongunnaj Konchoggi inkhanboe spanpo sals.<sup>9</sup> Konchoggi ḫadan tarj khongunni naŋja caŋ khyad borra madzads, ciazerna tadpa khyoncessoe khongunni sems lagmo dzads.<sup>10</sup> Ta Yahuda mankhan tadpacangunni sp̄unpeka, ḫadan ya ḫadanji phamespogunni khur manyankhanni khuru lciňte kalte khyozhagunni cia Konchogga thugssø skyodcuggad?<sup>11</sup> Man, Tsso Yeshu mashike thugrje gyudte ḫadanja tharpa thobkhan tsogsla khongunlan thobte inkhanboa ḫadanji tadpa coanog."

<sup>12</sup> Tene teru dzomskhanni mitshajma cubcadte Barnabas tarj Paulu gyudte Konchoggi Yahudapa mankhangunni ṫoa kazug halasshessi chaglas tarj dzadpa dzadkhanni skorla shadkhangun nyans.

<sup>13</sup> Khongunni mol tshire stiŋne Yakobbi mols, "Spungun je speraa nyanna dzad.<sup>14</sup> Konchoggi gomaraŋ Yahudapa mankhangunni ka snyinrje skyeste khongunni tone khonranji phia migun Idamma dzadhanboe skorla Shimon Pitarri ḫadanjan shadda dzads.<sup>15</sup> Lunstonpagunni lunstanbo tebo gyudte ḫandaa dubte innog, kazug sunrabssi naŋja dia dzadte innog,"

<sup>16</sup> "Teboe stiŋne ja logste yonin

Yaŋ gyalpo Dabiddi gyalſid zhigkhanbo yaŋskyar laŋin

Zhigkhangun stsigste yaŋskyar soma coin

<sup>17</sup> Tegun cocessi gyuntshanbo ni

Luskhani jigstenpagunni Tsso tsalthubces yaŋ

De miŋ khurkhanni Yahudapa mankhan tshaŋmear!<sup>f</sup>

<sup>18</sup> De gomane pharla te tshaŋma sŋon cugste in'."

<sup>19</sup> "Tennaboephia je thagcadbo ni, ḫadanunni Konchog chogsla sems gyurin yodkhanni Yahudapa mankhangunla kagspo thorjuc magos.<sup>20</sup> Innaŋ ige Griiste khongunla skundagunla chodpa phulte tshitu chakhanni zan mizaces, Iusdel njanpagunne thagrijna dugces, skyekyigste sadkhanni semscangunni sha yan

<sup>f</sup>15:17 Amossi speche 9:11, 12

thagcanni sha mizacessi skorla salpo coste shadgos.<sup>21</sup> Ciazerna Mozessi kathimssi naŋja tegun sŋun mane pharla gyalsa tshanme dukhangunni naŋja shabbad rimssi migunni phia silin innog.

### **Tadpacanni Yahudapa mankhangunla ige Griis.**

**15:21 ne 35**

<sup>22</sup> Tene skutshabsgun, uskyongun taŋ chostshogs gaŋpo dzomste khonjgunni Ძone mi nyis Idamste Paulu taŋ Barnabas nyampo Antiyogga Iamcugcesla thagcads. Te Idamskhangun chostshogssi uskyoŋ Barsabas zerkhanni Yuda taŋ Silas nyisko inpin.<sup>23</sup> Khonjgun nyampo i chagdiſpo kals,

"Skutshabs taŋ uskyon gunni chogsne, Antiyog, Siryaa, kilikiye naŋja yodkhanni Yahudapa mankhanni spungunla jule."

<sup>24</sup> "Dazhe Ძone ɻazhe makalkhanni mi khacig khyozhe toa lebste spera rig zerte khyozhe semsla thetshoms skyecugkhanbo ɻazhe tshor.

<sup>25</sup> Tennaboephia ɻazhagunni ɻazhe Ძone mi nyis Idamste ɻazhe cespa Paulu taŋ Barnabas nyampo khyozhagunni kaclcesla ɻabs soŋ.

<sup>26</sup> Dadaŋji Tsoo Yeshu mashike phia Barnabas taŋ Paulu ɻog salcesla majigs.<sup>27</sup> Dazhe i ige naŋja Griiskhanbo sparjo tarcesla Yuda taŋ Silas, khonjgun nyampo kallad."

<sup>28</sup> "I spera khagcangun manpa zhanyar Icidic khyozhagunni mi kaclcesla dampe thugnyid taŋ ɻazhagunni thagcads.<sup>29</sup> Khyozhe skundagunla chodpa phulkhanni zan, yaŋ thag yodkhanni sha, taŋ semscan skyekyigste sadkhanni sha mazaa, yaŋ lusdel ɻanpagunne thagrinya dugshig. Igun khanyanna khyozhaa gyalla chen, jule."

<sup>30</sup> Tene Iamcugspa khonjgun Antiyogga soŋ yaŋ teru chostshogs ganpoa bodte chagdiſpo khonjgunni lagga taŋs.<sup>31</sup> Te spospacanni ige silpa migun thadpo soŋ.

<sup>32</sup> Luŋstonpa inkhan Yuda taŋ Silas gunni tadpacangunla spospacanni labzhaa manpo salte khonjgun tadpe naŋja stanpo gyur cugga dzads.<sup>33</sup> Zhag khaciggi stiŋne spungunni Silas taŋ Yuda khonj kalkhanni ɻopagun yodsa khamzaŋ lebcesla moslam zhusti khonjgun logste lamcugs.<sup>34</sup><sup>g35</sup> Innaŋ Paulu taŋ Barnabas Antiyoggi naŋja zhugs, teru khonjgun taŋ zhanma manpoe, Tsoo Yeshui kagun shadin labzhaa salla dzads.

### **Paulu taŋ Barnabas nyisko bes.**

**15:36 ne 41**

<sup>36</sup> Tusbanshiggi stiŋne Paului Barnabasla mols, "Dadaŋji Tsooe ka shadkhanni Ძonjkyergunla ɻadan yaŋskyar sonje tadpacangunni tadpe naslugpo kazugshig dug Itenna?"<sup>37</sup> Barnabassi Yohanan kaboa Markussan zerradpin, khonjgun nyampo khyernyin yodpin.<sup>38</sup> Innaŋ Paului, Markus khonjgun nyampo khyercespo sambacanni las manog sam, ciazerna khoe pamphilye naŋja khonjgun nyampo las

---

<sup>9</sup>15:34 i karpa 34 (Kabo innaŋ Silassi teru dugces thagcads) bo rissi sŋunme spechagunni naŋja Griiste medte innog.

coin madugga phanjte sonje inpin.<sup>39</sup> Paulu taŋ Barnabassi naŋja şanṭe zerzer sonja khongun soso begos, Barnabas Markus thidte ȳuzinjna zhonte Kibrusla soŋ.<sup>40</sup> Innar Paului Silas khot nyampo khyercesla Idams, yan tadpacangunni khongun Konchoggi thugrje chagga stads.<sup>41</sup> Paulu Siriya taŋ Kilikila gyudte chosthogsgun stanpo dzadin skyods.

### **Paulu taŋ Silasla Timothi thug.**

#### **16:1 ne 5**

**16** <sup>1</sup> Paulu taŋ Silas Derbe stijne Listaa skyods, teru Timothi zerkhanni lobṭugsspo duggadpin. Khoe ama tadpacan Yahudama yan aba rispa inpin.<sup>2</sup> Listaa taŋ Ikoniammi naŋja yodkhan tadpacangunni Timothi scodlamgunla stoddadpin.<sup>3</sup> Paulua Timothi khot nyampo khyercesla dodpa yodpa, khorṇi Timothia sunnad<sup>h</sup> co cugs, ciazerna te yulli nyekhorla yodkhanni Yahudapagunla khoe aba rispa inkhanbo gyusyodpin.<sup>4</sup> Khongun ḫonjkyer cigne cigga skyod zane, te yulli tadpacangunla Yerushalemmi naŋja yodkhanni skutshabs taŋ uskyon gunni thagcadkhangun silte shadin, yan tegun khanyancesla spospa salin skyods.<sup>5</sup> Tezug dzadcespoe chosthogsgun tadpe naŋja stanpo soŋ yan tadpacangunni taŋska zhagtaŋ gyasin soŋ.

### **Paulua zhalzigs thoŋ.**

#### **16:6 ne 10**

<sup>6</sup> Paulu taŋ khorṇi ṭopagunla dampe thugnyiddi Asia naŋja chosshadcesne ghagga dzadspa khongun Phrigeya taŋ galatiya yulgun gyudte skyods.<sup>7</sup> Khongun Misia yulli santshamsla lebbacig, khongunni Bitiniya naŋja skyodces cos innar Yeshui thugnyiddi khongun teru skyod macugs.<sup>8</sup> Teboephia khongun Misia yul gyudte ṭoes gyalsa skyods.

<sup>9</sup> Tenna tshanla zhalzigsshiggi naŋja Paulua Makedoniya zhig khorṇi dunla lanste, "Juju Makedoniya skyodte ȣazhaa rogs dzad" zerin zhuwa phulla thoŋ.

<sup>10</sup> Paului zhalzigsSpo zigste stijne tennamalla ȣazhe Makedoniya chacessi dal cos, ciazerna Konchoggi ȣazhaa, khongunla gamoe nastshul shadcesla boddha dzadkhanbo hago.

### **Philipipa lidiye tadpa khyoŋs.**

#### **16:11 ne 15**

<sup>11</sup> Ṭoesne ȣazhagun ȣuzinjna zhonte Sumotakea leb, yan stijmazhagpoa Neyapolusla leb.<sup>12</sup> Tekane ȣazhagun Makedoniya yuljonssi gyalsa ma stsadcan Philipia sonpin, kaboe naŋja Rompa manpozhig duggadpin. Teru ȣazhagun zhagbanshig dugspin.

<sup>13</sup> Shabbaddi ȣaltshoe zhagga moslam zhusse nassazhig thobin samte ȣazhagun gyalse ghone biŋste Itsaŋspo chogsla sonpin. Teru dzomste yodkhanni bumogun yodsa dugste khongun nyampo spera taŋspin.<sup>14</sup> Spera nyankhangunni

<sup>h</sup>16:3 butshe she kane pagspa cadte stags cocespoa sunnad zerranog.

toa Lidiya zerkhan bumozhig dugpin, kho Thiatira gyalsane gyalpoe Koslag tsogs ras rincanni tshorj cokhan tar Konchogga colkhanzhig inpin. Tsooe, khoe sems Paului molkhanganula tadpa khyoncessi phia pheadzads.<sup>15</sup> Kho tarj khoe nañmi gunni thuslens yan khoe ñazhaa zhuwa phuls, "Kaltes nyezhe na Tsoo Yeshui nañja tadpacanzhig innog sammadna, skyodte ne khanpa zhugssa dzad." Khoe ñazhaa zhuwa phulin dugspa ñazhagun khoe khanpa dugspin.

### **Paulu tar Silas gun zums.**

#### **16:16 ne 40**

<sup>16</sup> Zhagshig ñazhaa moslam zhusse nassa chogsla chen yod zane, ñazhagunla tshayog bumozhig thug, khoe nañja laa zhugste migunla yoncesscanni tussi skorla snjunkhyen tañste khoe dagpogunni phia pene manjo coadpin.<sup>17</sup> Bumobo Paulu tar ñazhe stinrajne yorjste kuco tanjin zers, "Kunwaj Konchoggi zhabstogpa inkhanni i migunni khyozhagunla tharpe lammi skorla shaddanog."

<sup>18</sup> Khoe zhagtañ tenna tsogs coin dugspa, stinjugga mañante nañja tsherte Paului gyablogga zigs yan semsnyid ñanpaboa mols, "De khyoranja Yesu mashike tshanni nañja khoe nañne biñste yoncessla ka tañjad." Tennamalla te semsnyid ñanpaboa khoe nañne biñste soñ.

<sup>19</sup> Khoe dagpogunni pene cocessi skabs medkhan chakhanbo hagoacig, khongunni Paulu tar Silas zumste thomssi nañja wañşulpagunni dunla ñudin khyers.<sup>20</sup> Khongun thimspongunni dunla lebbacig, "I Yahudapagun ñadanji gyalse nañja yonste hiliñs phiñdug,<sup>21</sup> yan ñadanji Rompe kathimsne galkhanni lam lugşol rig ñadanja labdug" zers.

<sup>22</sup> Tebo tshorracig mitshogssian Paulu tar Silassi gyabgal cos, yan thimspongunni khor nyisko lñernyal phudte berka tañcessi ka tañs.<sup>23</sup> Khongunla berka nyampo mañante rduñs yan tsonla kagste tsonkhanji sponboa gyalla coste, şuncugcesla ka tañs.<sup>24</sup> Ka tañskhanbo thobbacig, khoe khor nyisko tshanmesar nañkugga yodkhanni tsonkhanji nañja kañpagun shijñi nañja cugste Idamste bors.

<sup>25</sup> Tshanphedla Paulu tar Silas nyiskoe Konchogga moslam zhuin, gurma tañjadpin, yan zhan tsonpagunni khorña nyante yodpin.<sup>26</sup> Hunmedla sangul tagpo yonste tsonkhanji magldangun skuls. Tennamalla gho tshanma be, yan teru yodkhanni tsonpa tshanme Icagthaggun dolte bud.<sup>27</sup> Tsonkhanji sponboa nyidtshad yan khoe tsonkhanji ghogun pheste thorj. Tsonpa tshanma shorte medkyag samte, khoe ranji rai phiñste ranşog cadces cos.<sup>28</sup> Paului kuco tañste khoa mols, "Ranji şog macad, ñazhaa tshanma inekane yod."

<sup>29</sup> Tsonkhanji sponboe od khyon zerte bods yan kho nañkugga banþañste soñ yan darinzhig Paulu tar Silassi dunla gyel.<sup>30</sup> Khoe khongun philogga khyonste zers, "Sponbole ne tharpa thobcesla ci cogos?"

<sup>31</sup> Khongunni lansals, "Tsoo Yeshuika tadpa khyon, tene khoranja tharpa thobin, matshad khyoranja khanpe nañja dugkhangunnan".<sup>32</sup> Khongunni tsonkhanji sponbo tar khoe nañmi gunla Tsoo Yeshui skorla shadda dzads.<sup>33</sup> Tshanni

tenna tusla tsonkhanjı sponboboe khongun khyerte khongunni makhagun thus, yan tenna tusla kho taŋ khoe naŋmi tshaŋme thuslens.<sup>34</sup> Khoe Paulu taŋ Silas khoranji khanpa khyerte dontaŋ phuls, kho taŋ khoe naŋmi tshaŋmaa skyidpo son ciazerna khongunni Konchoggika tadpa khyoŋs.

<sup>35</sup> Namlarjssacig, thimspongunki tsonkhanjı sponboeka magmigun kalte, "Khongun phuddon" zerte ka taŋs.<sup>36</sup> Tsonkhanjı sponboboe Paulu zhus, "Thimspongunki nyezhaa phud zerte ka taŋstog. Ta nyezhagun zhide nyampo skyod."

<sup>37</sup> Innar Paului lansals, "Dazhaa Rompa inteaŋ thimspongunki ŋazheka thims maſulla migunni dunla ŋazhaa rdunste tsonkhanjı kags. Ta ci khongunni ŋazhaa suar gyus cha macugga phudtanjin sammanogga? Dazhaa michaa. Khoranji ika yoŋste, ŋazhaa tsonne phiŋste khyergos."

<sup>38</sup> Magmigun sonje speragun shads yan Paulu taŋ Silas gun Rompa inkhanbo tshorte thimspongunki ʂante jigs.<sup>39</sup> Thimspongunki tsonkhanjı yoŋs yan Paulu taŋ Silasla goŋspa salcesla zhus. Khongun tsonne philogga khyerte khongunla gyalsane biŋste chacesla zhuwa phuls.<sup>40</sup> Paulu taŋ Silas tsonkhanjı biŋte lidiye khanpa skyods, teru khongun spungun nyampo thugte khongunla spospa salla dzads, yan te yulne skyods.

### Paulu Thesalonikaa skyods.

17:1 ne 9

**17** <sup>1</sup> Te stiŋne Paulu taŋ Silas nyisko Amphipolis taŋ Apoloniya ዳንክሸር  
gun gyudte thesalonike gyalsa leb, teru Yahudape dukhanzhig yodpin.

<sup>2</sup> Paulu, khoranji lobs naŋzhin dukhanjı naŋja skyods, yan shabbad summi zhaggunla teru yodkhangun nyampo dampe sunrabssi skorla ደስዏር dzads.

<sup>3</sup> Khoranji surrabssi narne Mashika rdugnjal nyungoshes taŋ shikhanganne ታነ  
sontea zhaŋsgoshespo hagocugste tantan inkhanbo stanna dzads yan mols,  
"De spanjo taŋkhanni Yesu ni Konchoggi Idamma dzadkhanni Mashika innog."

<sup>4</sup> Yahudape khacig, rispa Konchoggi jigs taŋ stsiwe naŋja ሲልክሰን መንጠና ተ  
yulli stsiwacan bumo banshiggiaŋ khoranji chosshadkhanbo denba inkhanbo hagote  
Paulu taŋ Silas gunni ታይ ፈይ.

<sup>5</sup> Innar Yahudapagunla tshigces yoŋste thomssi naŋja khorin dugkhanni mi  
stsogo banshig Iduste khyoŋs, yan gyalse naŋja hiliŋ phincugs. Khongunni  
mitshogssi ታይ khyoŋcesla Paulu taŋ Silas gun tsalin Yasonni khanpaa spungol  
cos.<sup>6</sup> Khongun mathobpa, khongunni Yason taŋ zhan Mashikapa khacig gyalse  
waŋṣulpagunni dunla ሂደን khyers, yan kuco tanjin zers "Mi nyissi jigsten ganpoe  
naŋja hiliŋ phinste, ta iru ኃዳንን gyalsa lebste innog."<sup>7</sup> Yasonni khongun  
khoranji khanpe naŋja dugcugs, yan Yesu zerkhanni zhanyaŋ gyalpozhig yod  
zerte khongunni Rommi gyalpoe thimssi gyabgal coste innog."

<sup>8</sup> Te sperabo tshorracig mimans taŋ yulli waŋṣulpagunni naŋja hiliŋ shor.<sup>9</sup> Yan  
waŋṣulpagunni Yason taŋ khoe ትopa tadpacangunla pene chadpa cadte phudtaŋs.

## Paulu taŋ Silas Berea gyalsa skyods.

**17:10 ne 15**

<sup>10</sup> Tenna tshanla teru yodkhanni tadpacangunni Paulu tan Silas Berea zerse nassa lamcugs. Teru lebbacig khongun Yahudape dukhanji naŋja skyods.

<sup>11</sup> Bereapagun Thesalonikapagun tsogs snyiŋskyoŋpo midugpin, ciazerna khongunni Paului labzhaa mathadpo nyampo nyans. Yan dampe sunrabsgun zhagtaŋ silte khonji molkhangu tantan innogga manog Itacesla stsarcod coadpin.

<sup>12</sup> Yahudape manpo matshad rispa butsha tan bumo tagzhan manpozhiggian tadpa khyoŋs.

<sup>13</sup> Innar thesalonike naŋja yodkhanni Yahudapagunla Paului Konchoggi ka Berea zерсе yulli naŋja shaddug zerte tshorracig, khongun teruar sorje, Paului gyabgalla zerte mimarjssi naŋja hilijs biŋcugs. <sup>14</sup> Tennamalla teru yodkhanni tadpacangunni Paulu gyatsho thame nassaa lamcugga khyers, innar Silas tan Timothi Bereae naŋja zhugs. <sup>15</sup> Paulu lamcugga chakhangun Ethen gyalsa tshagpa khorlamcugga soŋ, yan Silas tan Timothi nyiskoa tsamthub gyogspa Paulu yodsa yoncesla ion khurte logste yonjs.

## Ethenni naŋja Paului chosshadda dzads.

**17:16 ne 34**

<sup>16</sup> Paulu Ethenni naŋja Silas tan Timothi phia sunste yod zane te gyalsabo skunde gaŋste zigspa khorlamcugga son. <sup>17</sup> Teboephia zhagtaŋ khonji Yahudape dukhanji naŋja Yahudapagun tan Konchoggi jigs taŋ stsiwe naŋja dulkhanni rispagun nyampo dosdur yan thomssi naŋja yodkhanni migunla chosshadda dzads.

<sup>18</sup> Teru epikur taŋ stoik tshannyidpagunni<sup>i</sup> Paulu nyampo ḋosdur coces gozug coste khaciggi, "Khoe ci cholbe spera zerranog" yan khaciggi, "Khoe zhanma Konchoggunni skorla shadte intigdug" zers, (Ciazerna Paului Yesu tan shikhangu sontea lancessi skorla gamoe nastshul shadda dzads).

<sup>19</sup> Tene khongunni Paulua rispe dukhaŋ Arikopas zersa thidte khyers, yan khonja zers, "Ta ɿazhaa, khyoranji shadkhanni labzhaa somaboe skorla shadda dzad. <sup>20</sup> Khyoranji zerkhangun yamtshan spera rig rag, tegunni tonbo ɿazhaa hagonyin rag." <sup>21</sup> (Ethenni yulpa taŋ philogne yonste teru dugkhan tshaŋme ranŋi tus manjcheabo samba soma shadces taŋ nyancesi naŋja phuddadkyag).

<sup>22</sup> tene Paulu Arikopas dukhanji zhunjna zhanste mols, "Ethenpagun, ne thoŋcesla khyozhaa cisathogne ma chospa dug. <sup>23</sup> Khyozhe gyalse naŋja dul zane ɿaa gyalsa ganpobo skunda taŋ chodpa phulcessi chodthi gun gaŋste thoŋ, yan chodthi cīgciggika, 'Gyusmed Konchoggaga' zerte Griiskhanzhig ɿaa thoŋ. Khyozhagunni mashessa colkhanni tenna Konchoggi skorla ne shadin."

<sup>24</sup> "I jigsten taŋ tenanja yodkhan tshaŋma dzadkhanni Konchog, khorlamcugga namkhe Tsoo zhugste innog. Khorlamcugga mii stsigkhanni chodkhan gunni naŋja

<sup>i</sup>17:18 samtshul sosoeka ḋosdur cokhangunla tshannyidpa zerranog.

zhugssa manog.<sup>25</sup> Kaltes mii, khornejha għosdommi naejja zhabstog zhuu samna, zhu minyan ciażerra khornejha għosdom mane medkyag. Khornejha tshajjħmala soġ ta' mitshe matshad citshajjma sallha dzaddanog.<sup>26</sup> Khornejha khornejha chagne dzadkhanni mi cigne, i jistgħel ganpoe mirgyud tshajjma cuu cugga dzads, matshadpe tegun waejji naejja bħubħes ta' l-aċċessi tus, yaq instead nasse santsħams gun Idamma dzads.

<sup>27</sup> Migunni Konchog tsalna thobcesla khornejha te tshajjma coa dzads, innar Konchog ni tantanla ɣadaj rerene thagrinxha medpa innog,<sup>28</sup> ciażhuna ɣadangun khornejha naejja ɬulin, mitshe phudin, sondea luste innog, kazug khyozhe st-sompapo khaciggi zerdu, 'Dadangun khornejha ħugu innog.'<sup>29</sup> Dadangun Konchoggi ħugu in pasan ɣadangunni Konchog, mi khyud ta' samba gyudte coskhanni ser ya mul ya rdoe skundha innog sam magos.

<sup>30</sup> Sjunme tusla Konchoggi te samba medkhanni lasgunla naejmed dzads, innar ta khornejha karunsa yodkhanni mitshajjħmala sdigpa spanste gyodpa cocesa ka sallha dzads.<sup>31</sup> Konchoggi Idamma dzadkhanni zhagħġa khornejha Idamma dzadkhanni mi Yeshu gyudte jistgħenpa tshajjħmeka shags cadin, yaq shikhangunni tone khor sondea laejja dzadte mitshajjħmala tebo tanpo inkhanbo stanna dzads.

<sup>32</sup> Shikhangunni tone sondea l-aċċessi skorla tshorracig, khaciggi habgod tarjs, innar khaciggi, "Stiżżejjha i skorla ɣażha tarunnej nyannyinrag" zers.<sup>33</sup> Te stiżnejne Paulu khongunni tone biex skyods. <sup>34</sup> Mi khaciggi khornejha labzha idħiexxesta Yeshu mashikeka tadpa khyojs. Tēto Arikopassi tshogspe thusmi Dionisius zerkhan, Damari zerkħanni bumo ta' zhanmagħun yodpin.

### Paulu Korinthia skyods.

#### 18:1 ne 17

**18** <sup>1</sup> Te stiżnejne Paulu Ethen gyalsane Korinthi gyalsa skyods. <sup>2</sup> Teru Paulua Pontuissi naejja skyeskhan, Akuilaa zerkħanni Yahudapazħig thug, kħo khornejha nama risila nyampo ɻethubcigrax iż-żili yulhe Korinthi gyalsa yonste inpin, ciażerra Rommi għalpo klodiäss i Yahudapa tshajjma Rom gyalsane biex chagos zerte ka tanġste inpin. <sup>3</sup> Akuilaa ta' risila gun tsogħla Pauluan kur tsemsecessi las dzadkhan inpa, Paulu khongunni kħarja zhugste khongun nyampo las cos. <sup>4</sup> Shabbad rimssi kħożi Yahudape dukħannejha skyodte Yahudapa ta' rispa gunla khornejha ionboika tadpa khyoncugħcessi stsondus coin khongun nyampo dōs dur dzaddadpin.

<sup>5</sup> Silas ta' Timothi Makedoniyan lebbacig, Paului ranji tus gaņpo chosħhadin Yahudapagħunla Yeshu ni Konchoggi Idamma dzadkhanni Mashika inkhanboe sparpo tanċċessi naejja phuds. <sup>6</sup> Innar Yahudapagħunni Paulua gyabgal coste khornejha skorla ɣanpa zerpa kħoñnejha kħoñnejha namzabo ʃugħte khongunla sparpu din mols, "Sdigħa cocespoe khyozhaa chadpa phogna khyozħarnejha skyon in, ne man. Tanepħarla ja Yahudapa manħkhangunla chosħħadda chad."

<sup>7</sup> Tene kħożi Yahudape dukħannej biex Konchogħha colkhanni mi Titus Yustus zerkħanni kħarja skyods, kabu dukħannejha l-Idoekha yodpin. <sup>8</sup> Te dukħannejha uskyon

Krispus zerkhan taŋ khoe naŋtshaŋs gaŋpoe Tssooeka tadpa khyoŋs, khongun manpa Korinthipa maŋpozhiggiaŋ Paului chos tshore tadpa khyoŋs, yaŋ thuslens.

<sup>9</sup>Zhagshig tshanla zhalzigsshiggi naŋŋa Tsoo Yeshui Paulua mols, "Jigs majigs, cubcadte madugga chos shod." <sup>10</sup>Da khyoraj nyampo yod yaŋ suzhiggiaŋ khyorajna nodskyal minyan, ciazerna i gyalse naŋŋa neka tadpa cocesla ne mi maŋpozhig Idamste yod." <sup>11</sup>Teboephia Paulu teru lo cig naŋ phed Konchoggi ka shadin zhugs.

<sup>12</sup>Gallio zerkhanbo Akaya yuljonssi kalon inni tusla, Paului gyabgalla Yahudapagun cig sonje khoŋ zumste thimskhunjiaŋ khyers. <sup>13</sup>Khongunni nyadkalte zers, "I miboe migunla Konchogga colcessi tezug tshul riggi labzhaa tanđug, kabo naŋhe kathimssi gyabgal innog."

<sup>14</sup>Paului molces coacig, Gallioe Yahudapagunla zers, "Kaltes i miboe Rompe kathims taŋ galkhanni miospa chunjun ya chenmozhig coste yodpinna ne khyozhe skyonrjod cokhanbo nyancesragpa, <sup>15</sup>innaŋ khyozhe nyadgalbo ni khyozharanji kathims, miŋ taŋ spera gunni skorla innog, tegun khyozharangunni thagcod. De te tsogsgunnika thimscad tanŋamed." <sup>16</sup>Tezug zerte khoe khongun thimskhunjiaŋ phinjste taŋs.

<sup>17</sup>Tene khongunni dukhanji uskyoŋ Sosthenes zerkhanbo zumste thimskhunjiaŋ naŋŋa ſanṭe rduŋs, innaŋ Gallioe teboeka naŋŋa mataŋs.

### **Paulu Antiyoga logste skyods.**

#### **18:18 ne 28**

<sup>18</sup>Tusbanshig Korinthia zhugste stiŋne Paului tadpacangunla stiŋjuggi ju zhuste tuziŋŋi naŋŋa zhonte siriye yuljonsla skyods, khoŋ nyampo risila taŋ Akuila yodpin. Tuziŋŋi naŋŋa chesaŋ ſjunla Konchogga khachad dzadte yodkhanboe zhaste Paului Kencrea zerse naŋŋa khoranji ſa dags.

<sup>19</sup>Khongun ephesasla lebbacig Paului, Akuila taŋ risila tshoe thama bors yaŋ khoŋ Yahudape dukhanji skyodte Yahudapagun nyampo sunrabssi skorla dosdur dzads. <sup>20</sup>Khongunni Paulua taruŋ maŋŋa zhugs zerte zhuwa phulspa, khoŋ mazhugs. <sup>21</sup>Innaŋ khoŋ dukhanje biŋte skyod zane mols, "Kaltes Konchoggi thuggoŋs yodna ja khyozhagu yodsa yanjskar yonin." Tene khon tuziŋŋa zhonna dzadte ephesasne skyods. <sup>22</sup>Tshoe thame gyalsa Kesarria lebbacig, khoŋ Yerushalemma skyodte, teru yodkhanni tadpacangunla thug. Tene Antiyog gyalsa chogsla skyods.

<sup>23</sup>Antiyoga tusbanshig zhugste stiŋne, khoŋ galatiya taŋ Phrigeya gyalkhaggi yul tshaŋmala skyodte, lobtugsgunni tadpa stanpo coa dzads.

<sup>24</sup>Tenna tusla alegzanderpa Apolos zerkhanni Yahudapazhig, ephesasla leb, kho gyalla silkhān spera taŋŋa khaspa yaŋ khoa Yahudape sunrabssi naŋŋa hago tharkhyel yodpin. <sup>25</sup>Khoa Tssoe tharpe lammi skorla labzhaa thobte semsshugs taŋ stobs chenmo nyampo Yeshui skorla shadkhangun denba inpin, innaŋ khoa Yohananni salkhanni thus cigpoe skor mane gyusmedpin. <sup>26</sup>Khoe dukhanji naŋŋa Konchoggi ka ma stobsshugs nyampo shadces gozugs. Risila taŋ Akuila, Apolossi

chosshadkhanbo tshorracig, khongunni kho azamshiggaa khyerte Konchoggi tharpe lammi skor garpo taŋ manŋa salpo coste hagocugs.

<sup>27</sup> Apolossi Akaya skyodcessi dodpa sŋon cugspa teru yodkhanni tadpacangunni khoa chacesla spospa taŋste Akaya yodkhanni lobtugsgunla Apolosla gasus zhucesla ige Griis. Teru lebbacig, Tsooe thugrje gyudte tadpa khyoŋskhangunla khon ma phanthogscan gyur. <sup>28</sup> Khoŋnji mimaŋssi dunla Yahudapagunla, Yesu ni Konchoggi Idamma dzakhanni Mashika inkhanbo dampe suŋrabs gyudte stanic, khongunla phamskalladpin.

### Ephesassi naŋja Paulu.

19:1 ne 22

**19** <sup>1</sup> Apolos Korinthi gyalse naŋja yod zane, Paulu Asia yuljonssi naŋkuggi lamgum gyudte ephesasla leb, teru khonŋa lobtugs khacig thug. <sup>2</sup> Paului khongunla tis, "Khyozhe tadpa coacig khyozheka dampe thugnyid babssa?"

Khongunni lantaŋs, "Dazhaa mathoble, ŋazhaa dampe thugnyiddi skorla tshor khoraj matshorle."

<sup>3</sup> Tene Paului tis, "Khyozhagunni kazug thusshig lenpin."

Khongunni lantaŋs, "Yohananni thus."

<sup>4</sup> Paului mols, "Yohananni thussalkhanbo ni gyodpa cocessi phia innog, khonŋi migunla, khonŋi stiŋne skyodcescanboeka tadpa cocesla mols, kabu ni Yesu innog."

<sup>5</sup> Tebo tshore khongunni Tsoo Yeshui tshanni naŋja thuslens. <sup>6</sup> Paului khongunni goeka chag borracig, khon tshaŋmeka dampe thugnyid babs. Khongunni skad sosoe naŋja spera taŋs yan luŋstan shads. <sup>7</sup> Khongunni taŋska halam rcugnyis yodpin.

<sup>8</sup> Paulu Yahudape dukharŋi naŋja skyodte halam Izawa sum, ma hampa nyampo chosshadte Konchoggi gyalſiddi skorla nyankhangunni tadpa cocessi ma shesrbscan ḫosdur coa dzads. <sup>9</sup> Innaŋ khaciggi sems maskyonpo coste tadpa khyoŋcesla mathad, yan mimaŋssi dunla mashike lammika ɬulkhangunni skorla spera ŋanpa manpo zers. Teboephia Paului khongun borte lobtugsgun khonraŋ nyampo thidte khyers, yan teraŋas, lobjon cose nasse naŋja zhagtaŋ ḫosdur dzaddadpin. <sup>10</sup> Te ḫosdurri tshirkabo halam lo nyis tshagpa ɬulpa, Asia yuljonssi naŋja dugkhanni Yahudapa taŋ rispa gunla Tsooe ka tshor.

<sup>11</sup> Konchoggi Paulu gyudte ma halasshessi dzadpagun dzaddadpin. <sup>12</sup> Sperna Paului chag thugkhanni chagphis ya Koslag mi zumo yoŋkhangunni thugna zumo gyalces yan rdud zhugste yodkhangun biŋte chadpin.

<sup>13</sup> Døŋkhyerne døŋkhyerla rdud zhugskhangun phinjala chakhanni Yahudapa khaciggi Yeshui tshan kolte rdudgun phincessi stsondus coste zers, "Paului chosshadkhanni Tsoo Yeshui tshanni naŋja biŋte chacesla ŋe katanŋad."

<sup>14</sup> Yahudape lama uskyon Skeva zerkhanni butsha rdunkoe tezug coadpin.

<sup>15</sup> Innaŋ zhagshig rdudpoe khongunla zers, "Da Yesu shessad, yan Pauluan, innaŋ khyorangun su in." <sup>16</sup> Tene te rdud zhugskhangi mibo khorgunnika lcebs,

Khongunni saj shedchea sonje khongunla şanṭe rdunspa khongun thag birjin ljernyalla te khanjpane shor.

<sup>17</sup> Te nastshulbo ephesassi nañja yodkhanni Yahudapa tañ rispa gunla gyuschacig, khongunni Tsoo Yesui jigssi nañja, khonji tshanla stsiwa tagpo tarjs. <sup>18</sup> Tadpa khyonkhanni mi manpo yönste ranranjni las ḷanpagun mitshanyme dunla shadte gyodpa cos. <sup>19</sup> Yan jadu cokhangunni ranji ḷanpa jadui spechagun khyonste mitshanyme dunla mea tugs, te spechagunni rintshadpo stsispa, mulli gyirmo stor ḷabcu birj. <sup>20</sup> Teboe zhaste Tsooe ka karunsa phel yan ḷasbu tagpo smin.

<sup>21</sup> Te tshanyme cunste stiñne Paului Makedoniya tañ Akaya yulgun gyudte Yerushalemma chacesla thagcads, yañ khonji mols, "Teru dugste stiñne ḷa Rommaj chagos." <sup>22</sup> Paului khonji topa Timothi tañ Erastus gun Makedoniya lamcugs yañ khonjan Asia nañja tusbanshig zhugs.

### **Ephesassi nañja hilijs birj.**

**19:23 ne 41**

<sup>23</sup> Tenna tusla ephesassi nañja mashike lammika ḫulkhanni gyabgalla ma hilijs şante phirjs. <sup>24</sup> Demeṭrius zerkhanni sergar kaboe Artimis chodkhanjni zogun mulla coste tsonjadpin. Khoe tshoñbo gyalla ḫulpa, lasmi zopa manpozhig lassi phia borte yodpin. <sup>25</sup> Khoe rañji topa zopa tshanyme yañ tshor tarj delte yodkhanni migun bodte zers, "Lascedpa ṭopagun, i laspo gyudte ḷadanja yongo mañpo yodkhanbo khyozhagunla gyusinnog. <sup>26</sup> Innañ khyozhagunni thonjin yañ tshorin innog, te mi Paului ephesas matshad Asiae yul ganpoe nañja mi lagpane coskhanni skundagun denbe Konchog manog zerte mi manpoa khoe shadkhanboeka tadpa khyoncugs." <sup>27</sup> Khoe tarunjan zers "Migunni ḷadanji zolaspoa kuspa cocespo pharcessi jigspe matshad, jigspe Artimissi lamoe chodkhanjni skorlaj spera stsogpogun zerin. Yañ i yul ganpo manpa, jigesten ganpoe nañja i lamboa colkhangunnian khorjia Konchog tsogsla stsiwa mitan."

<sup>28</sup> Te tshanyme tshorracig zolaspagunla maşanṭe şo yönste kuco tarjin zers, "Ephesaspe lamo Artimis ma jigspe in." <sup>29</sup> Thonjin thonjin tañ gyalsa ganpoe nañja naslug stsogpo son, migunni Makedoniypa Paului bessi topa Gayus tar Aristarkus zumste ḫudin migun dzomsse nassa khyers. <sup>30</sup> Pauluan mitshogssi ḫoa skyodnyin yodpin, innan lobtugsgunni gagste skyod macugs. <sup>31</sup> Yañ te gyalkhaggi sponbo, Paului dzao khaciggian khorjia mitshogs dzomssa maskyod zerte zhuwa phulin lon kals.

<sup>32</sup> Mitshogssi nañja hilijs chenmo birj, mi sosoe spera soso zerin kuco tarjjadpin, yañ mançheaboa khongun teru ciphia yönste inkhanboan gyus medpin. <sup>33</sup> Te naslugpo hagocugesla Yahudapagunni alegzander mitshogssi dunla rils. Khoe migunla cubcadcesla stags coste spera zercessi stsondus cos. <sup>34</sup> Innañ migunni kho Yahudapa, Artimisla mastsikhan inkhanbo shessacig, mitshanyme cig sonje chutshod nyis zam kuco tarjin zers, "Ephesaspe lamo Artimis jigspe in."

<sup>35</sup> Innar gyalse sponboboe, mitshogspoa cubcadcugnyan yan zers, "Ephesaspagun, ephesassi gyalsaa, lamo Artimissi chokhañ tan namkhane babskhanni khouñji skundaiña şunjhan inkhanbo tshanjmaa gusinnog. <sup>36</sup> Te denbagunla suzhiggian gyabgal cominyancespoe, khyozhaa tshanjma cubcadte dugshig yan ringyogssi nañja samba medkhanni las macoshig. <sup>37</sup> Khyozhe zumste ika khyonkhangunni ńati lamo dadlog ma costog ya khouñji chokhañ ma comstog."

<sup>38</sup> "Kaltes sergar Demetrius tan khoe ńopa zopagunni khongunni thims cagstog sammadna, thimskhuñ pheste thimspongun yodte innog, teru khongunni gyabgalla shags tarjancies innog. <sup>39</sup> Kaltes khyozhagunla khongunni gyabgalla zhanyan skyonrjod yodna tegunnaj te thimspongunni thagcad nyances innog. <sup>40</sup> Diriñ curjhan tshanjme stijne Rompe wañşulpe ńadañja hiliñs biñcugcesla nyadgal kalcessi jigspe innog. I hiliñs phircespoe phia cañ gyuntshan gyallazhig medpa ńadanji ci lantanjin." <sup>41</sup> Tezug zerte stijne khoe te mitshogspo sholcugs.

### **Paulu Makedoniya, ris tan ńoesla skyods.**

#### **20:1 ne 6**

**20** <sup>1</sup> Hiliñs tshanjma medkhan chacig, Paului lobtugsgun boda dzadte khongunla spospa sals, yan stinjuggi ju molte khor Makedoniya skyods. <sup>2</sup> Bessi tusla khor lebsse nassagunni nañja tadpacangunla spospa salin skyods, rissi yuljonsla lebste stijne <sup>3</sup>teru khor Izawa sum zhugs. Khor ńuziñji nañja Siriya skyodcessi ćaldig coa zane, Yahudapagunni khor sadcessi cusjan İdiñskhanbo tshorpa, khouñji logste Makedoniya gyudte chacesla thagcads. <sup>4</sup> Khor nyampo Bereane Pirri butshaa Sopater, Thesalonikane Aristarkus tan Sekundus, Derbene Gayus, Asiae yuljonsne Tikhikus tan Trophimus yan Timothi gun chaces yodpin. <sup>5</sup> Khongun Paului sañ sjunla sorje toes gyalse nañja ńazhe phia şurjste dugs. <sup>6</sup> Skyur medkhanni tagi tuschenni stijne ńazhagun Philipine ńuziñja zhonte sorjin, yan zhag şje stijne toes gyalsaa lebste zhanma ńopagun thug, ńazhaa teru zhagpo rdun dugspin.

### **Paului khyogtoñzhig sontea lañja dzads.**

#### **20:7 ne 12**

<sup>7</sup> Zanyime zhagga, Tsooe dontaj zacesla ńazhaa teru yodkhanni chostshogs nyampo dzoms, stijmazhagpo Paulu chaces inpa khor tshanphed tshagpa chosshadin zhugs. <sup>8</sup> Stanthogga ńazhagun dzomste yodkhanni nañboe nañja od manjo tugste yodpin. <sup>9</sup> Khongunni ńoa Eutikus zerkhanni khyogtoñzhig karkhunñika dugste yodpin, Paului gorgor tshagpa ńosdur dzadcespoe khoa nyid lciñte yoñs, yan thogtshad sumne thurla budte shi. <sup>10</sup> Paulu yogga skyodte khyogtoñboe zugspoа thilte, "Jig majigshig, khor sonde innog" mols. <sup>11</sup> Tene Paulu khethogga logste skyodte donkyir cagte tshanjma dzomste zos, yan namlans tshagpa ńosdur dzads, tene khor tekane skyods. <sup>12</sup> Khongunni te butshabo sontea khoe khanja khyernyanpa khongunla zhide thob.

## Paului ephesaspe uskyoñgunla stiñjuggi ju zhus.

20:13 ne 38

<sup>13</sup> Paulu Asos donkhyerla zhabdulla skyodces yan ńazhaa teru ńuzinji nańja sonje khor nyampo dzomcesla khonji thabldijs. <sup>14</sup> Asosla khor ńazhagun nyampo thuggacig, ńazhe khor ńuzinji skyonte Mitilene donkhyerla sonpin. <sup>15</sup> Thorezugpo tekane ńuzinji zhonte ńazhagun Kius tsholinji leb, yan stiñmazhagpo Samos tsholinji leb. Te san stiñmazhagpo ńazhagun Militus donkhyerla leb. <sup>16</sup> Paulu ephesassi nańja dugga madzads, ciazerna Asiae nańja zhugste tus godla matanji tsam thubnyannań Yerushalemma gyogspa skyodcessi dodpa dzads. Kaltes nyanna pentikossi tuschenni zhagtshagpa teru lebcesla thaddadpin.

<sup>17</sup> Militusne Paului ephesassi chostshogssi uskyoñgunla khorńja thuggala yor molte ion kals. <sup>18</sup> Uskyoñgun lebbacig, Paului khorńgunla mols, "Asia nańja gomarań lebbi zhagne dagsa tshagpa ne khyozhagun nyampo mitshe kazugshigga phuds, khyozhagunla gyusinnog. <sup>19</sup> Da Yahudapagunni cusjan manjoe donlen cogosnań, ne ńaranji mitshee nańja ma nyamshun tań chima nyampo Tsooe zhabstog zhispin. <sup>20</sup> Khyozhe khanpe nańja inđo ya philogga mimajssi dunla khyozhagunla phanthogscanni labzha tarcesla ne thetshoms mane macospin. <sup>21</sup> Konchoggi skundunla shagspa zumste ńadanji Tsoo Yesuika tadpa khyongoshessi spanpo ne Yahudapa tań rispa gunla tarspin."

<sup>22</sup> "Ta dampe thugnyiddi ne sems thidte khyerra dzadcespoe na Yerushalemma chagos. Da gyusmed teru na nyampo ci chen. <sup>23</sup> Da gyusyod, dampe thugnyiddi gyalsa tshanme nańja ne phia tson tań rdugnjal gun şunjste yodkhanboe spanpudda dzaddad. <sup>24</sup> Kaltes Konchoggi thugrje skorri gamoe nastshul shadcessi khag kabu Tsoo Yeshui naa stadda dzads, tebo ńubcug mathubna ne şogpo ne phia rinmed in."

<sup>25</sup> "Dagsa tshagpa ne khyozhagunla Konchoggi gyalşiddi skorla shadpin, innan na gyusyod tanepharla khyozhe ńone suzhiggian na yanşkyar mane mi thor. <sup>26</sup> Dirin ne khyozhagunla zerrad, suzhig tadpa medpa shite Konchoggi thamedkhanni chadpa phogna tebo ne skyon man, <sup>27</sup> ciazerna ne khyozhagunla thetshoms medpa Konchoggi ńadanunni phia dzadkhanni thabldijs tshanme skorla spanpo tarspin. <sup>28</sup> Khyozharan tań Konchoggi lug tshanma skyobte borshig, kaboeka khyozhagun dampe thugnyiddi uskyoñja Idamma dzadte in, Tsooe ranji skuthag shalla dzadte nyoa dzadkhanni chostshogspoa lugsdzi tsogsla stastog coshig. <sup>29</sup> Da sonje stiñne khyozhagunni ńoa nodpa skyalkhanni shañkugun yońste chostshogssi nańja nodpa skyalcespo na gyusyod. <sup>30</sup> Khyozharanji ńone Konchoggi denbe lonbo gyurte zun tarjkhangun binste mashike lobtugsgun khoranġunni gyabne thidte khyercessi stsonduś coin. <sup>31</sup> Shar coshig, khyozhagun nyampo lo sum yod zane, tshannin medpa ne chima nyampo khyozhagunla Konchoggi lammi kane thagrinji michacesla tusgyun spanpudkhanbo idtu coshig."

<sup>32</sup> "Ta ne Konchog tań khonji thugrje skorri lonbo khyozhagunni lagga staddad, te lonboe khyozhagun tadpe nańja ldan cugga dzadces, yan dampa dzadkhan

tshajme ṫoa khyozhagunla norskal salla dzadnyanin.<sup>33</sup> Zhanme ser ya mul ya Koslaggi dopda ne macospin.<sup>34</sup> De rənji lagpa badte ḫarən tən ne ṭopagunni ghosdom dənda coskhanbo khyozhha gyusinnog.<sup>35</sup> De cokhan tshajme nañja khyozhagunla stsondus nyampo las coste ḫadangunni nyamshungunla rogs cogoshespo stanpin. Ḫadangunni Tsoo Yeshui molkhanbo idtua borshig, 'Lencessi san tancespo mañja cinlabscan in'.<sup>36</sup>

<sup>36</sup> Te zhaltagun molte stiñne Paului tshajma nyampo pigdon tsugste moslam zhus.<sup>37</sup> Khoj tshajme Paulua thilin phugtanin stinjuggi ju zhuin ȳus.<sup>38</sup> Khojgunni phia tshajme san tsherkha chenmobo ni Paului tanepharla khongunni khoj yañskyar mithor molcespo inpin. Tene khoj tshajma ȳuziñ tshagpa Paulu skyalla son.

### Paulu Yerushalemma skyods.

#### 21:1 ne 16

**21** <sup>1</sup> Ephesaspe uskyongunla stinjuggi ju zerte ȳazhaa ȳuziñna nañja Kos tsholiñna khadəñna sonpin. Stiñmazhagpo Rodus tsholiñna leb, yan testiñne Patara ḫonkhyerla. <sup>2</sup> Teru ȳazhaunla Phonishia yuljonsla chakhanni ȳuziñzhig thobpa ȳazhaa tenarja zhonte sorpin. <sup>3</sup> ȳuziñni kane ȳazhe Kibrus tsholiñ thor yan ȳazhaa te tsholiñ yoma chogsla borte Siriya chogsla sonpin. Tayir gyalsa calag phabgoshes yodpa ȳuziñbo teru bors. <sup>4</sup> Dazhan ȳuziñne babste tadpacangun tsalpa thobte khongun nyampo zhagpo rdun dugspin. Dampe thugnyid gyudte khongunni Paulua Yerushalemma miskyodcesla zhuwa phuls. <sup>5</sup> Zhagma rdunni stiñne ȳazhaa ȳuziñna zhonna chacig, nama tan ȳugu theste chostshogs ganpo gyalsane biñte ȳazhaa lamcuggala gyatshoe thama tshagpa yorj. Teka ȳazhaa tshajme pigdon tsugste moslam zhupin. <sup>6</sup> Khongunla stinjuggi ju zhuste ȳazhagun ȳuziñna zhons, yan khongun ranranjni khanja logste son.

<sup>7</sup> Tayirne ȳazhaa Petoleais gyalsa leb, teru Mashikape spungunla thugga sonje khongun nyampo zhagcig dugspin. <sup>8</sup> Stiñmazhagpo tekane biñte ȳazhagun Kesarria gyalsa leb, teru gamoe nastshul shadkhan, Philibbi khanja ȳazhaa dugspin, kho Yerushalemmi nañja chostshogsla zhabstog zhuala Idamskhan rdunni tone cig inpin. <sup>9</sup> Nama macokhanni bumo zhi khoa yodpin, kagunla lunstan shadcessi khyud thobte yodpin.

<sup>10</sup> Dazhaa teru dugste zhag khacig chacig, Yahudane Agabas zerkhanni lunstonpazhig skyods. <sup>11</sup> Dazhe dunla skyodte Paului skyeragpo nyampo khoranji karlaggun Idamste lunstan sals, "Dampe thugnyiddi moldug, Yerushalemmi nañja Yahudape uskyongunni i skyeraggi dagpobo itsogsla Idamste Yahudapa mankhangunni lagga stadin."

<sup>12</sup> Tebo tshorracig, ȳazhaa tan teru yodkhanni migunni Paulua juju Yerushalemma maskyod zhuste zhuwa phulpin. <sup>13</sup> Innaq Paului mols, "Khyozhaa cia ȳuin, ne sems chagcuggad? Da Yerushalemmi nañja Tsoo Yeshui tshanni phia lcagħthaga Idamces matshad shiceslan daldig in." <sup>14</sup> Dazhe zhuwagun khonji minyances hagoacig, ȳazhe zhuwa phulces phanjste zers, "Tsooe thuggojx dubshig."

<sup>15</sup> Te stijnne nazhe bessi phia ɏaldig coste Yerushalem chogsla chaces gozug.  
<sup>16</sup> Kesarria yodkhanni lobtugs khaciggaj nazhaa nyampo yonjs. Khongunni nazhaa Kibruspa Mannasonni khanja duggala khyers, kho tus maŋpoe sjunla Yeshui lobtugs gyurte inpin.

### **Paulu Yerushalemma skyods.**

**21:17 ne 26**

<sup>17</sup> Dazhagun Yerushalemma lebbacig, Mashikape spungunni ma thadpo nyampo gasus zhus. <sup>18</sup> Thorezugpo Paulu tarj nazhagun Yakobba thugga sorjin, teru chostshogssi uskyon tshajma dzomste dugpin. <sup>19</sup> Paului kholj tshajmala ju zhuste Konchoggi kholj gyudte Yahudapa mankhangunni toa chaglas dzadkhangunni skor khongunla zhibsal shadda dzads.

<sup>20</sup> Tegun tshorracig khongunni Konchogga stodpa phuls, tene Paulua mols, "Cespe spun Itossan, Yahudapa storj maŋpozhiggi tadpa khyonjs, yan kholj tshajme Mozessi kathimsguna snyijŋji thilne cespa corug. <sup>21</sup> Khongunni, nyeranji Yahudapa mankhangunni toa dugkhanni Yahudapa tshajmala Mozessi thimsgun mišunçes yan butshagunla sunnad micoces ya Yahudape lugşolgun khaa minyances gun labdig zerte tshortog. <sup>22</sup> Ta ḥadangunni ci coin? Nyeranji iru skyodkhanbo khongunni tshordes tantan innog. <sup>23</sup> Dazhe sammarag nyeranji ibo cogos. Ika nazhaa nyampo Konchoggi dunla damcha cokhanni mi zhi yod. <sup>24</sup> Nyeranji khongun nyampo chodkhanja skyodte stsajma cocessi lugşolli naŋja thus, yan goril coste şa dagscessi rin ran matshad khongunni phian shol. Tene nyeranji gyabgalla zerkhangan denba mankhan yan nyeranji Yahudape kathimsgun sundug zerte tshajmala gyuschen. <sup>25</sup> Tadpacanni Yahudape mankhangunla nazhe thagcaddi skorla ige Griiste kalpin. Te igeboe naŋja skundagunla chodpa phulkhangun, thag yodkhan ya skyekyigste sadkhanni sha zaa magos, yan lusđel ḥanpagunne thagriŋ duggos zerte Griiste yod."

<sup>26</sup> Stijnmazhagga Paulu tarj te migunni lugşol naŋzhinla stsajma coste stijnne Paulu khongun nyampo chodkhanji naŋja skyodte stsajma coces tsharte khongunni ḥanraŋji phia chodpa phulnyancesi zhagpo lamagunla shadda dzads.

### **Paulu zums.**

**21:27 ne 36**

<sup>27</sup> Stsajma cocessi zhag rdun tshajkis yod zane Paulu chodkhanja thorjkhanni Asiape Yahudapa khaciggi mimarssi naŋja hiliŋ phinste kholj zums. <sup>28</sup> Te Asiapagunni kuco tarjste zers, "Israelpagun nazhaa rogs cos. Inna miboe karunsa tshajmala ḥadangun, ḥadanji kathims tarj i chodkhanji gyabgalla labzha tances, matshad Yahudapa mankhangun ḥadanji chodkhanja khyonste i dampe nassabo tshitu cos." <sup>29</sup> (Khongunni sjunla gyalse naŋja Paulu ephesaspa Trophimus Yahudapa mankhanbo nyampo thorjte, khoe tantan i mibo chodkhanja khyerte yoddjo sam pasaŋ tezug zers).

<sup>30</sup> Tene gyalsa gañpoe nañja hiliñs zhugs, yan mitshañma gyugste yonste dzoms. Khongunni Paulu zumste chodkhanñji nañne ñudin philogga khyerte, tennamalla chodkhanñji ghogun cugs. <sup>31</sup> Khongunni Paulu sadces coin yod zane, Rommi magstonñji sponboa gyalsa gañpoe nañja hiliñs biñtig zerte tshor. <sup>32</sup> Kho tennamalla magmi tañ gyaspon gun thidte mitshogs yodsa gyugste soñ. Te magstonñji sponbo tañ magmigun yonja thonje, mitshogssi Paulua rduñces ban cos.

<sup>33</sup> Magstonñji sponbo Paului dunla yoñs, yan khor zumste Icagthag nyis nyampo Idamcesla ka tañs. Yan khoe i mibo su innog ci skyon costog? Zerte tñs.

<sup>34</sup> Mitshogssi nañne khaciggi spera cig yan khaciggi yañspera cig zers. Hiliñssi zhaste magstonñji sponboa denba gañpo hago mathubpa, Paulu magmi kile nañja khyer zerte ka tañs. <sup>35</sup> Paulu šeskeka lebbacig, mitshogsla şo maşanþe yonja thonje magnigunni khor khurte khyers. <sup>36</sup> Paului gyabne yonjkhanni mimanßsi kuco tañin, "Kho sod, kho sod" zers.

### Paului mitshogsla spera sals.

21:37 ne 22:30

<sup>37</sup> Paulu kile nañkugga khyerin yod zane khonjji magstonñji sponboa mols, "De nyerañña sperazhig zerna ñigga?"

Magstonñji sponboe Paulua tñs, "Khyoranñja rissi skad shessadda?

<sup>38</sup> Tusbanshiggi sruñla Rommi gyalpoa ñolog coste stanshig storzhii ristonja thidte khyerkhani Ijibpabo khoraj manna?"

<sup>39</sup> Paului mols, "Man, ja Yahudape kilikiye yuljonssi ma khagcan gyalsa tarsassi yulmizhig in. Juju ja i migunla spera zercessi goñspa sal."

<sup>40</sup> Magsponne goñspa thobste khorjji šeskeka lañste mitshogsla cubcadcesla lagpa nyampo stags cos. Mitshogs cubcaddacig, khorjji ibripe skaddi nañja molces gozug.

**22** <sup>1</sup> "Yahudape spun tañ uskyor gun, ñaa skyonkalkhangunla ñe lantançescanbo nyonshig." <sup>2</sup> Mitshogssi khorjji ibripe skaddi nañja molla tshorracig, khonjgun mañja cubcadcsa.

Tene Paului mols, <sup>3</sup> "Da Kilikila yuljonssi tarsas gyalsa skyeskhanñi Yahudapazhig in, innar inna gyalse nañja lobbon Gamalielne ñaa lobjon thobte in. Khorjji lobtugs inpa ja Yahudape chosthims tañ lugssol gun şunjcessi lobjoñ gyalla thob. Konchoggaga ñe snyinjñi thilne cespa coskhanbo laglenla khyorspin, kazug diriñ khyozhaa tshanme coin innog. <sup>4</sup> De mashike lammika ñulkhangunla nags şanþe stanpin yan khacig shian shi. Butsha inðo ya bumo ñe tshanma zumste tsonkhanñja kagspin. <sup>5</sup> Teboe sparjo lama chenmo tañ tshogsdui uskyor tshanma in. Khongunni chogsne Dameskhassi tshogsdui las cokhan topagunla, ñaa wañcha tankhanni ige khurte, mashikeka tadpa cokhangun tagste Yerushalemma chadpa cadcesla khyoncessi phia sonpin."

<sup>6</sup> "Nyirgun zamshigga, ḥaa Dameskhassi nyemoa lebbacig, hunmedia namkhane oddi zer taqpozhig babste ḥaa skor taqs. <sup>7</sup> Da seka gyel, yaŋ ḥaa sunskadcig tshor, 'Saul! Saul! Khyoranji ḥaa cia nags stannad'."

<sup>8</sup> "De ḥispin, 'Tsoo nyeraj su zhugste in'."

"Khoŋnji mollarag, 'Da khyoranji nags stankhan Natsaredpa Yeshu in.' <sup>9</sup> De ṭopagunni te odpo thon, innan khoŋgunni ḥaa molkhanni skadpo hamago."

<sup>10</sup> "De ḥispin, 'Kye Tssoo ḥee ci co'."

"Tssoe ḥaa mollarag, 'Loŋs, Dameskhasla soŋ, teru khyoranja ci cogoshe tshaŋma shadin.' <sup>11</sup> De ṭopagunni ḥaa lagpa thamste Dameskhasla thidte khyers ciazerna oddi Idaŋs taqpoe, ḥee migpo zhar cugs."

<sup>12</sup> "Teru ananiyas zhukhanni mizhig ḥaa stala yoŋs. Khor Konchoggi scodlammika ḫulkhan taŋ kathimsgun ṣuŋkhan, yaŋ teru dugkhanni Yahudapagunni khoŋnja ma stsiwa coadpin. <sup>13</sup> Khor ḥee dunla yoŋste mollarag, 'Spun saul, khyoranja yaŋskyar thoŋshig,' tennamalla ḥaa khor thoŋthub."

<sup>14</sup> "Tene khoŋnji mols, 'Dadaŋji phamespoe Konchoggi khyoranja khoŋnji thuggoŋs shesshes, taŋpo inkhanbo jalces taŋ khoŋnji zhalta tshoresla Idamma dzadte in. <sup>15</sup> Khyoranji tshaŋmala khyoranja thoŋkhan taŋ tshorkhan gunni spanpo tarjin. <sup>16</sup> Ta ciphia ṣuŋste in, lajste thuslen yaŋ ranji sdigpagun selcesla Tssoo Yeshua moslam zhus'."

<sup>17</sup> "Da Yerushalemma logste yoŋste stiŋne chokhānji naŋja moslam zhu zane, ḥee zhalzigsshig thor. <sup>18</sup> Tenanja Tssoe ḥaa mollarag, 'Gyogspa cos, Yerushalemne dagsaran biŋte soŋ, ciazerna khyoranji ḥee skorla spanpo taŋcespoe i migunni minyan'."

<sup>19</sup> "De Tssooa zerpin, 'Kye Tssoo ḥee dukhan tshaŋme naŋne nyeranja tadpa cokhangun zumste tsonla kagste rduŋkhanbo i migunla gyusyod. <sup>20</sup> Yaŋ nyeranji spanpo tarjhan Stephan sad zane ḥajar teru khor sadkhangunni Koslagun ṣuŋin khoŋgunni cokhanni laspoe naŋja ḥajar khachamste in'"

<sup>21</sup> "Tene Tssoe ḥaa mols, 'Soŋ ḥee khyoran thagrīnja Yahudapa mankhangunni ḥoa kalin'."

<sup>22</sup> Te sperabo zerzer tshagpa mitshogs ganpo Paului zhaltagun zhibca nyampo nyante dugs. Tebo tshoracig, khongunni kuco tarjin zers, "I mibo jigstenni kane medkhan cos. Kho sonte dugcessi ospa midug."

<sup>23</sup> Migunni chadmedia kuco tarjin ranraŋnji khethoggi Kosgun phudte phaŋs, yaŋ lagpe naŋja thalba khurte yogs.

### **Paulu Rompa inkhan sŋoncugs.**

**22:24 ne 30**

<sup>24</sup> Magstonji sponboe Paulu kile naŋja khyercesla ka taqs, yaŋ stallcag gyabte migunni ciphia khoe gyabgalla kuco tarjste innog tebo gyus cocesla zers. <sup>25</sup> Stallcag gyabcesla khoŋgunni Paului kaŋlag ciŋjacig, dunla yodkhanni magmigye sponbozhigga Paului mols, "Rompazhigga khoe skyon gyus macoa stallcag gyabcespo ospa innogga?"

<sup>26</sup> Tebo tshorracig, kho magstonji sponboeka sonje zers, "Nyeranji ci dzadte in? I mibo Rompa innog."

<sup>27</sup> Magstonji sponbo yonste Paulua tis, "Daa shoddan, khyoran Rompa inna?"  
Khojni mols, "Da in."

<sup>28</sup> Magstonji sponboe zers, "Pene marpo tanste mane ɳaa Rompa magyur."  
Paului mols, "Da skyes zane Rompa in."

<sup>29</sup> Paulua tiso tancesla dugste yodkhangun, tennamalla biŋte soj. Rompa inkhanni Paulu Icagthagga tagcesla ka tancespo norte inkhan hagoacig, magstonji sponbo ʂante jigs.

<sup>30</sup> Stijmazhagpo magstonji sponboe Yahudapagunni Paulua skyon cia kalte innog gyus cocesla Yahudape tshogsdui thusmigun tan lama uskyonqun bodte khyojs. Tene khoe Paulu khyoŋcugste khorqunni dunla lajste dugcugs.

### **Yahudape tshogsdui naŋja Paului sparjo.**

#### **23:1 ne 11**

**23** <sup>1</sup> Paului Yahudape tshogsdui thusmigunla zigste mols, "Yahudape spungun, dirij tshagpa ɳe Konchoggi skundunla sems lagmo nyampo mitshe phudpin."

<sup>2</sup> Tebo tshorracig, lama chenmo ananiyassi Paului dunla lajste yodkhanni migunla khorqna ɬamlcags ton zers. <sup>3</sup> Tene Paului khoa mols, "Khachospa, kartsi skuskhanni stsiga, iboe lan khyoranja Konchoggi salin. Kathims nanzhin ɳaa thimscaddala khyoran teka dugste manna, khyoranji ɳa rduŋcesla ka tanste kathimspo cagdug."

<sup>4</sup> Paului dunla yodkhangunni khorqna zers, "Khyoranji Konchoggi lama chenmoa ɳanpa zercessi hampa coadaa."

<sup>5</sup> Paului lansals, "Yahudape spungun ɳa khor lama chenmo inkhanbo gyus medpin. Surrabssi naŋja 'Khyozhe khyozharanji waŋsulpa ɳanpa zer magos' dia dzadte dug!"

<sup>6</sup> Paulua tshogsdui naŋja khacig saddukipa yan khacig pharushipa inkhanbo gyusyodpin. Khorqni kuco salte mols, "Yahudape spungun, ɳa pharushipa in, yan ɳe abarj. De shikhangun sontea lajcessi naŋja rewa borcespoe ɳa ika thimscaddala khyoŋste innog."

<sup>7</sup> Tegun mollacig, pharushipa tan saddukipa mimanssi naŋja zerzer ʂante soj, yan tshogsdui naŋja khagnyi bud <sup>8</sup> (Pharushipagunni shikhangun sontea lajces, phonya tan semsnyid gun yodkyag zerranog, innaŋ saddukipagunni tegunnika tadpa coa manog) <sup>9</sup> tshogsdui naŋja hilijs ʂante zhugs, yan pharushipe chosthimsla khaspe mi khacig lajste saddukipagunni gyabgal ʂante coste zers, "Dazhaa i miboe naŋja caŋ skyon mathob, kaltes phonyazhig ya semsnyid ciggi khorqna spera tanste yodna ci soj." <sup>10</sup> Dzijmo ma stsgopo sonpa, magstonji sponboe tegunni Paulu tshedtshed cos mitaŋja samste jigs. Khoe magmigunla yogga soj, yan waŋ tanste tshogsdui ʈone Paulu skyobste kile naŋja khyer

<sup>j</sup>23:5 biŋte chakhanni speche 22:28

zerte ka tańs.<sup>11</sup> Tenna tshanla Tssoo Yeshu Paului dunla jaite mols, "Hampa cos, Yerushalemmi nañja ñe phia sparjo tañkhan tsogsla khyoranji Rommi gyalse nañjan ñe phia sparjo tangos."

### **Paulu sadcessi cusjan Idijs.**

#### **23:12 ne 22**

<sup>12</sup> Stiñmazhagpo ñatogne Yahudapagun cusjan Idiñcesla dzoms yañ naa khurte namtshogpa Paulu misad tetetshogpa khonjgunni mizaa ya mithuñ zers. <sup>13</sup> Te cusjanboe nañja halam mi zhíbcu sañ manjña thus. <sup>14</sup> Khonjgun lama chenmo tanj Yahudape uskyon gun yodsa sonje zers, "Namtshogpa Paulu sad misad tetetshogpa ñazhe cañ miza zerte Konchoggi skundunla naa şanñe khurte in. <sup>15</sup> Ta nyerañ tanj Yahudape tshogsdui, magstonji sponboa Paului shagspoe yanşkyar sñonni sañ gyalla coste stsarcod tancesla kho nyehzaa yodsa khyon mol. Dazhe kho lambarla sadin."

<sup>16</sup> Innaj te cusjanbo Paului şijnmoe butsha tshorpa kho gyugste kile nañja sonje Paulua shads. <sup>17</sup> Tene Paului teka yodkhanni magmigye sponbozhigga bodte, "I khyogtoñbo magstonji sponboeka khyer, khoa spera khagcanzhig shadgoshes dug" mols. <sup>18</sup> Khoe te khyogtoñbo magstonji sponboeka khyerte zhus, "Tsonpa Paului ña bodte i khyogtoñbo nyerañjika khyer, zerraraq, ciazerna khoa nyerañja sperazhig shadces dug."

<sup>19</sup> Tene magstonji sponboe, khyogtoñbo lagpa thamste azamshigga khyerte tis, "Khyoranji ña ci shadcesyod?"

<sup>20</sup> Khoe zers, "Yahudapagunni skyon kolte Paului shagspoe sñonni sañ gyalla coste stsarcod tancesla thore khoñ tshogsdui dunla khyon zerte nyerañja zhuwa phulcesla khachams. <sup>21</sup> Khoñj zhuwabo nyanna madzad ciazerna Yahudapa zhíbcui sañ manjñazhig Paulua spungol cocesla şurste, namtshogpa khor misad tetetshogpa miza ya mithuñ zerte khongunni naa khurte dug. Khonj ðaldig coste nyerañji khoñj zhuwa laglenla khyoncesla şurste dug." <sup>22</sup> Magstonji sponboe khyogtoñ logste kalin ka tańs, "Khyoranji ña i lonbo khyonspin zerte suan mashad."

### **Paulu Kesarria kals.**

#### **23:23 ne 35**

<sup>23</sup> Tene khoe magmigye sponbo nyisla bodte zers, "Rai khurkhan nyibgya, sta zhonkhan rduncu tañ rduñ khurkhan nyibgye magmi gun dirij tshanni chutshod rgupeka Kesarria chacesla ðaldig cos. <sup>24</sup> Pauluan zhoncessla stazhig tonj yañ kho kalon Pheligssika khamzan lebcug." <sup>25</sup> Khoe i igeboañ kals,

<sup>26</sup> "Daa kloalias Lisiassi, stsiwacan kalon Pheligsia ju zhuad.

<sup>27</sup> I mibo Yahudapagunni zumste sadces dugpin, innaj kho Rompa inkhanbo gyuschacig, ña magmigun nyampo sonje kho skyobspin. <sup>28</sup> Khoeka ci nyadgal kaldoñ Itacesla ñe kho Yahudape tshogsdui dunla khyerpin. <sup>29</sup> Pauluika nyadgalbo khorangunni kathimssi skorla inkhanbo ña hago, innaj nyadgalbo,

kho tsonkhanja kagces ya sadcessi ospa midug.<sup>30</sup> Da i miboe gyabgalla cusjan ldiridug zerte gyuschacig, ne tennamalla kho nyeranji ka kalpin, yan khoa nyadgal kalkhangunlaq khoe gyabgalla zerkhangun nyeranjika sonje shod zerte ka tanjspin."

<sup>31</sup> Tene ka tanjhan narzhin magmigunni Paulu tshanla Antiptris gyalsal tshagpa khyers. <sup>32</sup> Stijnmazhago Paulu sta zhonkhan magmigunla stadte zhan magmigun logste kilaa soj. <sup>33</sup> Stapa magmigun Kesarria lebbacig, khongunni igebo kalonla tanjste Paulu khaa stads. <sup>34</sup> Kalonni igebo silte Paulua kayulne in zerte tis. Khoa khon Kilikilane inkhanbo gyuschacig, <sup>35</sup> khoe zers, "Khyoranja nyadgal kalkhangun lebbacig, ne khyoranji shagspo nyanin." Yan khoe Paulu heroddi kharri naanja borte magmi sunkhangan tancesla ka tanj.

### **Paulu tanj kalon Pheligs.**

**24:1 ne 27**

**24** <sup>1</sup>Zhagpo şne stijne lama chenmo ananiyas, uskyon khacig tan Tertullus zerkhanni wakyil nyampo kalon Pheligsika Paului gyabgalla nyadgal kalkhangun shadda yonj.

<sup>2</sup> Paulu khyoranjacig, wakyil Tertullussi Pauluika nyadkalin zers, "Kye sponbo Pheligs nyeranji wanji yoga, nazhe tus rijmozhig zhide nyos, yan nyeranji shesrabs gyudte i yulli naanja phanthogscanni gyurja manjo khyos. <sup>3</sup> Sponbo Pheligs, te tsharjme phia nazhe nyeranji thugrjeche zhuad. <sup>4</sup> Innar nyeranji tus rincanbo godla matajnja nazhe dorduste shadcescanbo sanna dzad.

<sup>5</sup> Dazhaa i mibo phasadphiñkhanzhig inkhan gyusson, khoe jigsten ganpoe naanja Yahudapagunni toa hiliñs phinjin dugdug, yan kho Natsaredpe yamtshan sdezhiggi goskyon innog. <sup>6</sup> Dazhe chodkhanjanj tshitu cocessi stsondus cospa nazhe kho zumspin. <sup>7</sup> <sup>k8</sup> Kaltes khoa stsarcod tanja nazhe khoeka kalkhanni skyon tsharjma tantan inkhanbo nyeranji hagoin. <sup>9</sup> Yahudapagunniq cig sonje Tertullussi skyon kalkhan tsharjma denba innog zers.

<sup>10</sup> Kalonni Paulua zercesda rdoa tanjacing, khoraji lantanjin mols, "Lo manpozhigne nyeraj i gyalkhamssi thimspon inkhanbo ja gyusyodpa ne qaran nojsmed inkhanni skor nyeranji dunla shadda thaddarag. <sup>11</sup> Zhag rcugnyissi sjunla, ja Yerushalemmi chodkhanjanj Konchoggaga colla sonkhanbo nyeranji lamo nyampo gyusconyances innog, <sup>12</sup> matshad neka nyadgal kalkhangunni ja chodkhanji naanja suzhig nyampo dzirimo tanjin ya dukhangun ya gyalse naanja mitshogssi toa hiliñs phinjin mathonja innog. <sup>13</sup> Khongunni neka kalkhanni nyadgalgun denba in zerte nyeranji stan mithub."

<sup>14</sup> "De mashike lammika qulte nazhe phamespogunni Konchoggaga colkhanbo denba yan lurstonpa tan kathimssi spechagunni naanja Griiste yodkhan tsharjmeka

---

**k24:7** sjunme rissi specha khaciggi naanja karpa 6 khacig, 7 ganpo yan 8 khacig Griiste yodte innog. Tebo ni "6 nazhe kho nazharanji chosthims nařzhin thimscad tanjste yodđo 7 innar magstorjni sponbo Lisias yonste i mibo nazhe lagne wan nyampo kogste khyers. 8 yan khoe nyadgalpagun nyeranji dunla yoncesla ka tanj."

tadpa coad, innar khongunni teboa mithunpe chos sde zerdug.<sup>15</sup> Khongunni nañja, Konchoggi mi tañpo tañ nyisko sontea lañja dzadcessi rewa yodkhanbo ñe nañjan yod.<sup>16</sup> Teboephia ñe mi tshañma tañ Konchoggi skundunla nañjanji sems lagmo borcessi stsondus coad."

<sup>17</sup> "Lo manpozhiggi stiñne, ña ñe yulpa nyalbacangunla rogssi pene khyorces tañ Konchogga chodpagun phulcesla Yerushalemma logste yoñspin.<sup>18</sup> Khongunni ña chodkhanji nañja thoñ zane ña ñazhe chossi kathims nañzhinla stsajma sonje inpin, yañ ñe ñekhorla mitshogs ya hiliñs medpin.<sup>19</sup> Innar teru Asiape Yahudapa khacig dugpin, kaltes ñe gyabgalla zerces yodna, tene khongun nyerañji dunla ña skyon kalla yoñgos.<sup>20</sup> Ika yodkhangunni, ña Yahudape tshogsdui dunla yod zane khongunla ñe nañja skyon thobkhangun shadgos.<sup>21</sup> 'De shikhangun sontea lançespoeka tadpa cospa, diriñ ñeka shags tañjada' zerte kuco tañcespo cígo ni, ñe skyon inpin."

<sup>22</sup> Tene mashike lammika dulkhangunni skorla gyalla gyusyodkhanni Pheligi, "Magstonji sponbo Lisias lebbacig, khyoranji shagspaa thagcad tanjin" zerte mitshogs sholcugs.<sup>23</sup> Khoe magmigye sponboa, Paulua sunkhan bor innar kharri nañ dulcessi ranwar ton yañ khonji ;topagunla khonji ghosdom khyorcesla ghag magos zerte ka tanjs.

<sup>24</sup> Zhag khaciggi stiñne, Pheligi ranñji nama ñrusilla nyampo yoñs, kho Yahudamazhig inpin. Pheligi Paulua bodkhan tañste Mashika Yeshui nañja tadpe skorla Paului kane nyans.<sup>25</sup> Paului las tañpo coces, ransems cunces tan yoncescanni Konchoggi thimscaddi skorla shadda dzadpa, Pheligi jigste zers, "Ta ñog, khyoran soñ, yañ zhagshig ña loñ yod zane ñe bodin."<sup>26</sup> Paului chogsne phagsubbi pene thobcessi rewa cospa khoe Paulua spera tançesla lan manpo bods.

<sup>27</sup> Lo nyissi stiñne, Pheligi tshabsla, Phestus Porkius zerkhanni mizhig kalonla skos. Pheligi Yahudapagunni chogsskyor gos pasan khoe Paulu tsonkhanji nañja bors.

### Paulu Phestus yodsa khyoñs.

#### 25:1 ne 12

**25** <sup>1</sup>Kesarrie gyalsa kalon Phestus lebste zhag summi stiñne kho Yerushalemma soñ.<sup>2</sup> Teru lama uskyongun tañ Yahudape uskyongun khoa thugga yoñste, Paului gyabgalla skyongun kals.<sup>3</sup> Paulua shagspaa Yerushalemma cocessi phia, khoñ teru kalcesla ka tanste katin cocesla khongunni Phestus zhuwa phuls (Khongunni sunjgol coste Paulu lambarla sadcessi cusjan Idijs).<sup>4</sup> Innar Phestussi lantañs, "Paulu kesarrie nañja borte yod, ña teru gyogspa logste chaces in.<sup>5</sup> Khyozhe uskyoñ khacig ña nyampo lamcug, kaltes khoe northul coste yodna tennaru khoe gyabgalla skyonrjod cos."

<sup>6</sup> Yerushalemme nañja khongun nyampo zhag gyad ya rcu dugste stiñne, Phestus Kesaria logste soñ. Lebste stiñmazhago thimskhuñji nañja thissika dugste khoe Paulu khyorcesla ka tanjs.<sup>7</sup> Paulu khyonjacing, Yerushalemne

yorskhanni Yahudapagun khornej kir skorte dugste nyadgal şanṭe manjo kals, innaj ciggan denba inkhanbo tantan co manyan.<sup>8</sup> Tene Paului khornej nonsmed inkhan stante zhus, "De Yahudape kathims ya chodkhaq ya Rommi gyalpoe gyabgalla mankhan can macospin."

<sup>9</sup> Innaj Phestussi Yahudapagunla katin stancesi dodpa coste khoe Paulua zers, "Khyoraj Yerushalemme nañja ñe dunla i shagspoe thimscadcesla chaa thaddaraggaa?"

<sup>10</sup> Innaj Paului mols, "Da Rommi gyalpoe khagkhurpe thimskuñja in, ñe shagssi thimscad innaru chagos. De Yahudapagunni gyabgalla skyon can macoskhanbo nyeranja gyalla coste gyusinnog.<sup>11</sup> Kaltes ña galte shicessi chadpa phognaj, ña shicessi phia jigssa merag. Innaj kaltes i Yahudapagunni neka nyadgal kalkhangun denba mabinja tene ña i migunni lagga stadcessi wan suzhiggen med. De Rommi gyalpoa i shagssi thimscad dzadcesla zhuwa phullad."<sup>12</sup> Phestussi khoranjji khaspa khadda tanckhangun nyampo qabs coste zers, "Khyoranjji Rommi gyalpoa zhuwa phulpa, Rommi gyalpoeka kalin."

### Phestus tan gyalpo agripa.

25:13 ne 27

<sup>13</sup> Zhag khaciggi stiñne gyalpo agripa tan khoe nomo Bernika Kesarria Phestusla gasus coste kuspa stannala yojs.<sup>14</sup> Khongun zhagbanshig teru dugspa, Phestussi Paului shagspoe skorla gyalpoa shads, "Iru Pheligssi tsonla kagskhanni mizhig dug.<sup>15</sup> Da Yerushalemme yod zane, lama uskyongun tan Yahudape uskyongunni i miboe gyabgalla skyon kalte khoa shicessi chadpa tancesla ña zerrarag.<sup>16</sup> De khongunla Rompe thims nañzhin, namtshogpa mizhigga khoa skyon kalkhangunni dunla khoraj skyobcesla skabs matañja suzhiggi lagga chadpa cadcesla stadchogga manog zerpin."

<sup>17</sup> "Khongun iru lebbacig, ñe gor macugga thorezugpo kho thimscaddala khyoncessi ka tanjspin.<sup>18</sup> Khongunni kalkhanni nyadgalgun, sadcessi chadpa phogcessi ospa midugpin kazug ñe samte yodpin.<sup>19</sup> Khongunni dziñmobo khonrañgunni chossi labzha khaciggika khamichamsces tan shikhanni mi Yesu zerkhanboe skorla innog, kabo Paului sonpo in zerdug.<sup>20</sup> Itsogssi nasluggi stsarcod tances ñaa hamagopa, ñe khoa khyoraj Yerushalemme te shagspoe thimscad cugcesla chala thadda ragga zerte tiñspin.<sup>21</sup> Innaj Paului Rommi gyalpoa te shagspo thagcadcugcessi phia zhuwa phuls, teboephia ñe kho Rommi gyalpoeka kalcessi qaldig chacha tshagpa iru borcesla ka tanjspin."

<sup>22</sup> Tene gyalpo agripe Phestusla zers, "Da te speragun tenna miboe khane tshorniyin rag."

Phestussi zers, "Nyeranji khoa thore nyanthubin."

<sup>23</sup> Stiñmazhagpo gyalpo agripa tan Bernika ma stabs chenmo nyampo te ñonjhyeri mi stsiwacan tan magmi sponbo chenmo gun thidte tshogskhanjji nañja yojs. Phestussi ka tanspa Paulu tshogskhanjji nañja khyojs.<sup>24</sup> Phestussi zers, "Gyalpo agripa tan ika ñazhaa nyampo yodkhanni mimajns, i miboa Itos, khoe

gyabgalla Yahudapa tshajme Yerushalemme nañja matshad iruan kuco tarin nja zers, 'I miboa sadcessi chadpa phogcessi ospa innog.'<sup>25</sup> Innañ nja gyussoñ, sadgoshessi chadpa phogcessi las khoe cañ macostog. Khoe Rommi gyalpoa khoe shagspoa thagcadcessi zhuwa phulpa je kho Rommi gyalpoeka kalces thagcadpin."

<sup>26</sup> "Innañ Rommi gyalpoa khoe gyabgalla tantan cañ dices med pasañ, je kho khyozhaa tshajma tarñ migsal coste gyalpo agripe skundunla khyonste in. Yanj ñadanji khoa stsarcod tanje stijnje ja khoe shagssi skorla spera rig Rommi gyalpoa dicesla thobin.<sup>27</sup> Ciazerna tsonpazhiggi skyongun lagmo mashadda Rommi gyalpoeka kalcespo ospa manog sammarag."

### Agripe dunla Paului shags.

#### 26:1 ne 32

**26** <sup>1</sup>Tene gyalpo agripe Paulua zers, "De khyoranña khyoran nojsmed inkhanni skor shadcessi skabs tarnjad."

Paului lagga ciñste thugrijeche zhuin mols,<sup>2</sup> "Gyalpo agripa, dirij nyeranji skundunla Yahudapagunni kalkhanni nyadgal tshajme gyabgalla ñaranj nojsmed inkhanbo shadnyañpa, nja ma sodecan tshorrarag,<sup>3</sup> ciazerna nyeranji Yahudapagunni lam lugsol tarñ mithunpe spera tshajme skorla thuggyus innog. Juju nyeranji je zercescangunla zodpa nyampo nyanna dzad."

<sup>4</sup> "Daranji yul matshad Yerushalemme nañjan, je chuntusne pharla ñaranji mitshe kazug tshulla phudkhanbo Yahudapa tshajma gyalla coste gyusyod.

<sup>5</sup> Khongunni ja tusyunrijne parla shesshespe, kaltes thaddadna, khongunni je ñadanji chossi tshajmesaj sante thims sukhanni sde, pharushipe mitshe phudkhanni spanjo tarñyances innog.<sup>6</sup> Konchoggi ñadanjgunni phamespogunla dzadkhanni zhalchaddi nañja nja rewa yodcespoe, dirij ja ika shags coa khyonste innog.<sup>7</sup> Dadanji sde rcugnyispoe, tenna zhalchadpo danda ðubcessi rewa borte tshannyin, snyiñ tarjte Konchogga zhabstog zhuin innog. Kye gyalpo, tenna rewa borcespoe nja Yahudapagunni nyadgal kalte innog.<sup>8</sup> Konchoggi shikhangun sontea lañja dzadnyancespoeka khyozhagun yamtshan cia charag?"

<sup>9</sup> "Sjunla ñean Konchog thugsthaddanog samste Natsaredpa Yeshua tadpa cokhangunni gyabgalla ci conyannan cospin.<sup>10</sup> Yerushalemme nañja je tenna tsogs cospin, je lama uskyongunni kane wançhaa lente tadpacan manjo tsonla kagspin, yan soggi chadpa phogkhangunni thagcadboe nañja ñean chogsskyor cospin.<sup>11</sup> Da Yahudape dukhañ rere nañja sonje khongunla chadpa cadte dadlog cocugcessi stsonðus coadpin. Khongunni gyabgalla şo şan̄e tarñ naphrad yodcespoe, ja yul thagriringunlan sonje khongunla nags şan̄e stanpin."

<sup>12</sup> "Lancig lama uskyongunni kane wançhaa khurte ja tenna laspoe phia Dameskhas chogsla chadpin,<sup>13</sup> lamma yod zane nyinjungzhigga, kye gyalpo, ja namkhane nyime oddi sañ manja Idanshan odshig babin thoñ, kabø ja tarñ je topagunla khorte dugs.<sup>14</sup> Dazhaa tshajma seka gyel, yan je sunskadcig tshor,

kaboe ḥa ibripe skaddi naqja mollarag, 'Saul, saul, khyoranji ḥa cia nagsbardo stannad. De dodpe gyabgalla nolcespo ni khyoranji khyoranja nodskyalte innog'."

<sup>15</sup> "Tene ḥe, 'Tsoo nyeran su in' zhushpin."

"Tsooe lansals, 'Da khyoranji nagsbardo stankhan, Yeshu in.' <sup>16</sup> Ta naqja kanpeka lorts. Khyoraj ḥaa zhabstog zhuces taq sparpo tancesla skocessi phia ḥaa khyoranja snonte in. Khyoranji dagsa thonjhan yan yoncessi tussi naqja ḥe khyoranja stancescangun jigstenpagunla shod. <sup>17-18</sup> De khyoraj khyoranji migun taq Yahudapa mankhanganne kane tusgyun skyobin. Khongun munqigne oddi naqja yonces taq shetanni waqne phirste Konchog chogsla thidcessi phia ḥe khyoraj khongunni mig phecesla khongunni ṭoa kallad. Tene khongunla sdigpagunne shagspa yan ḥe naqja tadpe zhaste stsañma gyurkhangunni ṭoa nassa thobin'."

<sup>19</sup> "Tennaboephia, kye gyalpo agripaa, namkhane curjhanni zhalzigssi naqja molkhangun ḥe khanyanpin. <sup>20</sup> Goma ḥe Dameskhas, tene Yerushalem taq yahude garjoe naqja yodkhangunla, testijne Yahudapa mankhanganla, khonranji sdigpe kane gyodpa coste Konchoggi chogsla sems gyurgos zerte chosshadpin, yan gyodpa cokhanbo laglen gyudte stancesla zerpin. <sup>21</sup> Te gyuntshanboe phia Yahudapagunni ḥa chodkhanji naqja zumste sadcessi stsonduš cos. <sup>22</sup> Innaj Konchoggi ḥa diriñ tshagpa skyobba dzad pasañ, ika lajste nyamshuñ taq khagcan tshajme dunla ḥe spanjo tanjnad. De Mozes taq zhan luñstonpagunni curjescangun molkhanboe san thebazhig cañ mazerpin, <sup>23</sup> tebo ni Konchoggi Idamma dzadkhanni Mashikaa rdugnaj thonces yan shikhanganne ṭone gomarañ sontea zhañskhanbo innog. Tenna lonbo Yahudapa taq Yahudapa mankhanganla tharpa thobcessi odpo in."

<sup>24</sup> Hunmedla Phestussi kuco tanjste zers, "Paulu khyoraj chalchol sorje innog, lobjon manpo cocespoe khyoraj snyocugste innog."

<sup>25</sup> Paului lansals, "Phestus skundun, ḥa snyoste man. De zerkhangun ṭanpo in chalchol man. <sup>26</sup> Gyalpoa igunni skorla thuggyus yodpa ḥe khonja citshajma shadnaj digste innog. Te nasskabs tshajme skorla khonja gyusyodcespo ḥa tantan rag ciazerna tegun sajwe naqja macoa innog. <sup>27</sup> Agripa gyalpo nyeranji luñstonpagunni molkhangunla idshessadda? Da gyusyod nyeranji idshes coanog."

<sup>28</sup> Gyalpo agripe Paulua zers, "Ci khyoranji izug tus nyuñunzhiggi naqja ḥa mashikeka tadpa cocugnyanin sammaraggan?"

<sup>29</sup> Paului mols, "Tus thurjun yodđo ya rijmo, ḥe Konchogga moslam zhuad, nyeranji cigpo manpa ika dzomste ḥe spera nyankhan tshajmar, i laglcagbo medpa ḥa tsogs gyurshig."

<sup>30</sup> Tene gyalpo lajts yan kho nyampo kalon, Bernika taq zhanma tshajma lajste sor. <sup>31</sup> Chen yod zane khongunni cig taq cigga zers, "Tsonla borces ya şoggi chadpa tangoshessi lasshig i miboe cañ macostog.

<sup>32</sup> Gyalpo agripe Phestusla zers, "Kaltes i miboe Rommi gyalpoa khoe shagspoa thimscad cocesla zhuwa maphulpinna, kho phudnaj digces dug."

### **Paulu Romma khyers.**

#### **27:1 ne 12**

**27** <sup>1</sup>Dazhagun tuzinji nañja itili yulla kalces thagcaddacig, kalonni Paulu tar zhan tsonpa khacig magmigye sponbo Julius zerkhanni lagga stads, kho Rommi gyalpoe migsalli magmii nañne inpin. <sup>2</sup>Đazhagun Ađamidimne lebkhanni tuzinzhigga zhonte sonpin, kabo Asiae yuljonssi tshoe thamaa yodkhanni nassagun gyudte chaces inpin, yañ Makedoniya yuljonssi Thesalonika gyalsane inkhanni Aristarkus ɻazhaa nyampo yodpin.

<sup>3</sup> Stirmazhago Sidon gyalsa lebbacig, ghosdomgun thobcessi phia Yuliussi thugrje coste Paulua khonjı dzaogun nyampo thugcesla gonspa tarı. <sup>4</sup> Tekane ɻazhagun tuzinjı zhons yañ lujspo ɻazhaa chen yodse gologpoa yorspa, ɻazhaa lujspo medsa Kibrus tsholir, yoma chogsla borte sonpin. <sup>5</sup> Tene ɻazhagun Kilikila tar pamphilye nyemoa yodkhanni gyatsho gyudte Ligya yuljonssi Mira gyalsa babspin. <sup>6</sup> Teru magmigye sponboa alegzander gyalsane inkhanni tuzinj, itili yulla chakhanzhig thobpa ɻazhagun teboe nañja skyons.

<sup>7</sup> Đazhaa yodkhanni tuzinj, zhag manpo kulea mane şul manyan, yañ kagspo nyampo ɻazhaa Knedus gyalsa leb. Lujrag yodcespoe, ɻazhaa chen yodkhanni lammika chaa manyarpa, ɻazhagun Salmone chogsne lujspo ghagcesla riña tsholij yaspa chogsla borte sonpin. <sup>8</sup> Yañ gyatshoe thama thamane ma kagspo nyampo ɻazhagun jigspa med zerkhanni nassa leb, kabo Lasea gyalse nyemoa yodpin.

<sup>9</sup> Teru lebcesla ma zhag manpo gor, yañ namza stsogpo lusshessi tuspo lebpa gyatshoe nañja tuzinj sulcespo ma jigspacan gyurradpin. Paului khonjunka khadaa salin mols, <sup>10</sup> "Topagun ne sambe nañja ɻadangunni bespo ma jigsnaçcan gyurcesdug sammarag, nor tar tuzinji kodka matshad ɻadangunni şoggan skyalcessi jigspa dug." <sup>11</sup> Innaj magmigye sponboe, Paului molkhanni sañ tuzin şulkhanni sponbo tar tuzinji dagpoe zerkhanboa nyances sambacan tshor. <sup>12</sup> Te nassabo ghunla dugcessi phia gyalla manpa, mi mancheaboe Phonigssi gyalsa lebcessi rewa borte chacesla thagcads. Phonigs riña tsholijni tuzin borse nassa, kabo ionub tar cañnub cigpone gyatshoe chogsla bete yodcespoe lujspo şan̄e yonja medpin.

#### **Gyatshoe nañja lujrag tar chulbag.**

#### **27:13 ne 26**

<sup>13</sup> Lo chogsne lujspo jampo yonçes gozug chacig, tuzin şulkhangunni Phonigsla khamzañ lebces son samste khongunni tuzinbo tolte riña thamane şulte khyers.

<sup>14</sup> Biňte tus manpozhig machaa riña chogsne lujrag tagpo yoñs, kabo caňsharri lujspo zerradpin. <sup>15</sup> Lujrag tagpoe zhaste tuzinbo Phonigssi chogsla khyer manyarpa, khongunni tuzinbo lujspoe khyersa chogsla phudtañs. <sup>16</sup> Kauda tsholijni lujspo medsa chogsne ɻazhagun chaa zane, şog skyobbi tuzin chunjunbo ɻazhaa ma kagspo nyampo skyobnyante tuzin chenmoeka stags. <sup>17</sup> Tene tuzinj

chenmobo chagcesne skyobcesla khorungunni stagne yog tshagpa thagpa nyampo Idams, yan tuzinbo Sirtissi nasse khorla peme nañja nercessi jigspha yodpa khongunni tuzin kulea dulcugkhanni yolabo chui nañja phabs, yan luñspoe tuzinbo sulite khyers.

<sup>18</sup> Luñrag tañ chulbag şanñe tuzinboa phogspa, stijnmazhagpo tuzin yanmo cocesla khongunni tenañja yodkhanni calaggun chui nañja phaçses gozugs.

<sup>19</sup> Zhag sumpe zhagga tuzin şulkhangunni tuzin şulcessi lagcha tshanmaj phaçs.

<sup>20</sup> Gyatshoe nañja luñrag tañ chulbag macadda zhag manpo nyima ya skarma mathor pasaq, ñazhaa tharcessi rewa malus.

<sup>21</sup> Migunni zan mazaa zhag manpo sonja, Paulu khongunni òoa lañste mols, "Topagun, kaltes khyozhagunni ñe zerkhanboa nyante riñane ma biñpinna itsogssi nodskyal tañ kodka sonje meddo. <sup>22</sup> Innañ ñe khyozhagunla taruñjañ rewa stanpo borcesla zerrad, ciazerna khyozhe òone suar mishi, tuzin cigpo thestor chen.

<sup>23</sup> Ðe zhabstog zhukhan Konchog kaboe ña in, khonji phonya, tañ tshanla ña yodsa skyodte <sup>24</sup> mols, 'Paulu jigs majigs, khyoraj Rommi gyalpoe dunla shags caddi phia tantan lebin, yan Konchoggi khyoraj nyampo tuzinjji nañja yodkhan tshanmaj skyobin.' <sup>25</sup> Tennaboephia topagun rewa thonpo bor, ñe idshes coad Konchoggi molkhanbo ñanda ñubin. <sup>26</sup> Innañ ñadañji tuzin tsholinzhiggi nyemoa tantan khadin."

### Tuzin chags.

#### 27:27 ne 44

<sup>27</sup> Tshan 14 zhagga ñazhagun Aðiya gyatshoe ajo chogsla luñspoe rilte khyer zane tshanphed zodcigga tuzin sulkhangunni sakyaddi nyemoa lebtigrag zerin tshor. <sup>28</sup> Tene khongunni chu tsamshig konðo dug tabsa, mitar 37 biñ, yan tsapigzhig stijnne tabsa, tshadpo mitar 28 biñ. <sup>29</sup> Tuzinbo ñagga phogcessi jigspe nañja khongunni tuzin ghagcessi phia tuzinjji jugne lciñte lcags tagskhanni thagpa zhi chui nañja phabs, yan namlanjcessi phia moslam zhus.

<sup>30</sup> Tene tuzin şulkhangunni tuzinjji gone lciñte lcags tagskhanni thagpa phabszun tañste shorcessi phia tuzin churjunbo phabs. <sup>31</sup> Paului magmigye sponbo tañ magmigunla mols, "Kaltes i migun tuzinjji nañja madugna khyozhe ñog miþhar." <sup>32</sup> Tene magmigunni tuzin churjun ciñste yodkhanni thagpa cadte gyatshoe nañja budcugs.

<sup>33</sup> Namlanjssacig Paului migunla kharji zacugcesla stsonðus coin mols, "Khyozhe zhag cubzhine pharla jigspha tañ thetshomssi nañja kharjia lagpa mastses. <sup>34</sup> Juju ñe khyozhagunla sontea lusshessi phia kharji zacesla zhuwa phullad. Khyozhaa ciggiñ goi ñanyag cig mi stor. <sup>35</sup> Tebo molte stijnne khonji tagizhig lente khon tshanme dunla Konchogga thugreche phulte cagste zos. <sup>36</sup> Tene tshanmala hampa skyeste zan zos. <sup>37</sup> Tuzinjji nañja yodkhangunni tañska 276 yodpin. <sup>38</sup> Khongun zan zoste ñanßsacig, tuzin yanmo chacessi phia khongunni tuzinjji nañja yodkhanni tonas tshanma chui nañja phaçs.

<sup>39</sup> Namlaŋssacig gyatshoe thame sakyadzhig thor, innaj Kanassa in gyus masonj. Nyanna ḥuziŋ te sakyaddi nyemoe peme naŋja khadcugesla khongunni thagcads. <sup>40</sup> Khongunni lciňte lcags tagskhanni thagpagun cadte gyatshoe naŋja phaŋs, tenna tusla ḥuziŋ kyogcessi shinja Idamskhanni thagpagun tols, tene ḥuziŋni dunnī yolabo stagste luŋspoa ḥuziŋbo thama chogsia khyercugs. <sup>41</sup> Innaj samkhanni saŋ sŋunla ḥuziŋni dunbo peme naŋja khađ, yaŋ gyabbo chulbag shedcanni zhaste chages gozog.

<sup>42</sup> Tsonpagun chua skyalte shorte michacessi phia magmigunni khongun sadcessi thabsldiŋjapin. <sup>43</sup> Innaj magmigye sponboa Paulu skyobcessi dodpa yodpa, khonunla te thabldiŋs naŋzhin co macugs. Khoe ka tanjs, "Goma skyalnyankhangun sakyad chogsia chacesla chui naŋja choms, <sup>44</sup> yaŋ luskhangunni spaŋleb tarj ḥuziŋ chaghanni shinjgunni rogs len." Tezug cos pasaj tshaŋma saskampoeka khamzaŋ biŋnyan.

### Malta tsholiŋja leb.

#### 28:1 ne 10

**28** <sup>1</sup> Khamzaŋ nyampo sa skampoeka binste stiŋne ḥazhaa te tsholiŋboa malta zerkhan gyussor. <sup>2</sup> Te yulmigunni ḥazhaa mašanṭe snyinrje stans. Charpa taŋcespoe tarjmo ḥanṭe yodpa, te migunni me tarjste ḥazhaa gasus gyalla cos.

<sup>3</sup> Paului shiŋ banshig rugste mea tabces coacig, me tshaddi zhaste te shinji ṭone tugrulzhig biŋte Paului lagpa soga tabste dugs. <sup>4</sup> Tsholiŋji migunla rulboe Paului lagpa soga tabste thonjacing, cig tarj cigga zers, "I mibo tantanla misadzhig innog. Kho gyatshoe naŋne tharte innaj thimscad dzadkhanni Konchoggi kho sonea lus cugga madzadda innog." <sup>5</sup> Paului rulbo ʃugste me naŋja phaŋs salpa khonja caŋ masonj. <sup>6</sup> Te migunni Paului zugspobo ḥanṭsin ya hunmedla seka gyelete shianog sam. Tus manpozhig ſuŋste stiŋnear Paulua caŋ masonja khongunni samkhanbo gyurie i mibo Konchogshig innog zers.

<sup>7</sup> Publius zerkhanbo te tsholiŋji naŋja sakyad ma chenmozhiggi dagpo tarj te yulli kalon inpin. Khoe ḥazhaa khoranŋi khanpe naŋja gasus zhuste zhag sum tshagpa ḥazhaa stastog coste thugrje dzads. <sup>8</sup> Publiussi abaa tshad tarj tholcessi zumo yonste maltse naŋja dugpin, Paulu khoa thuggala skyods. Moslam zhus yaŋ khonranŋi chag khoe goeka borra dzadte kho phancugga dzads. <sup>9</sup> Tebo thonjacing te tsholiŋji zhan nadpa tshaŋma khonŋi dunla khyoŋs, yaŋ Paului khongunnaŋ phancugga dzads. <sup>10</sup> Teboe zhaste khongunni ḥazhagunla ma stsiwa cos, yaŋ ḥazhaa tekane biŋcessi ḫal coacig, khongunni ḥazhaa ghosdom yodkhan tshaŋma ḥuziŋji naŋja skaŋs.

### Romma leb.

#### 28:11 ne 16

<sup>11</sup> Lzawa summi stiŋne ḥazhagun, ghuntus phudcesla te tsholiŋboeka dugste yodkhanni ḥuzinzhigga zhonte sorpiŋ, kabo alegzanderne innog. Te ḥuziŋji gobo rispe tshagtug la kaſtar tarj polags zerkhani goe zoste naŋja skoste dugpin.

<sup>12</sup> Dazhagun Sirakus gyalsa leb, yan teru zhag sum hugs. <sup>13</sup> Tekane tuzirni nañja sonje ñazhagun Regium gyalsa leb, yan stijnmazhago lo chogsne luñspo yonspa zhaciggi stiñne ñazhagun Puteoli ñonkhyerla leb. <sup>14</sup> Teru ñazhagunla tadpacan khacig thug, khongunni ñazhaa zhagpo rduñ khongun nyampo dugcesla zhus. Te stiñne ñazhaa qulte Rommi gyalsa leb.

<sup>15</sup> Rommi nañja yodkhanni spungunla ñazhaa yoñdug zerte gyussonje Abpiussi thoms tarj, beskhañ sum zerkhanni ñonkhyer tshagpa ñazhaa suste yoñs. Khongun thonjacing Paului semsla spospa skyeste Konchogga thugjeche zhus. <sup>16</sup> Rommi gyalsa lebste stiñne Paulua cigpo khanpazhiggi nañja dugcesla goñspa tanste magmi cig suñja bors.

### Rommi nañja Paului chosshads.

28:17 ne 31

<sup>17</sup> Zhag sum chacig Paului Yahudape uskyongunla boda. Khongun Idussacig Paului mols, "Yahudape spungun, ne, ñadanji migun ya phamespoe lugsolgunni gyabgal mane macospin, tenean ja Yerushalemmei nañja zumste Rompe lagga stads. <sup>18</sup> Rompagunni ja stsarcod tanste stiñne phudcesla thad ciazerna soggi chadpa phogcessi lasshig ne mane macospin. <sup>19</sup> Innañ Yahudapagunni te thagcadboa gyabgal cospa, ñaa Rommi gyalpoeka thimscaddi phia zhuwa phulgos, ne ñaranjni migunni skyon kalcesla te zhuwa maphulpin. <sup>20</sup> Israelpagunni rewa, kabu Idamma dzadkhanni Mashika in, khor skyotsharkhanbo nañja tadpa cospa ñaa i Icagthag nyampo ciñste inkhanbo hagocugcessi phia ne khyozhaa spera tanja bodte in."

<sup>21</sup> Khongunni lantañs, "Dazhaa nyerañji skorla Yahudane ige maleb, yan Yahudane yoñkhanni spungunni nyerañji skorla cañ ñanpa shadda ya zerra merag. <sup>22</sup> Innañ karurja migunni i chos sde gyabgalla spera tankhanbo ñazhaa gyusyod. Iboe skorla shaddadzad ñazhaa nyancesla thaddarag."

<sup>23</sup> Paului spera nyancesla khongunni zhagshig Idams. Te zhagpo lebbacig, Paulu zhugse khanpaa sñunni sañ manja migun dzoms. Paului ñatogne phitog tshagpa khongunla Konchoggi gyaliddi skorla spanpo salin hagocugs. Yan Mozessi kathims tan lunstonpagunni spechagun gyudte Yesu Konchoggi Idamma dzadkhanni Mashika inkhanbo hagocugcessi stsondus cos. <sup>24</sup> Khaciggi khonjni molkhangun tshorete tadpa cos, innañ khaciggi macos. <sup>25</sup> Samtshul sosoe zhaste khongunni nañja midigces son yan khongun tekane biñte chen yod zane Paului mols, "Yeshya luñstonpa gyudte dampe thugnyiddi khyozhe phamespogunla denba molte innog,

<sup>26</sup> 'I Mirabspoeka sonje zer,

'Khongunni ne shadkhangun tshornaj hagothubba midug,

Khongunni ne cokhangun thonjanj ja su inkhanbo ñoshessa midug'

<sup>27</sup> Ciazerna i Mirabspoe snyiñbo skyonpo gyurte dug,

Khongunla kagspo nyampo ma nyuñun tshordug.

Yan miggun tsumste yodpa khongunni migne mithon,

Namcogne mitshor, yaŋ semsla hamigo

Te mane khongun ḥa chogsla gyurte

De khon̄gun gyalcugste yoddø.<sup>l</sup><sup>28</sup>

<sup>28</sup> "Tennaboephia Konchoggi tharlamm̄i lonbo Yahudapa mankhangunni ka  
kalte khongunni nyancespo khyozhagunni hagogos" <sup>29</sup><sup>m30</sup> Paulu lo nyis khanla  
shalkhanni khanpe nanja zhugs, yaŋ khon̄ni thugga yoŋkhan tshaŋmala gasus  
zhuadpin. <sup>31</sup> Khon̄ni ma spospa taŋ caŋ ghagzhaa medpa Konchoggi gyalſiddi  
skorla shadte Tsoo Yesu mashike skorla labzha sals..

---

<sup>l</sup>**28:27** yeshaye speche 6:9,10

<sup>m</sup>**28:29** sŋunme rissi specha khaciggi nanja i karpbabo thudte yodte innog kabø ni Paului tebo  
mollacig Yahudapagunni džiŋmo tanjin tenajne biŋte soŋ.